

# মাসিক আত-তাহরীক

৭ম বর্ষ ৫ম সংখ্যা  
ফেব্রুয়ারী ২০০৪

ধর্ম, সমাজ ও সাহিত্য বিষয়ক গবেষণা পত্রিকা



প্রকাশক :

হাদীছ ফাউন্ডেশন বাংলাদেশ

কাজলা, রাজশাহী।

ফোন ও ফ্যাক্সঃ (অনুঃ) ০৭২১-৭৬০৫২৫, ফোনঃ (অনুঃ) ৭৬১৩৭৮, ৭৬১৭৪১

মুদ্রণে : দি বেঙ্গল প্রেস, রাণীবাজার, রাজশাহী, ফোনঃ ৭৭৪৬১২।

رب زدنى علما

مجلة "التحرير" الشهرية علمية أدبية و دينية

جلد: ৭ عدد: ০৫, ذوالحجة و محرم ১৪২৪ھ/ ফبرুৱাৰ ২০০৪ম

وئيس مجلس الإدارة: د. محمد أسد الله الغالب

تصدرها حديث فاؤنڈيشن بنغلاديش

প্রচ্ছদ পরিচিতি : GRAND MOSQUE, কুয়েত।

Monthly AT-TAHREEK an extra-Ordinary Islamic research Journal of Bangladesh directed to Salafi Path based on real Tawheed and Sahih Sunnah. Enriched with valuable writings of renowned scholars and Columnists of home and abroad, aiming to establishing a pure islamic society in Bangladesh. Some of regular columns of the Journal are: 1. Dars-i- Quran 2. Dars-i- Hadees 3. Research Articles. 4. Lives of Sahaba & Pioneers of Islam 5. Wonder of Science 6. Health, Medicine & Agriculture 7. News : Home & Abroad & Muslim world. 8. Pages for Women 9. Children 10. Poetry 11. Fatawa etc.

Monthly AT-TAHREEK

**Cheif Editor : Dr. Muhammad Asadullah Al- Ghalib.**

Editor : Muhammad Sakhawat Hossain.

Published by : Hadees Foundation Bangladesh.

Kajla, Rajshahi, Bangladesh.

Yearly subscription at home Regd. Post. Tk. 170/00 & Tk. 90/00 for six months.

**Mailing Address :** Editor, Monthly AT-TAHREEK

NAWDAPARA MADRASAH (Air port Road) P.O. SAPURA, RAJSHAHI.

Ph & Fax : (0721) 760525, Ph : (0721) 761378, 761741.

মাসিক

بِسْمِ اللّٰهِ الرَّحْمٰنِ الرَّحِیْمِ

আত-তাহরীক

مجلة "التحریر" الشهرية علمية أدبية ودينية

ধর্ম, সমাজ ও সাহিত্য বিষয়ক গবেষণা পত্রিকা

তৃতীয় বর্ষ ১৬৪

সূচীপত্র

৭ম বর্ষঃ	৫ম সংখ্যা
যুলহিজ্জাহ-মুহাররম	১৪২৪-১৪২৫ হিঃ
মাঘ-ফাল্গুন	১৪১০ বাং
ফেব্রুয়ারী	২০০৪ ইং

সম্পাদক মণ্ডলীর সভাপতি
<b>ডঃ মুহাম্মাদ আসাদুল্লাহ আল-গালিব</b>
সম্পাদক
<b>মুহাম্মাদ সাখাওয়াত হোসাইন</b>
সাকুলেশন ম্যানেজার
<b>আবুল কালাম মুহাম্মাদ সাইফুর রহমান</b>
বিজ্ঞাপন ম্যানেজার
<b>শামসুল আলম</b>

কম্পোজিং হাদীছ ফাউন্ডেশন কম্পিউটার্স

যোগাযোগঃ

সম্পাদক, মাসিক আত-তাহরীক  
নওদাপাড়া মাদরাসা (বিমান বন্দর রোড),  
পোঃ সপুরা, রাজশাহী। মোবাইলঃ ০১৭৫০০২৩৮০  
মাদরাসা ও 'আত-তাহরীক' অফিস ফোনঃ (০৭২১) ৭৬১৩৭৮  
সাকুলেশন ম্যানেজার মোবাইলঃ ০১৭১-৯৪৪৯১১  
কেন্দ্রীয় 'যুবসংঘ' অফিস ফোনঃ ৭৬১৭৪১

সম্পাদক মণ্ডলীর সভাপতি  
ফোন ও ফ্যাক্সঃ (বাসা) ৭৬০৫২৫।  
ই-মেইলঃ [tahreek@librabd.net](mailto:tahreek@librabd.net)

ঢাকাঃ  
তাওহীদ ট্রাস্ট অফিস ফোন ও ফ্যাক্সঃ ৮৯১৬৭৯২।  
'আন্দোলন' ও 'যুবসংঘ' অফিস ফোনঃ ৯৫৬৮২৮৯

হাদিয়াঃ ১২ টাকা মাত্র।

হাদীছ ফাউন্ডেশন বাংলাদেশ  
কাজলা, রাজশাহী কর্তৃক প্রকাশিত এবং  
দি বেঙ্গল প্রেস, রাণীবাজার, রাজশাহী হাতে মুদ্রিত।

● সম্পাদকীয়	০২
● প্রবন্ধঃ	
□ শিক্ষা ব্যবস্থায় ধসঃ কিছু পরামর্শ -মুহাম্মাদ আসাদুল্লাহ আল-গালিব	০৩
□ ঐ সকল হারাম যেগুলিকে জনগণ হালকা মনে করে, অথচ তা থেকে বেঁচে থাকা ওয়াজিব (৭ম কিত্তি) - মুলঃ মুহাম্মাদ ছালেহ আল-মুনাজ্জিদ অনুবাদঃ মুহাম্মাদ আব্দুল মালেক	০৭
□ কবরে তিনটি প্রশ্নঃ মতবাদপন্থী কোন মুসলমানের পক্ষে জবাব দান সম্ভব কি? - মুহাম্মাদ বিন মুহসিন	১৩
□ আরবী সাহিত্যে প্রভাব বিস্তারে হাদীছের ভূমিকাঃ একটি সমীক্ষা -নূরুল ইসলাম	১৭
□ নারী-পুরুষের সৃষ্টি রহস্য -মাসউদ আহমাদ	২১
□ দায়িত্ব -রফীক আহমাদ	২৪
□ কুরআনের মত একটি গ্রন্থ রচনার সম্ভাবনা প্রসঙ্গে -এ.কে. মোহাম্মদ আলী	৩০
● দিশারীঃ	৩১
□ কেন এমন হয়? -মুহাম্মাদ আতাউর রহমান	
● চিকিৎসা জগৎঃ	৩৩
□ আর্সেনিকঃ হোমিওপ্যাথিক চিকিৎসা বিজ্ঞানে এর ভূমিকা -ডাঃ মুহাম্মাদ সাখাওয়াত হোসাইন ভূইয়া	
● ক্ষেত্র-খামারঃ	৩৪
সোহরাওয়ার্দী আজ এক আত্মনির্ভরশীল যুবক	
● কবিতাঃ	৩৫
● সোনামণিদের পাতাঃ	৩৬
● স্বদেশ-বিদেশ	৩৭
● মুসলিম জাহান	৪২
● বিজ্ঞান ও বিন্ময়	৪৩
● সংগঠন সংবাদ	৪৪
● জনমত কলাম	৪৭
● প্রসঙ্গভর	৪৮

## কাদিয়ানী বিতর্ক শেষ করুন

প্রধানমন্ত্রীর বক্তব্য অনুযায়ী 'বাইরের চাপ' এবং সফররত আমেরিকান কংগ্রেসম্যান জোসেফ ক্রাউলীকে ব্যাখ্যা করে হ'লেও কাদিয়ানীদের অমুসলিম ঘোষণার দীর্ঘদিনের গণদাবীর প্রেক্ষিতে সরকার তাদের সকল প্রকাশনা, বিক্রয়, বিতরণ ও সংরক্ষণ নিষিদ্ধ ঘোষণা করে গত ৮ই জানুয়ারী '০৪ এক বিজ্ঞপ্তি জারি করেছে। ঘোষণাটি ধীনদার মহলে ব্যাপকভাবে প্রশংসিত হয়েছে। যদিও বিরোধী দলীয় নেত্রীসহ ধর্মনিরপেক্ষ ও বাম মহল থেকে এর বিরুদ্ধে প্রতিবাদ এসেছে। ঘোষণাটিকে বাংলাদেশের প্রেক্ষাপটে যুগান্তকারী বলা চলে এজন্য যে, পাকিস্তান আমল থেকে ঢাকায় আসন গেড়ে বসা এই ভ্রান্ত দলটির গায়ে এখাবত কেউ হাত দেয়ার সাহস করেনি। ইতিমধ্যে বহু মুসলমানকে এরা বিপথে নিয়ে গেছে। এ কাজে প্রধান হত্যিয়ার হিসাবে তারা ব্যবহার করেছে তাদের অটেল বিদেশী অর্ধ ও চটকদার প্রকাশনা। আর সেক্ষণার্থে হিসাবে ব্যবহার করেছে সরকারের বড় বড় কুই-কাতলাকে। পাকিস্তানের সুষ্ঠিগু থেকে এখাবৎকাল কাদিয়ানীরা সর্বদা সরকারের মধ্যে বা কাছাকাছি থাকতে চেষ্টা করেছে। যাতে সরকারী প্রশাসন সর্বদা তাদের ব্যাপারে নমনীয় থাকে। 'কাফির' হওয়ার কারণে মন্ত্রায় কাদিয়ানীদের প্রবেশ নিষিদ্ধ। সেকারণ ইসলামের নাম নিয়েই তারা মুসলমানদের প্রতারণা করে চলেছে।

কাদিয়ানীরা 'কাফির' কেন? অন্যদের থেকে মুসলমানদের মৌলিক পার্থক্য হ'ল আত্মীদার পার্থক্য। সে আত্মীদা হ'ল কালেমায়ে শাহাদাত। যার প্রথমংশ হ'ল 'লা ইলাহা ইল্লাল্লাহ' আল্লাহ ব্যতীত কোন উপাস্য নেই' এবং দ্বিতীয় অংশ হ'ল মুহাম্মাদুর রাসূলুল্লাহ 'মুহাম্মাদ আল্লাহর রাসূল। তিনি রাসূল মাত্র নন; বরং ১ লক্ষ ২৪ হাজার নবী-রাসূলের মধ্যে তিনি সর্বশেষ ও সর্বশ্রেষ্ঠ রাসূল (আহয্যা ৪০; আহয্যা, মিশকাত হা/৫৭৩৭)। তাঁর মাধ্যমেই ধীন পূর্ণতা লাভ করেছে এবং ইসলাম আল্লাহ মনোনীত একমাত্র মানবধর্ম হিসাবে প্রেরিত হয়েছে (মায়েদাহ ৩)। তিনিই সর্বশেষ রাসূল। তাঁর পরে আর কোন নবী আসবে না। তিনি বলেন, 'আমার পরে আমার উম্মতের মধ্যে ৩০ জন মিথ্যা নবীর আবির্ভাব ঘটবে। প্রত্যেকে নিজেকে আল্লাহর নবী বলে ধারণা করবে। অথচ আমিই শেষনবী। আমার পরে কোন নবী নেই' (আবু দাউদ প্রভৃতি, মিশকাত হা/৫৪০৬)। তিনি আরও বলেন, 'নবীদের তুলনায় একটি পাকা দালানের ন্যায়, যাতে একটি ইটের জায়গা মাত্র খালি ছিল। আমিই সেই ইট এবং আমার মাধ্যমেই নবীদের সিলসিলা শেষ হয়ে গিয়েছে' (মুজাফকু আলাইহ, মিশকাত হা/৫৭৪৫)। তিনি বলেন, 'অন্যান্য নবীগণ এসেছিলেন স্ব স্ব গোত্র ও সম্প্রদায়ের জন্য। কিন্তু আমি প্রেরিত হয়েছি সমস্ত সৃষ্টিকুলের জন্য' (সাবা ২৮; মুজাফকু আলাইহ, মিশকাত হা/৫৭৪৫)। হাদীছে খির্রীলে প্রদত্তের পূর্বে 'ইসলাম কি?' এমন এক প্রশ্নের জবাবে রাসূলুল্লাহ (ছাঃ) বলেন, 'ইসলাম' হ'ল এই যে, তুমি সাক্ষা দিবে এ বিষয়ে যে, আল্লাহ ব্যতীত কোন উপাস্য নেই এবং সাক্ষা দিবে যে, মুহাম্মাদ আল্লাহর রাসূল' (মুসলিম, মিশকাত হা/২)। অন্য হাদীছে আল্লাহর রাসূল (ছাঃ) বলেন, 'আমাকে অন্যদের সঙ্গে লড়াইয়ের নির্দেশ দেওয়া হয়েছে অতক্ষণ পর্যন্ত যতক্ষণ না তারা সাক্ষা দিবে যে, আল্লাহ ব্যতীত কোন উপাস্য নেই এবং মুহাম্মাদ আল্লাহর রাসূল..' (মুজাফকু আলাইহ, মিশকাত হা/১২)। অন্য হাদীছে এসেছে, 'যে ব্যক্তি মুহাম্মাদের আনুগত্য করল, সে আল্লাহর আনুগত্য করল। যে ব্যক্তি মুহাম্মাদের অবাধ্যতা করল, সে আল্লাহর অবাধ্যতা করল। মুহাম্মাদ হ'লেন লোকদের মধ্যে (মুসলিম ও কাফিরের) পার্থক্যকারী' (বুখারী, মিশকাত হা/১৪৪)।

বলা বাহুল্য যে, কালেমায়ে শাহাদাতের প্রথমংশে তাওহীদ তথা আল্লাহর একত্ববাদ এবং দ্বিতীয়ংশে রিসালাতে মুহাম্মাদী তথা খতমে নবুওয়্যাতের স্বীকৃতিদানের মাধ্যমেই একজন মানুষ ইসলামে দাখিল হ'তে পারে, নইলে নয়। তাঁকে শেষনবী হিসাবে বিশ্বাস করার উপরেই নির্ভর করে মুসলিম উম্মাহর ঐক্য ও অখণ্ডি। নির্ভর করে ইসলামের পূর্ণাঙ্গ ধীন হওয়া ও কুরআনের সর্বশেষ ও সর্বশ্রেষ্ঠ আসমানী কিতাব হওয়া। অতএব মুহাম্মাদ (ছাঃ)-কে শেষনবী মানতে অস্বীকারকারী কিংবা তাতে সন্দেহ পোষণকারী ব্যক্তি নিঃসন্দেহে কাফির ও জাহান্নামী।

কিন্তু দুর্ভাগ্য এই যে, নবুততের বিপুল মর্যাদায় ঈর্ষান্বিত হয়ে দুনিয়াপুঞ্জারী কিছু ব্যক্তি যুগে যুগে নিজেরদেরকে নবী হিসাবে দাবী করেছে। রাসূলের জীবন সায়াকে ইয়ামনের আসওয়াদ আনাসী ও ইয়ামামাতে মুসায়লামা কাযযাব এবং রাসূল (ছাঃ)-এর মৃত্যুর পরপরই নাজদে তুলয়হা আসাদী ও ইরাকে সাজা' নামী জনৈক মহিলা 'নবী' হবার দাবী করে। প্রথম খলীফা হযরত আবুবকর (রাঃ) এনব উক্তনবীদের সমুদে উৎখাত করেন। অতঃপর প্রায় তেরশো বছর পরে বর্তমান ভারতের পূর্ব পাঞ্জাবের গুরুদাসপুরে যেলার বাটলা মহকুমাদীন 'কাদিয়ান' নামক উপশহরে জন্মগ্রহণকারী মির্থা গোলাম আহমাদ কাদিয়ানী (১৮৩৫-১৯০৮) ১৮৯১ সালের ২২শে জানুয়ারী নিজেকে 'মসীহ ঈসা' ও ১৮৯৪ সালের ১৭ই মার্চ 'ইমাম মাহদী' এবং ১৯০৮ সালের ৫ই মার্চ তারিখে নিজেকে 'নবী' হিসাবে ঘোষণা দেয়। ১৮৮৯ সালের ২০শে মার্চ তারিখে তার নিজ নামানুসারে প্রতিষ্ঠিত দলের নাম রাখা হয় 'আহমাদিয়া জামা'আত'। বর্তমানে এরা বলেছে, 'আহমাদিয়া মুসলিম জামাত'। বিদেশে এই জামা'আতের প্রধান ঘাঁটি হ'ল লন্ডনে এবং ইসরাঈলের বন্দর নগরী হাইফাতে। ইসরাঈল রাষ্ট্রের জন্মের পূর্ব থেকেই তারা এ কেন্দ্র থেকে বৃটিশ সাম্রাজ্যবাদের সেবা করত। বাংলাদেশে এদের মূল ঘাঁটি ঢাকার বংশীবাড়ীতে আলিয়া মাদরাসার পাশে। জানা যায়, ঢাকায় তাদের মোট ৭টি উপসনালয় এবং সারা দেশে মোট ১৩০টি সেন্টার রয়েছে। তাদের বই ও পত্রিকা বিভিন্ন ভাষায় অনুবাদ করে পৃথিবীর প্রায় সকল দেশে প্রচার করা হয়। AM টিভি নামের স্যাটেলাইট চ্যানেলের মাধ্যমে তারা কুরআনের বিকৃত ব্যাখ্যা সারা দুনিয়ায় প্রচার করে।

ভারত উপমহাদেশের উপরে চেপে বসা ইংরেজ দখলদারদের বিরুদ্ধে আহলেহাদীহ ওলামায়ে কেলামের নেতৃত্বে পরিচালিত 'জিহাদ আন্দোলন' যখন ব্যাপক সামাজিক রূপ লাভ করে, তখন বৃটিশ যুদ্ধমশাহীর বিরুদ্ধে মুসলমানদের ঐক্যবদ্ধ রাজনৈতিক উত্থানকে অকুরে বিনাশ করার জন্য কুচক্রী ইংরেজদের অন্যতম চক্রান্ত হিসাবে গোলাম আহমাদ কাদিয়ানীকে তাদের দাবার ঘৃষ্টি হিসাবে ব্যবহার করা হয় এবং তার মাধ্যমে খতমে নবুওয়্যাতের আত্মীদার বিক্রান্তি সৃষ্টি করে মুসলিম একো ফাটল ধরানোর এবং তাদের দৃষ্টিকে আপোষে ঝগড়া লাগানোর দিকে ফিরিয়ে দেবার চেষ্টা চালায়। এজন্য তারা অর্ধের বিনিময়ে অনেক মুসলিম বুদ্ধিজীবীকে কাজে লাগায়। বৃটিশের দালাল এই উক্তনবী এই সময় ঋণে প্রচার করে যে, 'ইংরেজ শাসন মুসলমানদের জন্য আসমানী রহমত স্বরূপ। ...অতএব তাদের বিরুদ্ধে জিহাদ করা হারাম'। তিনি বলেন, 'বৃটিশ হুকুমত আমার জন্য তালোয়ার স্বরূপ। ...আল্লাহ এই হুকুমতের সাহায্যে ও সমর্থনে ফেরেশতা নাযিল করেন'।

মুবাহালা ও উক্তনবীর মৃত্যু: ১৩১০ খিজরীর ১০ই যুলক্বাদা মোতাবেক ১৮৯৩ খৃষ্টাব্দের জুন মাসে পূর্ব পাঞ্জাবের খ্যাতনামা আহলেহাদীহ আলিম মাওলানা আব্দুল হক গখনভী এই উক্তনবীর বিরুদ্ধে 'মুবাহালা'-র ঘোষণা দেন। অন্যদিকে 'ফাতেহে কাদিয়ান' 'শেরে পাঞ্জাব' 'অল ইণ্ডিয়া আহলেহাদীহ কনফারেন্স'-এর সেক্রেটারী মাওলানা ছানউল্লাহ অমৃতসরী (১৮৬৮-১৯৪৮) এদন্ত চ্যালেঞ্জের পর চ্যালেঞ্জের জ্বালায় অতিষ্ঠ হয়ে ১৯০৭ সালের ১৫ই এপ্রিলে উক্ত উক্তনবী বাধ্য হয়ে চ্যালেঞ্জ কবল করে পাঁচটা 'মুবাহালা'-র ঘোষণা দেয় এবং বলে যে, 'হে আল্লাহ! তুমি আমার ও ছানউল্লাহর মধ্যে ফায়ছালা করে দাও এবং তোমার দৃষ্টিতে প্রকৃত অশান্তি সৃষ্টিকারী ও মিথ্যাককে সত্যবাদীর জীবদ্দশাতেই দুনিয়া থেকে উঠিয়ে নাও'।

দু'দু'জন খ্যাতনামা আহলেহাদীহ আলিমের সাথে মুবাহালায় ফলশ্রুতি হ'ল এই যে, আল্লাহ পাক এই মিথ্যানবীকে সত্যবাদীদের জীবদ্দশাতেই ন্যাকারজনক মৃত্যু দান করেন এবং ১৯০৮ সালের ২০শে মে সকাল ১০-টায় লাহোরে প্রচণ্ড কলরায় যখন তার মৃত্যু হয়, তখন তার মুখ দিয়ে পায়খানা বের হচ্ছিল। অতঃপর দাফনের উদ্দেশ্যে কাদিয়ান নিয়ে যাবার পথে লাহোরের আহমাদিয়া বিকিং থেকে রেল স্টেশন পর্যন্ত মির্থা দুর্গক্ষয় লাশের উপরে হিট-পাথর, ময়লা-আবর্জনা, বিষ্ঠা ও পায়খানা এমনভাবে বর্ষিত হয় যে, বিশ্ব ইতিহাসে কোন কাফিরেরও এত লাঞ্ছনা ও অবমাননার খবর পাওয়া যায় না। উল্লেখ্য যে, কাদিয়ানীদের বিরুদ্ধে দেউবন্দ সহ উপমহাদেশের অন্যান্য হানাহী উলামায়ে কেলামের দৃঢ় ভূমিকা ছিল নিঃসন্দেহে প্রশংসনীয়। বর্তমানেও দেশের হানাহী ও আহলেহাদীহ ওলামায়ে কেলাম কাদিয়ানীদের 'কাফের' ঘোষণার ব্যাপারে ঐক্যবদ্ধ ভূমিকা পালন করে যাচ্ছে।

দেশে দেশে কাদিয়ানী: ইহুদী-খৃষ্টান চক্রের লালিত-পালিত মির্থা কাদিয়ানী যে হাদীছে বর্ণিত ৩০ জন মিথ্যা নবীর অন্যতম ছিল, তাতে কোন সন্দেহ নেই। সেকারণ হযরত আবুবকর (রাঃ)-এর মহান নীতির অনুসরণে এ যাবত পৃথিবীর অন্ততঃ ৪০টি মুসলিম দেশে এদেরকে অমুসলিম ঘোষণা করা হয়েছে। ১৯৭৪ সালে 'রাবেতা'-র উদ্যোগে মন্ত্রায় অনুষ্ঠিত ১৪৪টি রাষ্ট্র ও সংগঠনের নেতৃবৃন্দ এবং ১৯৮৮ সালে ইরাকে অনুষ্ঠিত 'ওআইসি' সম্মেলনে এদেরকে 'কাফির' ঘোষণা করা হয়। বাংলাদেশে ১৯৮৫ সালে এবং ১৯৯৩ সালে স্ত্রীম কোর্টের দুটি মামলার রায়ে এদেরকে 'অমুসলিম' হিসাবে গণ্য করা হয়। ১৯৯৭ সালের ২৭ ফেব্রুয়ারীতে ঢাকার সোবহানবাগ মসজিদে অনুষ্ঠিত বিরাট মুহুরী সমাবেশে প্রেসিডেন্ট শাহাবুদ্দীনের উপস্থিতিতে মসজিদে নববীর সম্মানিত খব্বী ডঃ আব্দুর রহমান আল-হোয়ায়ফী এদেরকে 'কাফির' ঘোষণা করে বলেন, এদেরকে যারা মুসলমান মনে করে তারাও 'কাফির'। এতদিন পরে বর্তমান জোট সরকার তাদের যাবতীয় বই ও প্রকাশনা নিষিদ্ধ করে এ বিষয়ে প্রথম সরকারী পদক্ষেপ রাখলেন। এজন্য আমরা সরকারকে ধন্যবাদ জানাই। এক্ষণে দাবী জানাই শুধু বই নিষিদ্ধ করে নয়, এদেরকে অনতিবিলম্বে 'কাফির' ঘোষণা করে কাদিয়ানী বিতর্ক শেষ করুন। অমুসলিম সংখ্যালঘু হিসাবে অন্যদের ন্যায় তারা এরা এদেশে বসবাস করুক, আমাদের আপত্তি নেই। কিন্তু ইসলামের নাম নিয়ে প্রতারণা করলে এবং ইসলামের ও ইসলামের নবীর বিরুদ্ধে অপপ্রচার চালালে এদেরকে মুসলমানেরা বরদাশত করবে না। আল্লাহ আমাদের তাওফীক দিন। আমীন! (স. স.)।

## প্রবন্ধ

### শিক্ষা ব্যবস্থায় ধসঃ কিছু পরামর্শ

মুহাম্মাদ আসাদুল্লাহ আল-গালিব

দেশের শিক্ষা ব্যবস্থায় ধস নেমেছে। প্রায় দু'কোটি শিক্ষিত বেকারের বোঝার উপরে শাকের আঁটির মত প্রতি বছরে বাড়ছে কয়েক লাখ শিক্ষিত বেকার। প্রচণ্ড মানসিক চাপে ভুগছেন অভিভাবকগণ। প্রাণপ্রিয় সন্তানদের নিয়ে তারা এখন বিপাকে। অধিকাংশ ছাত্রই মধ্যম প্রতিভার এবং তাদের অধিকাংশই মধ্যবিত্ত পরিবারের সন্তান। ওদিকে সরকারী প্রাথমিক, মাধ্যমিক, উচ্চ মাধ্যমিক এমনকি পাবলিক বিশ্ববিদ্যালয়গুলিতে লেখাপড়ার মান এখন বলতে গেলে সর্বনিম্ন পর্যায়ে। ফলে এই সুযোগ নিয়েছে কোটি সেন্টার ব্যবসায়ীরা ও প্রাইভেট বিশ্ববিদ্যালয়ের মালিকেরা। অন্যদিকে শহরে-বাজারের অলিতে-গলিতে গজিয়ে উঠছে ব্যাঙের ছাতার মত ক্লিনিক ও প্রাইভেট হাসপাতাল সমূহ। শিক্ষা ও স্বাস্থ্য ব্যবস্থায় সরকারী ব্যর্থতার সুবাদেই যে এগুলি হচ্ছে, তা অস্বীকার করার ক্ষমতা খোদ সরকারেরও নেই। তাহ'লে কি আমরা আবার পুরানো যুগে ফিরে যাবি। যখন কিছু সংখ্যক জমিদার ও পুঁজিপতির হাতেই বন্দী ছিল হাযার হাযার মানুষের শিক্ষা, স্বাস্থ্য ও জীবন-জীবিকা।

এদেশ দু'বার স্বাধীনতার স্বাদ পেয়েছে। ইসলামের নামে অর্জিত পাকিস্তান আমলের ২৪ বছরে দেশের শিক্ষা ব্যবস্থার কোন জাতীয় লক্ষ্য নির্ধারিত ছিল না। বাংলাদেশ আমলের বিগত ৩২ বছরেও শিক্ষার কোন জাতীয় লক্ষ্য নির্ধারিত হয়নি। এটাই হ'ল এদেশের শিক্ষা ব্যবস্থার ক্ষেত্রে সবচেয়ে বড় গলদ। আমরা আমাদের সন্তানদের ধর্মনিরপেক্ষ ও বস্তুবাদী করে গড়ে তুলব, না ধর্মীয় মূল্যবোধ সম্পন্ন আখেরাতমুখী শিক্ষায় শিক্ষিত করে তুলব। যদি প্রথমটি উদ্দেশ্য হয়, তবে বুশ-ব্লেরার-শ্যারণ ও বাজপেয়ী ধরনের দুনিয়াবী স্বার্থ সর্বস্ব পন্থাধর্ম মানুষে দেশ ভরে যাবে। ইতিপূর্বে যেমন ফেরাউন-শাদ্দাদ, নমরুদ ও ক্বারুণে বিশ্ব ভরে গিয়েছিল। দেশব্যাপী বর্তমানে যে সন্ত্রাস চলছে, তাতে যে বস্তুবাদী শিক্ষা ব্যবস্থার কোন অবদান নেই, তা হলফ করে কে বলতে পারে? আর যদি দ্বিতীয় লক্ষ্যে সন্তান গড়ে তোলা হয়, তাহ'লে দেশের সার্বিক উন্নয়ন নিশ্চিত হবে। বস্তুবাদী রাজনীতিকরা এখন 'মূল্যবোধের সংকট' বলে একটি নতুন পরিভাষা চালু করেছেন। অথচ এটাই হ'ল ঈমানের সংকট, যার কারণে দেশ আজ ডুবতে বসেছে। 'ঈমান' বললে যদি তারা মৌলবাদী বনে যান ও তাদের মদদদাতা বুশ-ব্লেরার-বাজপেয়ী চক্র যদি নাখোশ হয়, সেই ভয়ে তারা ভুলেও একবার ঈমানী সংকটের কথা মুখে আনেন না।

দ্বিতীয়তঃ মাদরাসা শিক্ষা ও সাধারণ শিক্ষা নামে দেশে

প্রচলিত দ্বিমুখী শিক্ষা ব্যবস্থা, যা মূলতঃ ১৯৩৬ সালে ব্রিটিশ সরকার লর্ড মেকলের মাধ্যমে চালু করে। তাদের 'বিভক্ত কর ও শাসন কর' পলিসির অনুকূলে গৃহীত উক্ত শিক্ষা ব্যবস্থা চালু করে তারা মুসলিম উম্মাহর শিক্ষিত শ্রেণীকে দু'টি ধারায় বিভক্ত করতে চেয়েছিল। সাধারণ শিক্ষায় শিক্ষিতদেরকে চূড়ান্ত পর্যায়ে নাইট-নবাব-খানবাহাদুর ইত্যাদি লক্বব এবং সরকারী চাকুরী-বাকুরী ও সুযোগ-সুবিধার জালে আটকিয়ে ফেলে ইংরেজ বিরোধী জিহাদ ও স্বাধীনতা আন্দোলন থেকে বারিত করাই ছিল তাদের মূল উদ্দেশ্য। তাদের এই দূরদর্শী পরিকল্পনা যে সুন্দরভাবে বাস্তবায়িত হয়েছিল, ভুক্তভোগী মাত্রই তা জানেন।

কিন্তু প্রশ্ন হ'লঃ আমরা কি এখনো ইংরেজ আমলে বসবাস করছি? আমরা কি আজও তাদের মানসিক গোলাম হয়ে রয়েছি? নইলে বিগত ৬৭ বছরেও কেন তাদের রেখে যাওয়া দ্বিমুখী শিক্ষা ব্যবস্থা আমরা অন্ধের মত অনুসরণ করে চলেছি? আমরা কি তাহ'লে জাতির শিক্ষিত অংশকে এভাবে বিভক্ত করেই রাখব? দু'টি ভাই কি কখনো একই চেহারায়ে ও চিন্তাধারায় বেড়ে উঠতে পারবে না?

বাংলাদেশের বিগত সরকারগুলি বিভিন্ন সময়ে যেসব কমিটি গঠন করেছেন, সেখানে দেখা গেছে সবারই মূল টার্গেট ছিল ইসলামী শিক্ষাকে সংকুচিত করা। এরশাদ আমলে গঠিত 'এনাম কমিটি' রিপোর্ট এবং হাসিনা সরকারের আমলে গঠিত 'কুদরত-ই-খুদা' রিপোর্ট এদেশে ইসলামী শিক্ষার বিরুদ্ধে ছিল সবচেয়ে বড় চ্যালেঞ্জ। শতকরা ৫০ ভাগ মুসলিম প্রধান দেশ মালয়েশিয়ায় শিক্ষার সর্বোচ্চ স্তর পর্যন্ত ধর্মীয় শিক্ষা বাধ্যতামূলক। ফলে মালয়েশিয়া আজ সর্বক্ষেত্রে উন্নত। অথচ শতকরা ৯০ ভাগ মুসলিম প্রধান বাংলাদেশে ইসলামী শিক্ষা সবচেয়ে অবহেলিত। ফলে আমরা আজ সর্বক্ষেত্রে অধঃপতিত। অতএব এক্ষেত্রে আমাদের প্রস্তাব হ'লঃ

(১) তাওহীদ ও রিসালাতের ভিত্তিতে শিক্ষার আখেরাতমুখী জাতীয় লক্ষ্য নির্ধারণ করতে হবে। এজন্য সাধারণ ও কারিগরী শিক্ষার সর্বস্তরে প্রাথমিক হ'তে বিশ্ববিদ্যালয় পর্যন্ত ধর্মীয় শিক্ষা বাধ্যতামূলক করে দেশে একক শিক্ষা ব্যবস্থা চালু করা উচক। মাধ্যমিক স্তর পর্যন্ত একটি সমন্বিত সিলেবাস রেখে উচ্চ মাধ্যমিক স্তর থেকে কলা, বাণিজ্য, বিজ্ঞান প্রভৃতি শাখা বিভক্ত হবে। বিশ্ববিদ্যালয় স্তরে গিয়ে বিষয়ভিত্তিক বিশেষজ্ঞ তৈরীর জন্য উচ্চ শিক্ষা গ্রহণের সুযোগ থাকবে। আরবী ও ইসলামী শিক্ষাকে পৃথক ফ্যাকাল্টিতে পরিণত করতে হবে। সেখানে উভয় বিষয়ের বিভিন্ন শাখায় পৃথক বিভাগ সমূহ খুলে তাতে সম্মান, মাস্টার্স ও পিএইচডি করার সুযোগ রাখতে হবে। যাতে ইসলামের বিভিন্ন শাখায় বিশেষজ্ঞ তৈরী করা সম্ভব হয়। এর বাইরে অন্য বিষয়গুলিতে কমপক্ষে ২০০ নম্বরের ধর্মীয় বিষয় সকল শিক্ষার্থীর জন্য আবশ্যিক থাকবে। এতদ্ব্যতীত এসব বিষয়ে পাঠ্য পুস্তক নির্বাচনের সময় ইসলামী

আদর্শের অনুকূলে কিংবা তার সাথে সাংঘর্ষিক নয়, এমন বই সমূহ নির্বাচন করতে হবে। উক্ত উদ্দেশ্য পূরণ করতে গেলে সরকারী পৃষ্ঠপোষকতায় দেশের বরণ্য ইসলামপন্থী শিক্ষাবিদগণের মাধ্যমে প্রয়োজনীয় পাঠ্য পুস্তক সমূহ রচনা করতে হবে। মনে রাখতে হবে যে, কুরআন-হাদীছ হ'ল আল্লাহ প্রেরিত অভ্রান্ত জ্ঞানের মূল উৎস। এ দু'টি উৎসকে কেন্দ্র করেই মুমিন জীবনের সকল বিষয় আবর্তিত হবে। হিমালয়ের উৎস ধারা থেকে সৃষ্ট নদী প্রবাহকে মানবকল্যাণে ব্যবহারের জন্য যেমন নানাবিধ বৈজ্ঞানিক প্রচেষ্টা নিয়োজিত রয়েছে, তেমনি আল্লাহ প্রেরিত ঐশী হেদায়াতের উৎস ধারা থেকে সৃষ্ট জ্ঞানপ্রবাহকে মানবকল্যাণে ব্যবহারের জন্য নানাবিধ বৈজ্ঞানিক প্রচেষ্টা চালিয়ে যাওয়ার দায়িত্ব প্রাথমিকভাবে মুসলিম উম্মাহর। অতঃপর ব্যাপক অর্থে সমগ্র মানব সমাজের। আমাদেরকে সে লক্ষ্যেই আমাদের রাষ্ট্রীয় সম্পদকে কাজে লাগাতে হবে।

উপরোক্ত মতে সমন্বিত ও একক শিক্ষা ব্যবস্থা চালু হ'লে পৃথকভাবে মাদরাসা শিক্ষার বা ইসলামী বিশ্ববিদ্যালয় নাম রাখার কোন প্রয়োজন হবে না। মসজিদের ইমাম, খতীব, দাঈ, মুফতী, মজবের শিক্ষক, হাফেযে কুরআন, ম্যারেজ রেজিস্ট্রার প্রভৃতি অত্যাবশ্যকীয় দায়িত্বে লোক সৃষ্টির জন্য সমন্বিত শিক্ষা ব্যবস্থার মধ্যই পৃথক পৃথক বিভাগ খোলা যেতে পারে।

(২) বর্তমানের ক্রটিপূর্ণ শিক্ষা ব্যবস্থাপনা সংশোধন করতে হবে। কেননা যে বিষয়টি শিক্ষা ব্যবস্থার ক্ষেত্রে সবচেয়ে ক্ষতিকর বিবেচিত হয়েছে, সেটি হ'ল ক্রটিপূর্ণ শিক্ষা ব্যবস্থাপনা। একদিকে দলীয় সরকারের রাজনৈতিক স্বার্থ, অন্যদিকে শৃংখলার নামে অফিস কর্মকর্তাদের সৃষ্ট নানাবিধ আইনী জটিলতার শৃংখল- সবকিছু মিলিয়ে 'হযবরল' অবস্থায় শিক্ষা ক্ষেত্র এখন দুর্নীতির শীর্ষে উঠে এসেছে। সরকারের শক্তির মন্ত্রী আব্দুল মান্নান ভূঁইয়া অবশেষে বলতে বাধ্য হয়েছেন যে, শিক্ষার জন্য আমরা যতই বরাদ্দ বাড়াচ্ছি, ততই শিক্ষার মান কমে যাচ্ছে। অথচ হাঁড়ির তলার পোড়াকালি ও বাজবরণের আঠা মিলিয়ে বাঁশের কণ্ডি দিয়ে তালপাতায় লেখা শিখেছি মাসিক ১০/১৫ টাকা বেতনের প্রাইমারী শিক্ষকদের কাছে গোলপাতার চালের তলায় বসে কিংবা কখনো খোলা আকাশের নীচে বসে। শিক্ষা ও নৈতিকতার যে উঁচু মান আমরা সেদিন দেখেছি এবং তাঁদের কাছে ছোট্ট বেলায় যা আমরা শিখেছি, তা জীবনের পড়ন্ত বেলায় এসেও স্মৃতির আয়নায় চকচক করে ভেসে ওঠে। অথচ কলেজ-বিশ্ববিদ্যালয় জীবনে বিলাসী পরিবেশে শিক্ষক হিসাবে যাঁদের সঙ্গ লাভ করেছি, সঙ্গত কারণেই তাঁদের স্মৃতি সুখকর নয়, বরং ভুলতে পারলেই খুশী হই। এর মৌলিক কারণ হ'ল শিক্ষা ব্যবস্থাপনার দুরবস্থা।

শিক্ষা ব্যবস্থাপনার মূল স্তম্ভ হ'ল তিনটিঃ শিক্ষক, ছাত্র ও পরিচালনা কমিটি। গণতন্ত্রের নামে দলীয় রাজনীতির

বিষাক্ত ছোবলে এই তিনটি ক্ষেত্রই আজ ক্লোদাক্ত হয়ে গেছে। সর্বক্ষেত্রে দলীয়তাই এখন প্রধান বিবেচ্য বিষয়। আগে শিক্ষকগণ ছিলেন সকলের শ্রদ্ধার পাত্র। এখন তারা নিজ দলীয় ছাত্রদের ভাই ও ফেণ্ড-এর পর্যায়ে নেমে এসেছেন। বিরোধী মতের ছাত্র ও শিক্ষকগণ প্রকাশ্যে বা অপ্রকাশ্যে পরস্পরের বৈরী হিসাবে গণ্য হন। এমনকি খাতায় নম্বর দেওয়ার নিরপেক্ষতাও এখন অনেকের ক্ষেত্রে দেখা যায় না। দলবাজ ছাত্র নেতাদের রক্ত চক্ষুর ভয়ে এমনকি মেডিকেল কলেজের মত গুরুত্বপূর্ণ শিক্ষা প্রতিষ্ঠানেও অনৈতিক নম্বর দিয়ে কিংবা অনেক ক্ষেত্রে বিনা মৌখিক পরীক্ষায় পাস করিয়ে দিতে শিক্ষকগণ বাধ্য হচ্ছেন। এরাই ডিগ্রী নিয়ে দু'দিন পরে চিকিৎসার নামে রোগী হত্যা করবে। কলেজ-বিশ্ববিদ্যালয় গুলিকে এখন আর মেধার লালন ক্ষেত্র বলা যাবে না। বরং এগুলি এখন রাজনৈতিক দলবাজি এবং দল পোষণের কেন্দ্রে পরিণত হয়েছে। স্কুল-কলেজ-মাদরাসার কমিটি সমূহের সর্বোচ্চ পদে অধিকাংশ ক্ষেত্রে সরকারী কর্মকর্তারা থাকেন। অথচ সরকারী অফিসগুলিতে দায়িত্ব সচেতন, সৎ ও মেধাসম্পন্ন কর্মকর্তা-কর্মচারীদের যেমন অভাব, তেমনি সেখানে রয়েছে ফাইল আটকিয়ে ঘুষ-বখশিশ আদায়ের অঘোষিত নেটওয়ার্ক। ফলে যে প্রতিষ্ঠানের প্রধান ঘুষদানে ও মিথ্যা ফাইল তৈরীতে পারঙ্গম, সে প্রতিষ্ঠান সর্বদা সরকারের সুদৃষ্টিতে থাকে। যাদের সে ক্ষমতা নেই, তাদের দোষত্রুটির অন্ত নেই।

তাছাড়া এইসব প্রতিষ্ঠানের কমিটি ব্যবস্থাপনায় রয়েছে গণতন্ত্রের নামে কথিত নির্বাচনী ব্যবস্থা। অথচ কে না জানে যে, যেখানে নির্বাচন সেখানেই গ্রগপিং। প্রতি বছর অভিভাবক প্রতিনিধি নির্বাচন, শিক্ষক প্রতিনিধি নির্বাচন, ছাত্র সংসদ নির্বাচন ইত্যাকার হরের রকমের নির্বাচনী গ্রগপিংয়ে প্রতিষ্ঠানের শিক্ষক-ছাত্র ও পরিচালনা কমিটির মধ্যকার পারস্পরিক শত্রুতা, সম্প্রীতি ও ভালবাসা ধ্বংস হয়। কমিটির সদস্য হবার জন্য যত না দৌড়ঝাঁপ দেখা যায়, সদস্য হবার পরে প্রতিষ্ঠানের উন্নতির জন্য তাদের তেমন কোন তৎপরতা দেখা যায় না। বরং তাদের এলাকার ও নিজেদের ছেলে মেয়ে বা নিকটাত্মীয়দেরকে প্রতিষ্ঠানে চাকুরী দেওয়া এবং এজন্য যেকোন নরম-গরম পস্থা অবলম্বন করাই যেন কমিটি সদস্যদের প্রধান দায়িত্ব বলে মনে করা হয়। ফলে প্রয়োজনীয় তদারকি এবং আদর্শ শিক্ষক-কর্মকর্তার অভাবে শিক্ষার মান কমেতে থাকে। প্রাণহীন দেহের ন্যায় মানহীন শিক্ষা প্রতিষ্ঠান কেবল দর্শনীয় কাঠামো হিসাবে দাঁড়িয়ে থাকে। যেমন আজকাল বিশাল বিশাল ইমারত সর্ব্ব বড় বড় শিক্ষা প্রতিষ্ঠানে দেখা যাচ্ছে। যারা জীবন দিয়ে প্রতিষ্ঠান গড়ে তোলেন, তাদের যথার্থ মূল্যায়ন করা হয় না। ফলে শিক্ষা প্রতিষ্ঠান গড়ার মতী উদ্যোগে এগিয়ে আসতে এখন আর কাউকে তেমন খুঁজে পাওয়া যায় না। অথচ এদেশের যত বড় বড় প্রাচীন ঐতিহ্যবাহী শিক্ষা প্রতিষ্ঠান, প্রায় সবই গড়ে উঠেছে ব্যক্তি উদ্যোগে ও ব্যক্তি ব্যবস্থাপনায়। মজব, মাদরাসা ইত্যাদি

দৈনিক আত-তাহরীক ১ম বর্ষ ১ম সংখ্যা, দৈনিক আত-তাহরীক ১ম বর্ষ ১ম সংখ্যা, দৈনিক আত-তাহরীক ১ম বর্ষ ১ম সংখ্যা, দৈনিক আত-তাহরীক ১ম বর্ষ ১ম সংখ্যা, দৈনিক আত-তাহরীক ১ম বর্ষ ১ম সংখ্যা, দৈনিক আত-তাহরীক ১ম বর্ষ ১ম সংখ্যা, দৈনিক আত-তাহরীক ১ম বর্ষ ১ম সংখ্যা, দৈনিক আত-তাহরীক ১ম বর্ষ ১ম সংখ্যা, দৈনিক আত-তাহরীক ১ম বর্ষ ১ম সংখ্যা, দৈনিক আত-তাহরীক ১ম বর্ষ ১ম সংখ্যা

আজও মূলতঃ গড়ে ওঠে ব্যক্তি উদ্যোগে।

এগুলির অধিকাংশের শিক্ষার মান ধ্বংস হয়েছে সরকারী অন্যান্য হস্তক্ষেপে ও ভুল ব্যবস্থাপনার কারণে। যদিও সরকারী অর্থে এগুলির অনেকটিরই ভৌত কাঠামোর শ্রীবৃদ্ধি ঘটেছে। বেড়েছে শিক্ষক ও ছাত্র সংখ্যা। কিন্তু বাড়েনি কেবল শিক্ষার মান। সবই যেন এখন অনেকটা গতানুগতিক হয়ে গেছে। প্রতিষ্ঠানের প্রতি শিক্ষক-ছাত্র বা কমিটির লোকদের হৃদয় উৎসারিত ভালবাসা এখন বলতে গেলে শূন্যের কোঠায়। যদিও রজত জয়ন্তী, সুবর্ণ জয়ন্তী, হীরক জয়ন্তী ইত্যাকার চটকদার নামে অনেক প্রতিষ্ঠানে এখন বড় বড় অনুষ্ঠান করা হচ্ছে। তাইতো দেখি স্বার্থে সামান্যতম আঘাত লাগলেই মিটিং-মিছিল শুরু হয়। আর অধিকার আদায়ের নামে প্রতিষ্ঠানের চেয়ার-টেবিল, জানালা-দরজা ও মূল্যবান সম্পদরাজি ভাংচুর করা হয়। এমনকি মারামারি ও জীবনহানির ঘটনাও ঘটে। দলীয় রাজনীতি যেভাবে দেশের প্রশাসনকে ধ্বংস করেছে, একই অপরাজনীতি এদেশের শিক্ষা ব্যবস্থাপনাকে ধ্বংস করেছে। অতএব এক্ষেত্রে আমাদের পরামর্শ হ'লঃ

(১) বিশ্ববিদ্যালয়ের ভাইস চ্যান্সেলর সরকার কর্তৃক মনোনীত হবেন। বিশ্ববিদ্যালয়ের ফ্যাকাল্টি সমূহ থেকে জ্যেষ্ঠতম ১৫ জন শিক্ষক নিয়ে গঠিত একটি সিজিক্টি-এর সাথে পরামর্শ ক্রমে তিনি বিশ্ববিদ্যালয় পরিচালনা করবেন। প্রো-ভিসি, ট্রেজারার, রেজিস্ট্রার সহ সকল প্রশাসনিক পদ হবে ভিসি-র মনোনীত। সকল বিষয়ে ভিসি হবেন দল নিরপেক্ষ এবং সর্বোচ্চ ক্ষমতার অধিকারী। শিক্ষক ও ছাত্রদের জন্য রাজনৈতিক ও আঞ্চলিক সকল প্রকারের দলাদলি নিষিদ্ধ থাকবে। শিক্ষক, অফিসার এবং ৩য় ও ৪র্থ শ্রেণীর কর্মচারীদের মধ্য থেকে জ্যেষ্ঠতর ১১ জন তাদের স্ব স্ব সমিতির প্রতিনিধিত্ব করবে। ছাত্রদের মধ্যে বিশ্ববিদ্যালয়ের সেরা ছাত্রসহ প্রতি ফ্যাকাল্টির সেরা এক বা দু'জন ছাত্রকে নিয়ে সর্বোচ্চ ১৫ জনের একটি 'ছাত্র সংসদ' গঠিত হবে। তবে ছাত্র সংসদের ভিপি ও জিএসকে অবশ্যই মাস্টার্স ও ৪র্থ বর্ষ সম্মান শ্রেণীর ছাত্র হ'তে হবে। প্রতিটি বিভাগেও অনুরূপভাবে মেধা ও জ্যেষ্ঠতার ভিত্তিতে ১১ জনের একটি বিভাগীয় ছাত্র সংসদ থাকবে। কলেজ সহ অন্যান্য শিক্ষা প্রতিষ্ঠানেও প্রয়োজনবোধে মেধা ও জ্যেষ্ঠতার ভিত্তিতে প্রতিনিধিত্ব ব্যবস্থা চালু করা যেতে পারে। এই সাথে মাধ্যমিক ও উচ্চ মাধ্যমিক স্তর পর্যন্ত Community teaching system (CTS) পদ্ধতিতে শ্রেণীকক্ষে পাঠদান এবং প্রচলিত পরীক্ষা পদ্ধতি বাদ দিয়ে 'পাঠমুখী পরীক্ষা' পদ্ধতি চালু করা যন্ত্রণী। যাতে পরীক্ষায় নকল আপনা থেকেই বন্ধ হয়ে যায়।

(২) সকল শিক্ষাপ্রতিষ্ঠানকে সর্বপ্রকারের দলাদলিমুক্ত রাখতে হবে এবং ফ্রুপিং করাটাই সবচাইতে বড় অপরাধ হিসাবে বিবেচিত হবে।

(৩) সরকার ইসলামের অনুকূলে শিক্ষানীতি নির্ধারণ করবে

এবং শিক্ষা প্রতিষ্ঠান সমূহের আর্থিক ও অবকাঠামোগত উন্নয়নে পৃষ্ঠপোষকতা দিবে। সরকার প্রশাসনিক ব্যাপারে কোনরূপ হস্তক্ষেপ করবে না। তবে প্রতিষ্ঠানে শিক্ষার মান ক্ষুণ্ণ হ'লে এবং অন্যান্য কোন বড় ক্ষতির কারণ দেখা দিলে চূড়ান্ত পর্যায়ে সরকার অবশ্যই হস্তক্ষেপ করবে।

(৪) বিশ্ববিদ্যালয় সহ সকল শিক্ষা প্রতিষ্ঠানে শিক্ষক নিয়োগের সময় মেধা ও যোগ্যতা নিরূপণের জন্য সর্বস্তরে উচ্চতর শ্রেণী দেখার সাথে সাথে তাদের লিখিত ও মৌখিক পরীক্ষা নিতে হবে এবং তাদের আকীদা, আচরণ ও দেশপ্রেম যাচাই করতে হবে। শিক্ষকগণ জাতির গুরু। সে হিসাবে তাদের বেতন স্কেল সরকারী সকল ক্যাডার সার্ভিসের উপরে থাকতে হবে এবং তা অন্যদের থেকে পৃথক থাকবে। তাদের বিনা সূদে গৃহ নির্মাণ ঋণ সুবিধা দিতে হবে এবং তাদের উপরে নির্ভরশীল পোষ্যদের শিক্ষা ও চিকিৎসা ব্যয় সরকারকে বহন করতে হবে। যাতে নিজ শিক্ষা প্রতিষ্ঠানের বাইরে তাদের অন্যত্র কোন পেশায় জড়িয়ে পড়তে না হয়।

(৫) শিক্ষা সিলেবাসে ছাত্রদেরকে তাদের স্ব স্ব ধর্ম ও মাযহাবের বই অধ্যয়নের সুযোগ রাখতে হবে এবং বিভাগ ও অনুষদ ওয়ারী নিয়মিত বিতর্ক সভা, আলোচনা সভা, সাহিত্য প্রতিযোগিতা, সাময়িকী প্রকাশ ইত্যাদির মাধ্যমে ছাত্রদের প্রতিভা বিকাশের অপরিহার্য বিধান চালু করতে হবে।

(৬) শিক্ষকদের মধ্যকার বিরোধ প্রধান শিক্ষকের সভাপতিত্বে একাডেমিক কমিটির বৈঠকেই নিষ্পত্তি করতে হবে। প্রধান শিক্ষকের সিদ্ধান্তই চূড়ান্ত বলে বিবেচিত হবে। সহযোগী হিসাবে তাঁর মনোনীত তিন বা পাঁচ জন শিক্ষকের একটি সাব কমিটিকে শৃংখলা বিষয়ক দায়িত্বশীল নিয়োগ করা যেতে পারে। শিক্ষক-ছাত্রের যাবতীয় বিরোধ প্রথমে তাদের কাছে আসবে এবং তারাই তা মিটানোর চেষ্টা করবেন। প্রধান শিক্ষকের কোন স্বেচ্ছাচারিতা প্রকাশ পেলে এবং শিক্ষার মান ও শিক্ষা পরিবেশের অবনতি দেখা দিলে সেখানেই কেবল পরিচালনা কমিটি হস্তক্ষেপ করবে এবং কঠোর সিদ্ধান্ত গ্রহণ করবে।

(৭) ব্যক্তি উদ্যোগকে উৎসাহিত করার জন্য সরকারীভাবে ব্যাপক প্রচারণার সাথে সাথে সক্রিয় কর্ম কৌশল নির্ধারণ করতে হবে। এজন্য প্রতিষ্ঠাতা ব্যক্তি, ট্রাষ্ট বা সংগঠনকে বা তাদের প্রতিনিধিকে পরিচালনা কমিটির মূল দায়িত্বে রেখে যথাযথ মূল্যায়ন করতে হবে। ইসলামী আকীদার অনুকূলে প্রতিষ্ঠাতার অছিয়ত বা আদর্শকে শ্রদ্ধা করার মধ্যেই তার প্রকৃত মূল্যায়ন নিশ্চিত হবে। এর দ্বারা দেশের সম্পদশালী ব্যক্তিগণ শিক্ষাপ্রতিষ্ঠান স্থাপনে আগ্রহী হবেন এবং সরকারের বহু অর্থের সাশ্রয় হবে। এখানে একটা বিষয় অবশ্যই নীতিমালায় থাকতে হবে যেন উচ্চ শিক্ষিত ও গুণী ব্যক্তি ছাড়া কেবল টাকা ও ভোটের জোরে বা আঞ্চলিকতার দোহাই দিয়ে কোন অশিক্ষিত, কমশিক্ষিত বা

কম বয়সী লোক কোন শিক্ষা প্রতিষ্ঠানের পরিচালনা কমিটিতে না আসতে পারে। যেমনটি আজকাল বিভিন্ন শিক্ষা প্রতিষ্ঠানে এমনকি সরকারী ও প্রাইভেট বিশ্ববিদ্যালয় গুলিতে ঘটতে দেখা যাচ্ছে।

(৮) ছেলে ও মেয়েদের পৃথক শিক্ষা পরিবেশ নিশ্চিত করতে হবে এবং সহ-শিক্ষা ব্যবস্থা বাতিল করতে হবে। এজন্য পৃথক ক্যাম্পাস ও ভৌতকাঠামো নির্মাণ অসম্ভব হ'লে একই ক্যাম্পাসে পৃথক সময় ভাগ করে শিফটিং ব্যবস্থা চালু করতে হবে।

(৯) ছেলে ও মেয়েদের জন্য পৃথক কর্মক্ষেত্র ও কর্মসংস্থান প্রকল্প গ্রহণ করতে হবে। যাতে তারা মানসিক চাপমুক্ত পরিবেশে জাতীয় উন্নয়নে অবদান রাখতে পারে।

(১০) বর্তমানের চাকুরীমুখী ও বিদেশমুখী প্রবণতা রোধ করার উদ্দেশ্যে শিক্ষিত জনশক্তির জন্য দেশেই উৎপাদন মুখী স্বকর্মসংস্থানের ব্যবস্থা করতে হবে। দেশের মাটিতেই যে অপার সম্ভাবনা লুকিয়ে রয়েছে, সে বিষয়ে গবেষণার জন্য তাদেরকে উদ্বুদ্ধ করতে হবে ও প্রয়োজনে উপযেলা বা ইউনিয়ন ভিত্তিক 'গবেষক সেল' গঠন করে সেখানে তাদের 'উদ্বুদ্ধকরণ ভাতা' প্রদান করতে হবে। তাদেরকে গবেষণা সহায়ক দ্রব্যাদি সহ প্রয়োজনীয় সবকিছু সরবরাহ করতে হবে। নিজের পায়ের না দাঁড়ানো পর্যন্ত নির্দিষ্ট মেয়াদের জন্য এ ভাতা চালু রাখতে হবে। ক্ষুদ্রে বিজ্ঞানীদের উৎসাহিত করতে হবে এবং বিজ্ঞানী না জন্মল হুদার ন্যায় দেশের বিজ্ঞান প্রতিভা সমূহের স্বার্থক সদ্যবহারের জন্য উদারভাবে সরকারী পৃষ্ঠপোষকতা দিতে হবে।

(১১) ইসলাম বিরোধী এবং আক্কাঁদা বিনষ্টকারী সকল প্রকার সাহিত্য ও সাংস্কৃতিক ক্রিয়াকাণ্ড থেকে শিক্ষা প্রতিষ্ঠান সমূহকে মুক্ত রাখতে হবে।

প্রসঙ্গক্রমে প্রাইভেট বিশ্ববিদ্যালয়, কিগোরগার্টেন ও প্রাইভেট স্কুল-মাদরাসা সম্বন্ধে বলতে হয়। এগুলি বর্তমানে রীতিমত শিক্ষা-বাণিজ্যিক প্রতিষ্ঠান হিসাবে রূপলাভ করেছে। দেশে বর্তমানে ৫২টি প্রাইভেট বিশ্ববিদ্যালয়ে প্রায় ৩৭ হাজার ছাত্র-ছাত্রী পড়াশোনা করে। রাজধানীর অলিতে-গলিতে ফ্লোর ভাড়া নিয়ে খুপরি ঘরে প্রতিষ্ঠিত এই সব সাইনবোর্ড সর্বস্ব কোন কোন বিশ্ববিদ্যালয়ের ছাত্রসংখ্যা ১০/১২ জন বলে জানা যায়। দূরশিক্ষণ বিশ্ববিদ্যালয়ের জন্য কোন ক্যাম্পাস প্রয়োজন হয় না। বাড়ীতে বসেই শিক্ষা ও ডিগ্রী লাভ করা যায়। তাই এই বিশ্ববিদ্যালয়ে ছাত্র সংখ্যা সবচেয়ে বেশী। প্রায় সকল বিশ্ববিদ্যালয় বাণিজ্যিক ভিত্তিতে প্রতিষ্ঠিত এবং অধিকাংশ বিশ্ববিদ্যালয় বিজনেস স্টাডিজ (BBA/MBA) ও কম্পিউটার সায়েন্স সর্বস্ব। মৌলিক জ্ঞানের কোন বিভাগ এসব বিশ্ববিদ্যালয়ে নেই বললেই চলে। এই সব বিশ্ববিদ্যালয় মূলতঃ পাবলিক বিশ্ববিদ্যালয়ের শিক্ষকদের পার্ট-টাইম সেবা অথবা লিয়নে কিংবা প্রেষণে উচ্চ বেতনে চাকুরীর মাধ্যমে চলে। প্রাইভেট বিশ্ববিদ্যালয়গুলো স্ব স্ব

প্রতিষ্ঠাতা কমিটির চেয়ারম্যান ও নিয়োগকৃত ভাইস চ্যান্সেলরের দ্বৈত শাসনে জর্জরিত। চেয়ারম্যান তার অর্থনৈতিক স্বার্থকে এবং ভাইস চ্যান্সেলর তার একাডেমিক স্বার্থকে অগ্রাধিকার দেন। কিন্তু অবশেষে একাডেমিক স্বার্থ পরাভূত হয়। সেকারণ দেখা যায় পাবলিক বিশ্ববিদ্যালয়ে ভর্তি পরীক্ষায় অকৃতকার্য ছাত্রদের অধিকাংশ বহু টাকার বিনিময়ে এইসব প্রাইভেট বিশ্ববিদ্যালয়ে গিয়ে ভর্তি হয়। যদিও দু'চারটি বাদে প্রায় সকল প্রাইভেট বিশ্ববিদ্যালয়ে শিক্ষা ও জ্ঞান অর্জনের পরিবেশ বলতে তেমন কিছু নেই। ফলে কিছু ডিক্লিধারী ব্যক্তি সৃষ্টি হলেও সত্যিকারের 'লান্ডে' ও 'লিটারেট' ব্যক্তি সৃষ্টি হচ্ছে না। অবশ্য কিছু ব্যতিক্রম অবশ্যই রয়েছে।

কিগোরগার্টেন, ক্যাডেট মাদরাসা ও স্কুল এগুলিও এক ধরনের গলাকাটা বাণিজ্যিক প্রতিষ্ঠান। এরা শিশু শ্রেণীতেই একটা বাচ্চাকে 'মহাপণ্ডিত' বানিয়ে ফেলার স্বপ্ন দেখায়। ইংরেজী, বাংলা, আরবীর এক বোঝা বই সিলেবাস দিয়ে ছোট শিশুর মুখ দিয়ে কিছু আরবী, ইংরেজী আঙুবাক্য মুখস্ত করিয়ে বাপ-মাকে তাক লাগিয়ে দেয় ও তাদের পকেট থেকে মাসে মাসে হাজার হাজার টাকা হাতিয়ে নেয়। অথচ এসব প্রতিষ্ঠানের শিক্ষকদের যোগ্যতা নিয়েই প্রশ্ন রয়েছে। সরকারী প্রাথমিক বিদ্যালয় ও মাদরাসাগুলির ব্যর্থতা ও অপ্রতুলতার কারণে সুযোগসন্ধানী লোকেরা এভাবে সর্বত্র শিক্ষাবাণিজ্য শুরু করেছে। অসহায় অভিভাবকগণ বাধ্য হয়ে এদের দ্বারস্থ হচ্ছেন।

এর বাস্তব ফলাফল হিসাবে দেশে ধনিক ও গরীব শ্রেণীর বৈষম্য দিনে দিনে বৃদ্ধি পাচ্ছে, যা আগামী দিনে সাংসর্ষিক রূপ নিবে এবং যাকে সামাল দেওয়া সরকারের পক্ষে অসম্ভব হয়ে দাঁড়াবে। ইসলামী সমাজ ব্যবস্থায় এ ধরনের পুঁজিবাদী শিক্ষাব্যবস্থার কোন সুযোগ নেই। ইসলাম শিক্ষাকে সকলের জন্য 'ফরয' করেছে। অতএব তাকে অবশ্যই সকলের নাগালের মধ্যে আনার ব্যবস্থা রাখতে হবে। চিন্তাশীল সমাজ ও সরকারকে অবশ্যই এ নিয়ে ভাবতে হবে।

এক্ষেত্রে আমাদের পরামর্শ হ'লঃ বিশ্ববিদ্যালয়ের মত একটি মহৎ ও বৃহৎ শিক্ষাগারকে প্রাইভেট সেক্টরে না রেখে সরকারের হাতে রাখুন। তবে প্রাইভেট উদ্যোগকে উৎসাহিত করার জন্য উদ্যোক্তা ব্যক্তি, ট্রাষ্ট বা সংগঠনকে মূল্যায়ন করুন। বেসরকারী উদ্যোগে প্রতিষ্ঠিত অন্যান্য শিক্ষা প্রতিষ্ঠান ও হাসপাতালগুলির ক্ষেত্রেও আমাদের একই পরামর্শ থাকবে। মোট কথা শিক্ষা ও স্বাস্থ্যের মত জন গুরুত্বপূর্ণ সেক্টরকে লাগাম ছাড়া করা যাবে না। করলে স্বার্থবাদীরা সুযোগ নিবে। এমনকি দেশদ্রোহীরাও সংগোপনে এসবের আড়ালে তাদের স্বার্থ হাছিলে মেতে উঠতে পারে।





অনেকে মিথ্যা বলে এবং কার্ড তুলে ধরে। অনেকে আবার মনগড়া কাহিনী বলে ভিক্ষা করে। কোন কোন ভিক্ষুক স্বীয় পরিবারের সদস্যদের বিভিন্ন মসজিদ ও জনসমাগম স্থলে ভাগ করে দেয়। দিন শেষে তারা একস্থানে একত্রিত হয়ে নিজেদের আয় গুণে দেখে। এভাবে তারা যে কত ধনী হয়েছে তা আল্লাহ ছাড়া আর কেউ জানে না। যখন তারা মৃত্যুবরণ করে, তখন জানা যায় কি পরিমাণ সম্পদ তারা রেখে গেছে।

পক্ষান্তরে একদল প্রকৃতই অভাবী রয়েছে। যাদের সংযম দেখে তাদের অবস্থা সম্পর্কে অজ্ঞ লোকেরা তাদেরকে ধনী বলেই মনে করে। তারা কাকূতি মিনতি করে লোকদের নিকটে চায় না। ফলে তাদের অবস্থা যেমন জানার বাইরে থেকে যায়, তেমনি তাদের কিছু দেওয়াও হয় না।

### ঋণ পরিশোধে অনীহা প্রকাশঃ

মহান রাক্বুল আলামীনের নিকটে বান্দার হক অতীব গুরুত্ববহ। আল্লাহর হক নষ্ট করলে তওবার মাধ্যমে ক্ষমা পাওয়া যায়। কিন্তু বান্দার হক নষ্ট করলে সংশ্লিষ্ট বান্দার নিকট থেকে ক্ষমা না পেলে ক্ষমা লাভের কোন উপায় নেই। কিয়ামতের দিন টাকা-পয়সার কোন কারবার হবে না। সেদিন হকদারের পাপ হক আত্মসাৎকারীকে দেওয়া হবে এবং হক আত্মসাৎকারীর নেকী হকদারকে দেওয়া হবে। আল্লাহ তা'আলা বলেছেন,

إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَىٰ أَهْلِهَا-

‘নিশ্চয়ই আল্লাহ তোমাদেরকে এই মর্মে নির্দেশ দিচ্ছেন যে, তোমরা আমানতকে তার প্রাপকের নিকটে অর্পণ করবে’ (মিসা ৫৮)।

বর্তমান সমাজে ঋণ গ্রহণ একটি মামুলী ও গুরুত্বহীন বিষয় বলে বিবেচিত। অনেকে অভাবের জন্য নয়; বরং প্রাচুর্য সৃষ্টি ও নতুন নতুন বাড়ী, গাড়ী, আসবাবপত্র ইত্যাদি ক্রয়ের জন্য ঋণ নিয়ে থাকে। অনেক সময় এরা কিস্তিতে বেচা-কেনা করে থাকে, যার অনেকাংশই সন্দেহপূর্ণ বা হারাম।

ঋণ পরিশোধকে লঘু বা সাধারণভাবে নিলে প্রায়শই সেখানে টালবাহানা ও গড়িমসি সৃষ্টি হয়। ক্ষেত্রবিশেষে তাতে অপরের সম্পদ বিনষ্ট করা হয়। এর শোচনীয় পরিণতি বর্ণনা করতে গিয়ে নবী করীম (ছাঃ) বলেছেন,

مَنْ أَخَذَ أَمْوَالَ النَّاسِ يُرِيدُ أَدَاءَهَا أَدَّى اللَّهُ عَنْهُ  
وَمَنْ أَخَذَ يُرِيدُ إِتْلَافَهَا أَتْلَفَهُ اللَّهُ-

‘যে ব্যক্তি পরিশোধের নিয়তে মানুষের সম্পদ গ্রহণ করে, আল্লাহ তা'আলা তার পক্ষ থেকে তা পরিশোধ করে দেন। আর যে তা বিনষ্ট করার নিয়তে গ্রহণ করে থাকে, আল্লাহ তাকে বিনষ্ট করে দেন’।<sup>৫</sup>

মানুষ ঋণ পরিশোধের ক্ষেত্রে বড় উদাসীন। তারা এটাকে খুবই হালকাভাবে নিয়ে থাকে। অথচ আল্লাহর নিকট তা খুবই গুরুত্বপূর্ণ। এমনকি আল্লাহর রাস্তায় শহীদের এতসব মর্যাদা ও অগণিত ছওয়াব থাকা সত্ত্বেও ঋণ পরিশোধের দায় থেকে সে অব্যাহতি পায়নি। রাসূলুল্লাহ (ছাঃ) বলেছেন,

سُبْحَانَ اللَّهِ مَاذَا أَنْزَلَ اللَّهُ مِنَ التَّشْدِيدِ فِي الدِّينِ  
وَالَّذِي نَفْسِي بِيَدِهِ لَوْ أَنَّ رَجُلًا قَتَلَ فِي سَبِيلِ اللَّهِ  
ثُمَّ أَحْيَى ثُمَّ قَتَلَ ثُمَّ أَحْيَى ثُمَّ قَتَلَ وَعَلَيْهِ دَيْنٌ مَّا  
دَخَلَ الْجَنَّةَ حَتَّى يَقْضَى عَنْهُ دَيْنُهُ-

‘সুবহানাল্লাহ! ঋণ প্রসঙ্গে কী কঠোর বাণীইনা আল্লাহ তা'আলা অবতীর্ণ করেছেন। যার হাতে আমার জীবন তার শপথ, ঋণগ্রস্ত অবস্থায় কেউ যদি আল্লাহর পথে শহীদ হয় তারপর জীবিত হয়, তারপর শহীদ হয়, তারপর জীবিত হয়, তারপর আবার শহীদ হয় তবুও ঋণ পরিশোধ না করা পর্যন্ত সে জান্নাতে প্রবেশ করতে পারবে না’।<sup>৬</sup> এরপরও কি ঋণ পরিশোধে টালবাহানাকারী মতলববাজদের হুঁশ ফিরবে না?

### হারাম ভক্ষণঃ

যে ব্যক্তি আল্লাহকে ভয় করে না সে কোথা থেকে অর্থ উপার্জন করল এবং কোথায় ব্যয় করল তার কোন পরোয়া করে না। তার একটাই ইচ্ছা সম্পদ বৃদ্ধি করা। চাই তা হারাম, অবৈধ যে পথেই হোক। এ জন্য সে ঘুঘু, চুরি, ডাকাতি, ছিনতাই, আত্মসাৎ, হারাম দ্রব্য ক্রয়-বিক্রয়, সূদ, ইয়াতীমের মাল ভক্ষণ, জোতিষী, বেশ্যাবৃত্তি, গান-বাজনা ইত্যাদি হারাম কাজের মাধ্যমে অর্থ উপার্জন, এমনকি মুসলমানদের সরকারী কোষাগার কিংবা জনগণের সম্পদ কুক্ষিগত করা, মানুষকে সংকটে ফেলে তার সম্পদ হস্তগত করা, ভিক্ষাবৃত্তি ইত্যাদি যেকোন উপায়ে অর্থ উপার্জন করে। অতঃপর সে ঐ অর্থ হ'তে খায়, পরিধান করে, বাড়ী-ঘর তৈরী করে কিংবা বাড়ী ভাড়া নিয়ে দামী আসবাবপত্র দিয়ে সাজায়। এভাবে হারাম দিয়ে তার উদর পূর্তি করে। অথচ নবী করীম (ছাঃ) বলেছেন,

كُلُّ لَحْمٍ نَبَيْتَ مِنْ سَخْتِ فَالنَّارُ أَوْلَىٰ بِهِ-

‘যে গোশত হারাম কর্মকাণ্ড হ'তে উৎপন্ন হয়েছে, জাহান্নামের জন্য তা সবচেয়ে বেশী উপযুক্ত’।<sup>৭</sup> আর কিয়ামতের দিনেও তাকে জিজ্ঞেস করা হবে, কোথা থেকে সে ধন-সম্পদ উপার্জন করেছে এবং কোথায় ব্যয় করেছে। সুতারাং এই শ্রেণীর লোকদের জন্য শুধু ধ্বংসই অপেক্ষা করছে।











অনুসন্ধান কর' (ক্বাহ্ব ৭৭)।

অতএব সেই মহান আল্লাহ সম্পর্কে যে নিম্নোক্ত বিষয়গুলি সর্বক্ষেত্রে সম্যকভাবে মনেপ্রাণে গ্রহণ করে, সে তার প্রতিপালক সম্পর্কে যথাযথ উত্তর দানে সক্ষম হয়। তা হ'ল, (ক) একক প্রতিপালক হিসাবে বিশ্বাস করা (খ) তাঁর নাম সমূহ ও গুণাবলী সহকারে বিশ্বাস করা এবং (গ) একক ইলাহ হিসাবে বিশ্বাস করা। নিম্নে সংক্ষিপ্তভাবে এগুলির আলোচনা করা হ'ল-

(ক) একক প্রতিপালক হিসাবে বিশ্বাসঃ এর অর্থ হ'ল, আল্লাহ তা'আলাকে সৃষ্টিকর্তা, পালনকর্তা, রূযীদাতা, রোগ ও আরোগ্যদাতা, জীবন ও মরণদাতা সকল ক্ষেত্রে একক হিসাবে বিশ্বাস করা। সকল যুগে প্রায় সকল মানুষ উক্ত বিশ্বাস রাখলেও প্রতি যুগেই অনেকে অস্বীকার করে নাস্তিক ও প্রকৃতিবাদী হয়ে গেছে। যাদের মধ্যে নামধারী মুসলমানও রয়েছে। এরা প্রকৃতিকেই সৃষ্টিকর্তা মনে করে। প্রকৃতির কারণেই সবকিছু ঘটছে এবং পরিচালিত হচ্ছে বলে বিশ্বাস করে। আল্লাহ বলেন, তারা বলে, مَا هِيَ إِلَّا حَيَاتُنَا الدُّنْيَا نَمُوتُ وَنَحْيَا وَمَا يُهْلِكُنَا إِلَّا الدَّهْرُ-

‘একমাত্র পার্থিব জীবনই আমাদের জীবন। আমরা এখানেই মৃত্যুবরণ করি ও বেঁচে থাকি। আর প্রকৃতিই আমাদের ধ্বংস করে’ (জাছিয়াহ ২৪)। তাই তারা স্রষ্টাকে অস্বীকার করা সহ পরকালীন জীবনকে অস্বীকার করে ছোট কথায় বলে থাকে, ‘নগদ যা পাও হাত পেতে নাও, বাকির খাতায় শূন্য থাক’।

এরা প্রকৃতপক্ষেই নির্বোধ, অপদার্থ অনুভূতিশূন্য ও বিকৃতমস্তিষ্ক সম্পন্ন মানুষরূপী পশু। এ সমস্ত উন্বাদ-নাস্তিক প্রকৃতিবাদীরা বুঝতে সক্ষম হয় না যে, চিত্রকর ছাড়া চিত্র অসম্ভব, শিল্পী ছাড়া শিল্পকার্য অযৌক্তিক, মিস্ত্রী ছাড়া বিস্ত্রিং কল্পনাভীত ইত্যাদি। সুতরাং যে বিশ্বভুবনের সবকিছুই নিয়ন্ত্রিত হচ্ছে সুশৃংখলভাবে তার নিয়ন্ত্রক কে? নয়নাভিরাম-দৃষ্টিনন্দন এই প্রকৃতিরইবা স্রষ্টা কে? নিশ্চয়ই একজন আছেন। তিনি হ'লেন মহান সৃষ্টিকর্তা রাক্বুল আলামীন আল্লাহ তা'আলা। মহান আল্লাহ এদেরকে ধিক্কার দিয়ে বলেন, سَعَى خَلْقُهُ (সে (মানুষ)

আমার সম্পর্কে বিভিন্ন বুলি আওড়ায় অথচ তার সৃষ্টির ইতিহাস সে ভুলে যায়’ (ইয়াসীন ৭৭)। অন্যত্র তিনি বলেন, ‘তোমরা কিভাবে আল্লাহকে অস্বীকার কর? অথচ তোমরা ছিলে প্রাণহীন, তিনিই তোমাদের প্রাণ দান করেছেন, আবার তোমাদের মৃত্যু ঘটাবেন ও পুনরায় জীবন দান করবেন। পরিণামে তাঁর দিকেই তোমাদের ফিরিয়ে আনা হবে’ (বাক্বারাহ ২৮)।

তারা তো সবকিছু ভুলে গিয়ে আল্লাহকে অস্বীকার করেছে এবং নাস্তিক্যবাদকে বুকে ধারণ করে কমিউনিস্ট সেজে পূর্বযুগের নমরুদ, ফির'আউন, হামানের উত্তরসূরী কার্লমার্কস (১৮১৮-১৮৮৩ খৃঃ), লেলিন (১৮৭০-১৯২৪

খৃঃ), মাও সেতুং (১৮৯৩-১৯৭৬ খৃঃ) প্রমুখ মোষ্ট নাস্তিকদের আদর্শ গ্রহণ করেছে। কার্লমার্কস মহান স্রষ্টা আল্লাহকে অস্বীকার করে বলেছে, It is not religion that creates man but man who creates religion. Religion is the groan of the down frodden creature. It is the opium... the idea of God must be destroyed. ‘ধর্ম মানুষকে সৃষ্টি করেনি, মানুষই ধর্মকে সৃষ্টি করে নিয়েছে। ধর্ম নিপীড়িত মানব গোষ্ঠীর মূর্ত আর্তনাদ! এটা আফিম.... সুতরাং আল্লাহর কল্পনা মানুষের মন থেকে উৎখাত করতে হবে’।<sup>৪</sup> এর পরেও কি আল্লাহর কোন বান্দা নাস্তিকের পিছনে ছুটতে পারে?

হে নাস্তিক! ইসলামের তাওহীদী মর্মবাণী দ্বারা তোমার মস্তিষ্ক ধৌত কর, খালেছ অন্তরে তওবা কর। অনুধাবন কর অমুসলিম বৈজ্ঞানিক Viscount Samuel -এর দ্ব্যর্থহীন বক্তব্য। মহান অধিকর্তা আল্লাহর অস্তিত্ব সম্পর্কে কত চমৎকারই না মন্তব্য করেছেন তিনি, "Indeed in so far as it accepts and emphasizes the principle of causality and in so far as it perceives that the univers as we see it cannot be self-caused, science leads inevitably to the conclusion that there must be a casual factor, not comprised within out view of the universe. If this be Deity then science has madw atheism impossible."

অর্থাৎ ‘বিজ্ঞান যে সমস্ত কার্যবিধি মেনে চলবে এবং যে পর্যন্ত বুঝতে পারবে যে, এই মহাবিশ্ব আপনা আপনি সৃষ্টি হয়নি, শেষ পর্যন্ত তাকে এই সিদ্ধান্তে আসতেই হবে যে, নিশ্চয়ই ইহার পিছনে এমন একটি আদি শক্তি রয়েছে, যা আমাদের বিশ্বস্বক্ষীয় দৃষ্টিসীমার বাইরে। এই আদি কারণে যদি কোন দেবতা (আল্লাহ) থাকেন, তবে একথা চির সত্য যে, বিজ্ঞান নাস্তিকতাকে অসম্ভব-অলীক প্রমাণ করেছে’।<sup>৫</sup>

সুতরাং সাম্যবাদ, সমাজতন্ত্র অসংখ্য প্রকৃতিবাদী মতবাদকে বুকে ধারণ করে মুসলমান থাকাই সম্ভব নয়, কবরের উত্তর কোথায়?

এক্ষেণে যারা আল্লাহর প্রতি বিশ্বাসী হয়ে উপরোক্ত কার্যসমূহে অন্য কাউকে শরীক করবে, সেও নিঃসন্দেহে শিরক করবে এবং আল্লাহর সাথে কুফুরী করবে। সে ব্যক্তিও আল্লাহ সম্পর্কে প্রশ্নে চরমভাবে ব্যর্থ হবে।

(من اعتقد أن أحداً غير الله يتصرف في هذا الكون و يدبر شئونه فقد أشرك في الربوبية وكفر بالله)

৪. আল্লামা মোহাম্মাদ আবদুল্লাহেল কাফী আল-কোরায়শী, আল-ইসলাম বনাম কমিউনিজম (ঢাকাঃ আল-হাদীছ প্রিন্টিং, আগস্ট ২০০০, পৃঃ ১২।
৫. গোলাম মোস্তফা, বিশ্বনবী (ঢাকাঃ আহমাদ পাবলিশিং হাউস, ডিসেম্বর ২০০০), পৃঃ ৩০৮, পৃষ্ঠাঃ Belief and action, P. 33.
৬. আবু উসামা হাসান ইবনে আলী আল-আওয়াজী, শারহ নাওয়াক্বিযিত তাওহীদ (১৯৯৩/১৯৯৩ হিজঃ, পৃঃ ১৫।



(খ) তাঁর নামসমূহ ও গুণাবলীর প্রতি বিশ্বাসঃ এর অর্থ হ'ল, পবিত্র কুরআন ও ছহীহ হাদীছ সমূহে আল্লাহর যে সমস্ত নাম ও গুণাবলী বর্ণিত হয়েছে, সেগুলির প্রতি শব্দগত, অর্থগত, ব্যাখ্যাগত কোনরূপ পরিবর্তন-পরিবর্ধন ছাড়াই নিঃসন্দেহে বিশ্বাস করা।

আল্লাহর গুণগত নাম ৯৯টি যা ছহীহ হাদীছ দ্বারা প্রমাণিত।<sup>৭</sup> অনুরূপ মহান আল্লাহর যে আকার রয়েছে, এবং তিনি যে নিরাকার নন, কুরআন ও ছহীহ হাদীছ সমূহে তার অসংখ্য প্রমাণ রয়েছে।<sup>৮</sup> এছাড়া তিনি যে সপ্তম আকাশের উপরে মহান আরশে সমাসীন, সর্বত্র বিরাজমান নন, তারও অগণিত প্রমাণ রয়েছে।<sup>৯</sup> তবে তিনি যে কেমন তা কেউ জানে না। তিনি তাঁরই মতন। তিনি নিজেই তাঁর পরিচয় দিচ্ছেন এভাবে 'لَيْسَ كَمِثْلِهِ شَيْءٌ وَهُوَ السَّمِيعُ الْبَصِيرُ' 'কোন কিছুই তাঁর সদৃশ নয়, তিনি সর্বশ্রোতা, সর্বদৃষ্টা' (শূরা ১১)। ইমাম মালেক (রহঃ) এ বিষয়ে একটি চমৎকার উক্তি পেশ করেছেন। তিনি বলেন, 'الْأَسْتَوَاءُ مَعْلُومٌ وَالْكَيفُ مَجْهُولٌ وَالْإِيمَانُ بِهِ وَاجِبٌ وَالسُّؤَالُ عَنْهُ بَدْعٌ'—

কিভাবে (সমাসীন) তা অস্পষ্ট, এর উপরে ঈমান আনা ওয়াজিব এবং এ সংক্রান্ত প্রশ্ন করা বিদ'আত'।<sup>১০</sup>

দুর্ভাগ্য যে, মুসলমানরা আল্লাহর নাম সমূহ ও গুণাবলীর প্রতি পূর্ণ বিশ্বাস রাখতেও ব্যর্থ হয়েছে। কোন ফের্কী সমস্ত নামকে সম্পূর্ণরূপে অস্বীকার করেছে, কোন ফের্কী কয়েকটি মাত্র স্বীকার করে বাকীগুলি অস্বীকার করেছে। আবার কেউ আল্লাহকে নিরাকার ও সর্বত্র বিরাজমান সত্ত্বা মনে করে। এমনতর অসংখ্য ভ্রান্ত আক্বীদা মুসলিম উম্মাহকে গ্রাস করেছে। কুরআন-সুন্নাহ মওজুদ থাকতে আমাদের দেশের অধিকাংশই ভ্রান্ত ফের্কী মু'তাখিলাদের ন্যায় আল্লাহকে নিরাকার মনে করছে। কুরআন-হাদীছে বর্ণিত 'আল্লাহর হাত'-এর রূপক অর্থ গ্রহণ করে বলছে 'কুদরতী হাত', 'আল্লাহর চেহারা'র অর্থ করছে 'আল্লাহর সত্ত্বা' ইত্যাদি। অনুরূপ ভ্রান্ত ফের্কী মু'আত্তিলাদের ন্যায় আল্লাহকে সর্বত্র বিরাজমান বলে বিশ্বাস করছে। আল্লাহ আরশে 'সমাসীন'-এর অর্থ করছে 'আরশের মালিক হওয়া'। এরূপ ভ্রান্তিপূর্ণ আক্বীদা পোষণকারীদের ইমাম মালেক (রহঃ)

৭. রাসূল (হঃ) বলেন, 'উক্ত নামসমূহ যে অনুধাবনসহ নেকীর আশায় গণনা করবে সে জান্নাতে প্রবেশ করবে'- মুত্তাফক্ব আল্লাইহ, মিশকাত হা/২২৮৭; বসানুবাদ মেশকাত ৫ম খণ্ড, হা/২১৭৯ 'আল্লাহর আলালার নাম সমূহ' অধ্যায়।

৮. সূরা মায়েরাহ ৪৬, ছোয়ায়দ ৭৫, ত্ব-হা ৪৬, ৩৯, যুমার ৬৭, কুলুম ৪২; ছহীহ বুখারী হা/৪৮৪৮-৫০ 'তাক্বিসীর' অধ্যায়, হা/৭৪৪৯ 'তাওহীদ' অধ্যায়; বুখারী, মুসলিম, মিশকাত হা/৫৫২২-২৪; বসানুবাদ মেশকাত হা/৫২৮৮-৯০ 'শিক্ষায় ফুৎকার' অনুচ্ছেদ।

৯. ত্ব-হা ৫, আ'রাফ ৫৪, সাজদাহ ৪, যাদীদ ৪, আরো অন্যান্য সূরা দ্রঃ।

১০. মুহাম্মাদ বিন হালহ আল-উছায়মীন, আল-ক্বাওয়ায়েদুল মুছলা ফী ছিফাতিলা-হি ওয়া আসমাইল হসনা (১৪১২ হিজ), পৃঃ ৩৭।

বিদ'আতী বলে ধিক্কার দিয়েছেন। তিনি বলেছেন,

أَهْلُ الْبَيْدِعِ هُمُ الَّذِينَ يَتَكَلَّمُونَ فِي أَسْمَاءِ اللَّهِ وَصَفَاتِهِ وَكَلَامِهِ وَعَمَلِهِ وَقُدْرَتِهِ وَلَا يَسْتَكُونُ عَمَّا سَكَتَ عَنْهُ الصَّحَابَةُ وَالتَّابِعُونَ لَهُمْ بِإِحْسَانٍ—

'বিদ'আতী তারা যারা আল্লাহর নাম সমূহ, গুণাবলী, কথা, কার্য ও শক্তি সম্পর্কে বিভিন্ন (রূপক) কথা বলে থাকে এবং যারা সেই সমস্ত বিষয়ে নিরব থাকে না, যে সমস্ত বিষয়ে ছাহাবায়ে কেলাম ও সন্তুষ্টি চিত্তে তাঁদের অনুসরণকারী তাবেঈগণ নীরব থেকেছেন'।<sup>১১</sup>

ইমাম আবু হানীফা (রহঃ) বলেন, 'لَا يَنْبَغِي لِأَحَدٍ أَنْ يَنْطِقَ فِي ذَاتِ اللَّهِ بِشَيْءٍ، بَلْ يَصِفُهُ بِمَا وَصَفَ' 'আল্লাহর সত্ত্বার ব্যাপারে কোন ব্যক্তির রূপক কোন কথা বলা উচিত নয়; বরং তিনি যেভাবে স্বীয় সত্ত্বার বর্ণনা দিয়েছেন সে যেন সেভাবেই বর্ণনা করে। এ সম্পর্কে কেউ যেন নিজের পক্ষ হ'তে কোনরূপ যুক্তি পেশ না করে'।<sup>১২</sup>

(গ) একক ইলাহ বা উপাস্য হিসাবে গ্রহণ করাঃ এর অর্থ হ'ল, মানুষের সকল প্রকার ইবাদত একমাত্র আল্লাহর জন্যই হওয়া। ত্যাগ-তিতিক্ষা, যবহ-মানত সবই তাঁর জন্য করা। মঙ্গল কামনা এবং অমঙ্গল থেকে পরিত্রাণ চাওয়া, ক্ষমা ভিক্ষা করা, সাহায্য চাওয়া, ভয় করা, আশ্রয় প্রার্থনা করা সবকিছুর অধিকারী একমাত্র তিনিই, অন্য কেউই নয় (ফাতিহা ৪)।

মানুষের জীবন মূলতঃ দু'ভাগে বিভক্ত। আধ্যাত্মিক ও বৈষয়িক। আধ্যাত্মিক বলতে ব্যক্তি জীবনে ছালাত, ছিয়াম ইত্যাদি নির্দিষ্ট ইবাদত করাকে বুঝায়। আর বৈষয়িক বলতে সামাজিক ও রাষ্ট্রীয় জীবনের বিভিন্ন কার্যাবলী বুঝায়। যেমন- চাষাবাদ করা, ব্যবসা-বাণিজ্য করা, চাকরি করা, ডাক্তারী করা, রাজনীতি করা প্রভৃতি। আধ্যাত্মিক জীবনে আল্লাহ কর্তৃক প্রণীত ও রাসূল (ছঃ) কর্তৃক প্রদর্শিত সুনির্দিষ্ট নিয়ম-পদ্ধতি অনুযায়ী ছালাত, ছিয়াম, হজ্জ, যাকাত পালন করাকে যেমন ইবাদত বলা হয়, তেমনি বৈষয়িক জীবনের যাবতীয় কার্যাদি মহান আল্লাহর বিধান মোতাবেক পালন করাও ইবাদত।<sup>১৩</sup> আল্লাহ

১১. শারহুস সুন্নাহ, শায়খ সাউদ ইবনে ইবরাহীম আশ-শারীম, আক্বীদাতুস সালাফিছ হালেহ (ইত্তাফুলঃ মাকতাবাতুল গুরাবা ১৯৯৭ খৃঃ/১৪১৮ হিজ), পৃঃ ৫৬।

১২. আল্লামা ইবনু আবিল ইযয আল-হানাফী, হাদীছের টীকা সংযোজনঃ মুহাম্মাদ নাছিরুদ্দীন আলবানী, আক্বীদাতুত তাহাভিয়াহ (কুয়েতঃ আল-মাকতাবুল ইসলামী ১৯৯৬ খৃঃ/১৪১৬ হিজ), পৃঃ ৩১৩; আক্বীদাতুস সালাফিছ হালেহ, পৃঃ ৫৭।

১৩. ছহীহ তিরমিযী হা/২৪৭১, সনদ হাসান, 'তাক্বিসীর' অধ্যায়, সূরা তাওবাহ ৩১ নং আয়াত দ্রঃ।





দিয়েছেন। ফলে আমার শিক্ষা সুন্দর হয়েছে'।<sup>৩</sup>

এক ব্যক্তি রাসূলুল্লাহ (ছাঃ)-কে বলল, يَا رَسُولَ اللَّهِ! مَا أَفْصَحَكَ، مَا رَأَيْنَا الَّذِي هُوَ أَعْرَبُ مِنْكَ، فَقَالَ صَلَّى اللَّهُ عَلَيْهِ وَسَلَّمَ: حَقٌّ لِي فَإِنَّمَا أَنْزَلَ الْفُرْآنُ عَلَيَّ بِلِسَانٍ عَرَبِيٍّ مُبِينٍ-

'হে আল্লাহর রাসূল (ছাঃ)! আপনি খুব শুদ্ধভাষী! আমরা আপনার চেয়ে আর কাউকে এত বিশুদ্ধ ভাষায় কথা বলতে দেখিনি। রাসূলুল্লাহ (ছাঃ) বললেন, এ যে আমার অধিকার। কারণ আমার উপর সুস্পষ্ট আরবী ভাষায় কুরআন অবতীর্ণ করা হয়েছে'।<sup>৪</sup>

রাসূলুল্লাহ (ছাঃ)-এর ভাষাশৈলী সম্পর্কে ভাষাবিদ আল-জাহিয বলেন, هُوَ الْكَلَامُ الَّذِي قَلَّ عَدَدُ حُرُوفِهِ وَكَثُرَتْ مَعَانِيهِ... وَأَسْتَعْمَلَ الْمَبْسُوطَ فِي مَوْضِعِ الْبَسْطِ وَالْمَقْصُورَ فِي مَوْضِعِ الْقَصْرِ... وَلَمْ يَتَكَلَّمْ إِلَّا بِكَلَامٍ قَدَّ حَفَّ بِالْعِصْمَةِ وَشِيدَ بِالتَّائِيْدِ وَيَسَّرَ بِالنُّوْفِيقِ-

তার ভাষাশৈলীর অন্যতম বৈশিষ্ট্য ছিল অল্প কথায় বেশী ভাব প্রকাশ। তিনি দীর্ঘতার স্থানে দীর্ঘ এবং হ্রস্বতার স্থানে হ্রস্ব বাক্য ব্যবহার করতেন। তিনি এমন বাক্যে কথা বলতেন যা নিষ্কলুষতা দ্বারা আবৃত, সমর্থন দ্বারা সুদৃঢ় এবং ক্ষমতা দ্বারা সহজ করা হয়েছে'।<sup>৫</sup>

নাদওয়াতুল ওলামা লঙ্কৌর রেক্টর মুহাম্মাদ আররাহী নাদভী বলেন, 'রাসূলুল্লাহ (ছাঃ)-এর সাহিত্য হচ্ছে সাবলীল গদ্য, নতুনত্বে পরিপূর্ণ, যা হযম করা সহজ। যার উৎসস্থল সুপেয়। এটি অল্প কথায় অধিক অর্থ প্রকাশ করে। এটি স্থান-কাল-পাত্রের সাথে সামঞ্জস্যপূর্ণ। এটি যেখানে সংক্ষেপ হওয়া প্রয়োজন সেখানে সংক্ষিপ্ত, যেখানে বিস্তৃতির প্রয়োজন সেখানে বিস্তৃত। সেখানে কোন কৃত্রিমতা নেই; বরং এটি তাঁর হৃদয় থেকে নিঃসৃত। তিনি দুর্বোধ্য ও শ্রুতিকটু শব্দ বর্জন করেছেন, আর সাহিত্যের রস নেই এমন সাধারণ বাক্যকে পরিহার করেছেন'।<sup>৬</sup>

ডঃ মুহাম্মাদ খলীফা বলেন, 'তাঁর [রাসূলুল্লাহ (ছাঃ)-এর] শব্দাবলী নতুন। সূক্ষ্ম অর্থ বহনকারী। তাঁর বাক্যবিন্যাস বিশুদ্ধতার শীর্ষে। উপমার প্রয়োগ, বাক্যের অলংকার, পরোক্ষার্থে শব্দের ব্যবহার প্রভৃতি খুবই মনোহারী'।<sup>৭</sup>

৩. তদেব, ২/২৯৩ পৃঃ।

৪. ডঃ মুহাম্মাদ আহ-ছাববাগ, আল-হাদীছ-নববী: মুহতলাছহ, বালাগাতুল, কুতুবুহ (বৈরুতঃ আল-মাকতাবুল ইসলামী, ৪র্থ সংস্করণঃ ১৪০২ হিজ/১৯৮২ খৃঃ), পৃঃ ৫৪।

৫. তদেব, পৃঃ ৫১।

৬. মোশাররফ হোসেন খান, প্রবন্ধঃ সাহিত্য-সভ্যতা বিকাশে রাসূল (সা), অগ্রপথিক, ঢাকাঃ ইসলামিক স্টাডিজ বাংলাদেশ, জুলাই ২০০৩, পৃঃ ৫৩।

৭. তদেব।

আরবী সাহিত্যে হাদীছের প্রভাব বিস্তারের দিকসমূহঃ

১. আরবী ভাষার ঐক্য ও স্থায়িত্বঃ জাহেলী সমাজে আরবীয় গোত্রগুলির মাঝে বিভিন্ন উপভাষা প্রচলিত ছিল। এক গোত্রের সাথে অন্য গোত্রের ভাষার উচ্চারণগত পার্থক্য ছিল। কুরআন মাজীদ এসব উপভাষার মাঝে পার্থক্য দূর করে একটিকে অন্যটির কাছাকাছি নিয়ে এসে আরবী উপভাষা সমূহের মাঝে ঐক্য প্রতিষ্ঠা করে আরবী ভাষাকে স্থায়িত্ব দানে এক ঐতিহাসিক ভূমিকা পালন করে। এক্ষেত্রে হাদীছ সহায়ক ও পরিপূরকের ভূমিকা পালন করেছে।<sup>৮</sup>

২. আরবী ভাষার বিস্তারঃ রাসূলুল্লাহ (ছাঃ) বিদায় হজ্জের ভাষণে বলেছিলেন,

فَلْيُبَلِّغِ الشَّاهِدَ الْغَائِبِ فَرَبَّ مَبْلَغٍ أَوْ عَى مِنْ سَامِعٍ-

'যারা এখানে উপস্থিত আছে তারা যেন অনুপস্থিতদের কাছে আমার বাণীগুলি পৌঁছিয়ে দেয়। কারণ ঐ অনুপস্থিতদের কেউ কেউ উপস্থিতদের চেয়ে বেশী সচেতন হবে'।<sup>৯</sup>

এর ফলে দেখা যায়, রাসূলুল্লাহ (ছাঃ)-এর মৃত্যুর পর ছাহাবায়ে কেরাম ইসলামী সাম্রাজ্যের বিভিন্ন স্থানে ছড়িয়ে পড়েন। তাঁরা যখন যেখানে যেতেন সেখানেই কুরআন-সুন্নাহর প্রচার ও প্রসার ঘটাতেন। ছাহাবায়ে কেরামের পর তাবের্দনে এযাম পৃথিবীর এক প্রান্ত থেকে অন্য প্রান্তে হাদীছের বাণী পৌঁছিয়ে দেন। এভাবে অব্যাহতগতিতে হাদীছের প্রসারের সাথে সাথে আরবী ভাষাও দিক-দিগন্তে ছড়িয়ে পড়ে।

ডঃ শাওকী যাইয়ফ যথার্থই বলেছেন,

وَيُمْكِنُ أَنْ تُلَاحِظَ أَثْرَهُ فِي أَتِّهِ عَاوِنِ الْقُرْآنِ الْكَرِيمِ فِي انْتِشَارِ الْعَرَبِيَّةِ وَفِي حِفْظِهَا وَبِقَائِهَا-

'আরবী ভাষা সম্প্রসারণ, সংরক্ষণ ও স্থায়িত্ব দানের ক্ষেত্রে কুরআনের সহায়তাকারী হিসাবে হাদীছের প্রভাব লক্ষণীয়'।<sup>১০</sup>

৩. শব্দ ভাণ্ডার বৃদ্ধিঃ

হাদীছে নববী অনেক নতুন শব্দ বৃদ্ধি করে আরবী ভাষার ভাণ্ডারকে ফুলে-ফলে সুশোভিত করে এক বিরাট মহীরুহের আকার ধারণ করতে সহায়তা করে। এ প্রসঙ্গে الصَّنُورُ (ছিদ্র) শব্দের কথা সবিশেষ উল্লেখযোগ্য। হাদীছে এসেছে-

৮. ইবরাহীম আলী আবুল খাশাব ও আবদুল মুনইম খামজী, তুরাছুনাল আদাবী (কায়রোঃ দারুত-তিবা'আহ আল-মুহাম্মাদিইয়া, তাবি), পৃঃ ১৫৬।

৯. মুতাফাকু আলাইহ, মিশকাত হা/২৬৫৯ 'কুরআনীর দিন ভাষণ' অনুচ্ছেদ, 'হজ্জ' অধ্যায়।

১০. ডঃ শাওকী যাইয়ফ, তারীখুল আদাবিল আরাবী, ২য় খণ্ড, আল-আছরুল ইসলামী (কায়রোঃ দারুল মা'আরিফ, তাবি), পৃঃ ৪০।

عَنْ عَائِشَةَ، قَالَتْ: لَمَّا أَتَى نَعْيُ زَيْدِ بْنِ حَارِثَةَ، وَجَعْفَرِ بْنِ أَبِي طَالِبٍ، وَعَبْدِ اللَّهِ بْنِ رَوَاحَةَ، جَلَسَ رَسُولُ اللَّهِ صَلَّى اللَّهُ عَلَيْهِ وَسَلَّمَ يُعْرِفُ فِيهِ الْحُزْنَ، وَأَنَا أَنْظُرُ مِنْ صِتْرِ الْبَابِ، فَجَاءَهُ رَجُلٌ، فَقَالَ: إِنَّ نِسَاءَ جَعْفَرِ بْنِ أَبِي طَالِبٍ؟ فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: "أَنْطَلِقُ فَانْطَلِقُ" فَانْطَلَقَ، ثُمَّ جَاءَ فَقَالَ: قَدْ نَهَيْتُهُنَّ، فَأَبَيْنَ أَنْ يَنْتَهَيْنَ؟ فَقَالَ: "أَنْطَلِقُ فَانْطَلِقُ" فَانْطَلَقَ، ثُمَّ جَاءَ فَقَالَ: قَدْ نَهَيْتُهُنَّ، فَأَبَيْنَ أَنْ يَنْتَهَيْنَ! قَالَ: فَانْطَلِقُ، فَاحْتُ فِي أَفْوَاهِهِنَّ التَّرَابَ فَقَالَتْ عَائِشَةُ: فَقُلْتُ أَرُغَمَ اللَّهُ أَنْفَ الْبَاقِعِ، إِنَّكَ وَاللَّهِ مَا تَرَكْتَ رَسُولَ اللَّهِ، وَمَا أَنْتَ بِفَاعِلٍ-

‘আয়েশা (রাঃ) থেকে বর্ণিত, তিনি বলেন, যখন যায়েদ বিন হারেছা, জা’ফর বিন আবু ত্বালেব ও আব্দুল্লাহ বিন রাওয়াহা (রাঃ)-এর মৃত্যু সংবাদ পৌঁছল, তখন রাসূল (ছাঃ) বসেছিলেন। তাঁর চেহারায় চিত্তার ছাপ ফুটে উঠেছিল। আমি দরজার ‘ছিদ্র’ দিয়ে দেখছিলাম। ইত্যবসরে একজন লোক এসে বলল, জা’ফরের স্ত্রীরা কাঁদছে। রাসূলুল্লাহ (ছাঃ) বললেন, তুমি গিয়ে তাদেরকে (কাঁদতে) নিষেধ কর। লোকটি চলে গেল। অতঃপর সে ফিরে এসে বলল, আমি তাদেরকে নিষেধ করলাম, কিন্তু তারা ক্রন্দন বন্ধ করল না। রাসূলুল্লাহ (ছাঃ) বললেন, তুমি গিয়ে তাদেরকে নিষেধ কর। লোকটি চলে গেল। অতঃপর ফিরে এসে বলল, আমি তাদেরকে নিষেধ করলাম। কিন্তু তারা ক্রন্দন বন্ধ করল না। তখন রাসূলুল্লাহ (ছাঃ) বললেন, এবার গিয়ে তাদের মুখমণ্ডলে ধূলা ছুড়ে মার। আয়েশা (রাঃ) বলেন, আমি তখন বললাম, আল্লাহর রহমত থেকে বঞ্চিত ব্যক্তির নাক আল্লাহ ধূলায় ধুসরিত করুন। আল্লাহর কসম! তুমি রাসূলুল্লাহ (ছাঃ)-কে ছাড়ছ না আর নিজেও কিছু করতে পারছ না’।<sup>১১</sup>

এ ধরনের বহু শব্দ হাদীছে নববীতে বিদ্যমান রয়েছে।

#### ৪. আরবী ভাষা মার্জিতকরণঃ

জাহেলী যুগে অপ্রচলিত, বিদঘুটে, জটিল ও কঠিন শব্দের প্রচলন ছিল। হাদীছে নববী এতদস্থলে সহজ, সাবলীল, সুস্পষ্ট শৈলীযুক্ত শব্দের প্রচলন করে আরবী ভাষাকে মার্জিত ও রুচিসম্মত ভাষায় পরিণত করেছে।<sup>১২</sup>

১১. হযীহ নাসাঈ, তাহক্বীকঃ মুহাম্মাদ নাছিরুদ্দীন আলবানী (রিয়াযঃ মাকতাবাতুল মা’আরিফ, ১৪১৯ হিঃ/১৯৯৮ খঃ), হা/১৮৪৬ ‘জানাযা’ অধ্যায়, ‘মৃত ব্যক্তির জন্য ক্রন্দন নিষিদ্ধ’ অনুচ্ছেদ।

১২. তুরাছুনাল আদাবী, পৃঃ ১৫৫।

#### ৫. বিভিন্ন শাস্ত্রের উদ্ভবঃ

হাদীছকে কেন্দ্র করে আরবী গদ্যে বিভিন্ন শাস্ত্রের উদ্ভব ঘটে। K. A. Fariq বলেন, "Round the hadith a large prose literature grew in later years".<sup>১৩</sup>

হাদীছে রাসূলুল্লাহ (ছাঃ)-এর যুদ্ধ-বিগ্রহ, আচার-আচরণ, দৈহিক অবয়ব এক কথায় তাঁর জীবনের নানা গুরুত্বপূর্ণ তথ্য বিদ্যমান থাকায় তাঁর জীবনকেন্দ্রিক ‘সীরাতে’ সাহিত্যের উদ্ভব ঘটে। পরবর্তীতে এর পথ ধরে ইসলামের ইতিহাস রচনার দ্বার উন্মুক্ত হয়। ডঃ শাওকী যাইয়ফ বলেছেন,

فَالْحَدِيثُ هُوَ الَّذِي فَتَحَ بَابَ الْكُتَابَةِ التَّارِيخِيَّةِ وَهِيَ لَظْهُورِ كُتُبِ الطَّبَقَاتِ فِي كُلِّ فَنٍّ-

‘হাদীছ-ই ইতিহাস লেখার দ্বার উন্মুক্ত করে দেয় এবং প্রত্যেক বিষয়ে পণ্ডিত শ্রেণীর জীবনী গ্রন্থ প্রকাশের পথ তৈরী করে দেয়’।<sup>১৪</sup>

‘আসমাউর রিজালে’ (রাবীদের জীবনী), ইলমুল জারছ ওয়াত-তা’দীল (হাদীছ সমালোচনা সাহিত্য), ইলমু গারীবিল হাদীছ প্রভৃতি হাদীছকেন্দ্রিক শাস্ত্র সৃষ্টিতে হাদীছে নববী অনন্য ভূমিকা পালন করে।

ডঃ স্পেন্সার বলেন, "There is no nation, nor has there been any which like them has during twelve centuries recorded the life of every man of letters". অর্থাৎ ‘পৃথিবীতে বর্তমান যুগে এমন কোন জাতি নেই, অথবা অতীত যুগেও এরূপ কোন জাতি ছিল না, যারা মুসলমানদের ন্যায় দীর্ঘ দ্বাদশ শতাব্দীর প্রত্যেক বিদ্বান, সাহিত্যিক, লেখক প্রমুখের জীবন চরিত লিপিবদ্ধ করে রাখতে সমর্থ হয়েছে’।<sup>১৫</sup>

ডঃ মোস্তফা আস-সাবাঈ বলেন, هُمْ أَوْلُ مَنْ وَضَعُوا

قَوَاعِدَ النَّقْدِ الْعِلْمِيِّ الدَّقِيقِ لِلْأَخْبَارِ وَالْمَرْوِيَّاتِ بَيْنَ أُمَّمِ الْأَرْضِ كُلِّهَا، وَإِنْ جَهَدَهُمْ فِي ذَلِكَ جَهْدٌ تَفَاخَرَ بِهِ الْأَجْيَالُ وَتَتَبِعَهُ عَلَى الْأُمَّمِ-

‘পৃথিবীর সকল জাতির মধ্যে প্রথম তারা (মুসলমানরা) তথ্য ও বর্ণনাবলীর জন্য সমালোচনার সূক্ষ্ম ইলমী নীতিমালা প্রণয়ন করেছে। এক্ষেত্রে তাদের কর্মপ্রচেষ্টা নিয়ে প্রজন্মের পর প্রজন্ম অন্যান্য জাতির উপর গর্ববোধ করবে’।<sup>১৬</sup>

১৩. K. A. Fariq, History of Arabic Literature (Delhi: Vikas publication, 1972), p. 133.

১৪. আল-‘আছরুল ইসলামী, পৃঃ ৪১।

১৫. মোহাম্মদ আকরম খাঁ, মোস্তফা চরিত (ঢাকাঃ কাকলী প্রকাশনা, ২০০০), পৃঃ ২৩।

১৬. ডঃ মোস্তফা আস-সাবাঈ, আস-সুন্নাহ ওয়া মাকানতুহা ফিত-তাশরীফুল ইসলামী (বেকতঃ আল-মাকতাবুল ইসলামী, ৪র্থ সংস্করণঃ ১৪০৫ হিঃ/১৯৮৫ খঃ), পৃঃ ৯০।



## নারী-পুরুষের সৃষ্টি রহস্য

মাস 'উদ আহমাদ'

(শেষ কিস্তি)

### নারী-পুরুষের জন্ম রহস্যঃ

আমাদের সমাজে পুত্র সন্তানের সমাদর অত্যধিক, যা প্রতিনিয়তই দৃষ্টিগোচর হয়। পুত্র সন্তান জন্মকে আমরা সৌভাগ্যের প্রতীক, সফলতার প্রধান উৎস হিসাবে গণ্য করি। আর কন্যা সন্তান আমাদের কাছে সমাদর লাভ থেকে বঞ্চিত হয়। কন্যা সন্তান: জন্মদানকারী পিতার মাথায় যেন আকাশ ভেঙ্গে পড়ে। স্ত্রী বারবার কন্যা শিশু প্রসব করার কারণে নানা প্রকার নির্যাতনের শিকার হয়। অনেক সময় স্ত্রীকে অকথ্য ভাষায় গালি দেওয়া হয়। এমনকি কন্যা সন্তান প্রসবের অপরাধে (?) ঠাণ্ডা মাথায় স্ত্রীকে খুনও করা হয়। বস্তুতঃ পুত্র বা কন্যা সকল শিশুই আল্লাহর নির্দেশে ভূমিষ্ঠ হয়। এতে মানুষের কোন এখতিয়ার নেই। আল্লাহ বলেন, 'আসমান ও যমীনের সর্বময় কর্তৃত্ব আল্লাহর। তিনি যা ইচ্ছা সৃষ্টি করেন; যাকে ইচ্ছা কন্যা সন্তান দান করেন এবং যাকে ইচ্ছা পুত্র সন্তান দান করেন। অথবা যাদেরকে ইচ্ছা পুত্র ও কন্যা উভয়ই দান করেন এবং যাকে ইচ্ছা বন্ধ্যা করে দেন' (শূরা ৪৯-৫০)।

নারী ও পুরুষের বীর্য শক্তির তারতম্য ও একটির সাথে আরেকটির প্রাধান্য বিস্তারের উপর নির্ভর করে সন্তান পুত্র/কন্যার আকৃতি ধারণ করে থাকে। এ সম্পর্কে হযীহ মুসলিম শরীফে একটি বর্ণনা পাওয়া যায়-

'স্ত্রীগর্ভে পুরুষের বীর্য নারী বীর্যের উপরে প্রাধান্য লাভ করলে পুত্র সন্তান জন্ম নেয়। আর স্ত্রীর বীর্য পুরুষের বীর্যের উপর প্রাধান্য লাভ করলে কন্যা সন্তান জন্মলাভ করে'।<sup>৫</sup>

### সৃষ্টির মাহাত্ম্য ও বৈচিত্র্যে নারী-পুরুষঃ

মহান আল্লাহর সৃষ্টিলীলা বড় বিচিত্র। কেবল নির্দিষ্ট কিছু অঙ্গ-প্রত্যঙ্গের পার্থক্য নয়; বরং নারী-পুরুষের সৃষ্টিতে বহু বিস্ময় বিদ্যমান। নারী ও পুরুষকে সৌন্দর্যমণ্ডিত করে সৃষ্টি করা হয়েছে। আল্লাহ বলেন, 'নিশ্চয়ই আমি মানুষকে অতি উৎকৃষ্ট আকৃতিতে সৃষ্টি করেছি' (জীন ৪)। আবার অন্যত্র তিনি বলেছেন, 'তার (আল্লাহ) নিদর্শনাবলীর মধ্যে অন্যতম এই যে, তিনি তোমাদের জন্য তোমাদের নিজেদের মধ্য থেকে স্ত্রীদেরকে সৃষ্টি করেছেন, যাতে তোমরা তাদের কাছে শান্তি লাভ কর এবং তিনি সৃষ্টি করেছেন তোমাদের মধ্যে ভালবাসা ও দয়া। নিশ্চয়ই এতে ঐসব লোকের জন্য নিদর্শন রয়েছে, যারা গভীরভাবে চিন্তা করে' (রুম ২১)।

\* ইসলামিক স্টাডিজ বিভাগ, রাজশাহী বিশ্ববিদ্যালয়।

৫. মুসলিম, মিশকাত হা/৪৩৪।

রাসূলুল্লাহ (ছাঃ) বলেছেন, 'হে মানব জাতি! আরবের উপর অনারবের, অনারবের উপর আরবের, লালের উপর কালোর কিংবা কালোর উপর লালের কোন শ্রেষ্ঠত্ব নেই, কেবল তাকুওয়া ব্যতীত'।<sup>৬</sup>

উল্লিখিত আয়াত ও হাদীছ বিশ্লেষণ করলে দেখা যায়, সৃষ্টিগতভাবে নারী-পুরুষ উভয়েই সমান। কিন্তু সৃষ্টিতত্ত্ব বিষয়ক দৃষ্টিকোণ থেকে পর্যবেক্ষণ করলে উভয়ের মধ্য থেকে বেরিয়ে আসে রহস্যের ব্যাপক সমাহার। একই উৎস, উপাদান ও আবহাওয়ায় বেড়ে ওঠা নারী-পুরুষের মাঝে সীমাহীন বৈপরীত্য বিদ্যমান।

নারী-পুরুষের সৃষ্টির মাহাত্ম্য ও তাৎপর্য নিরূপণে পবিত্র কুরআনের ভাষা, 'পুরুষগণ নারীদের পরিচালক- এ জন্য যে, আল্লাহ তাদের মধ্যে একজনকে (পুরুষকে) অপরের (নারীর) উপর শ্রেষ্ঠত্ব দান করেছেন। ইহা এ জন্য যে, তারা (যেন) তাদের অর্থ ব্যয় করে। সুতরাং নেককার স্ত্রীলোকগণ (পুরুষের) অনুগতা এবং আল্লাহ যা হেফায়তযোগ্য করে দিয়েছেন লোকচক্ষুর অন্তরালেও তার হেফায়ত করে' (নিসা ৩৪)। আল্লাহ অন্যত্র বলেন, 'নারীদের তেমনি ন্যায়সঙ্গত অধিকার আছে যেমন পুরুষের আছে তাদের উপর। আর নারীদের উপর রয়েছে পুরুষদের মর্যাদা' (বাক্বারাহ ২২৮)।

### নারী-পুরুষের শরীরতত্ত্বঃ

নারী ও পুরুষের দৈহিক গঠন ও স্বভাবে রয়েছে বিস্তর পার্থক্য। একই রক্ত, মাংস ও উপাদানে বেড়ে ওঠা সত্ত্বেও তাদের পারস্পরিক বৈপরীত্য অসংখ্য।

স্বাভাবিক দৃষ্টিকোণ থেকে বিচার করলে তাদের যে বৈশিষ্ট্যগুলি আমাদের নসরে আসে সেগুলি হল- পুরুষ বলবান, চঞ্চল, দুঃসাহসী, নির্ভীক, চিন্তাশীল, বিপ্লবী, আলোড়ন সৃষ্টিকারী, সাহসী, মহানুভব, বাস্তববাদী, বেপরোয়া, নিরাপত্তা নিশ্চিতকারী ইত্যাদি। আবার নারী-শান্ত, নমনীয়া, মায়াবিনী, বিদ্বেষণী, বিলাসী, সংকীর্ণমনা, সংসারী, আবেগী, কলহিণী, ভীর্ণ, প্রেম-স্নেহ-মমতায় অতুলনীয় ইত্যাদি।

উল্লিখিত সাধারণ পার্থক্য সমূহ ছাড়াও নারী-পুরুষের দৈহিক গঠন ও স্বভাবে নানা প্রকার তারতম্য বিদ্যমান। কারণ, নারী ও পুরুষের শারীরিক উপাদান ও গঠনাকৃতির ব্যাপারে সামঞ্জস্য থাকলেও দৈহিক পার্থক্য এদের কম নয়। সৃষ্টির এটা একটা অপরূপ বৈচিত্র্য, শরীর বিজ্ঞানীরা নারী-পুরুষের দেহ নিয়ে বিশ্লেষণ করে যে সমস্ত পার্থক্য দেখতে পেয়েছেন, তা নিম্নে উপস্থাপন করা হলঃ

(১) মেয়েদের শরীর অল্পধর্মী আর পুরুষদের শরীর ক্ষারধর্মী।

(২) মেয়েদের শরীর চুষকধর্মী আর পুরুষদের শরীর বিদ্যুৎধর্মী।

(৩) মেয়েদের শরীর স্থিতিশীল ও রক্ষণশীল, পুরুষদের শরীর গতিশীল ও সৃজনশীল।

(৪) সাধারণত পুরুষের দৈহিক ওজন ১৪০ পাউন্ড আর নারীর ১২৮ পাউন্ড।

(৫) পুরুষের দেহের মাংসপেশী শতকরা ৪১.৫ ভাগ আর নারীদেহের মাংসপেশী শতকরা ৩৫ ভাগ।

(৬) পুরুষ দেহের হাড়ের ওজন সাধারণত ৭ সের আর নারীর সোয়া ৫ সের।

(৭) পুরুষদেহে শতকরা ১৮ ভাগ চর্বি, নারীদেহে শতকরা ২৮ ভাগ চর্বি, জলীয় অংশও নারীদেহে পুরুষের চেয়ে বেশি।

(৮) রক্তের লাল কণিকা মেয়েদের তুলনায় পুরুষদের অনেক বেশি। পুরুষের এক কিউবার মিলিমিটার রক্তে ৫০ লক্ষ রক্ত কণিকা থাকে। আর মেয়েদের থাকে ৪৫ লক্ষ।

(৯) পুরুষদের মগজের ওজন গড়পড়তা সাড়ে ৪৯ আউন্স এবং নারীদের মগজের ওজন ৪৪ আউন্স। (প্রতি আউন্স আড়াই তোলার সমান)। পুরুষের মগজ তার শারীরিক ওজনের তুলনায় ৪০ ভাগের একভাগ আর নারীর ৪৪ ভাগের একভাগ।

(১০) নারীর পক্ষেত্রীয় পুরুষের পক্ষেত্রীয়ের তুলনায় অত্যন্ত দুর্বল। পুরুষের ঞ্চাণশক্তি নারীর চেয়ে অনেক শ্রবল। পুরুষ যে পরিমাণ ঞ্চাণ অনুভব করতে সক্ষম, নারী তার অর্ধেকটুকু সক্ষম। পক্ষেত্রীয়ের এই দুর্বলতা হেতুই নারীর আত্মদান ক্ষমতা কম। ভাল-মন্দের বিচার করা, স্বর পরীক্ষা করা নারীরা সাধারণতঃ পারে না। পুরুষ এ বিষয়ে তাদের স্বয়ংসম্পূর্ণ পারদর্শিতা প্রমাণ করে।

(১১) নারীর মগজের বক্রতা ও প্যাঁচ পুরুষের চেয়ে অনেক কম। মগজের স্নায়ুমাণ্ডিতেও বিরাট পার্থক্য বিদ্যমান।

(১২) মেয়েদের হৃদপিণ্ড পুরুষের হৃদপিণ্ড থেকে ওয়নে ৬০ গ্রাম কম।

(১৩) নাড়ীর স্পন্দন পুরুষের চেয়ে নারীর পাঁচটি বেশি।

(১৪) শ্বাস-প্রশ্বাসে পুরুষ ঘন্টায় ১১ গ্রাম কার্বন জ্বালাতে পারে আর নারী পারে মাত্র ৬ গ্রাম। এখান থেকে প্রমাণিত হয়, নারীদেহে অক্সিজেনের ভাগ কম।

(১৫) পুরুষের শরীর সম্মুখ দিকে ভারি আর নারীর শরীর পিছন দিকে ভারি। এ জন্য নারীর মৃতদেহ পানিতে ভাসে চিৎ হয়ে আর পুরুষের মৃতদেহ ভাসে উপুড় হয়ে। একই কারণে নারীরা হাইহিল জুতা পরে স্বাচ্ছন্দ্যে হাঁটতে পারে।<sup>১</sup>

উল্লিখিত পার্থক্য ছাড়াও নারী-পুরুষের দৈহিক গঠন ও রহস্য পরিপূর্ণ সামঞ্জস্য যেমন বিদ্যমান, তেমনি পরিপূর্ণ অসামঞ্জস্যও বর্তমান। সামঞ্জস্যের দিক থেকে বিচার

করলে দেখা যায় যে, এরা এক দেহ, এক প্রাণ ও একই উপাদানে গড়া। আবার অসামঞ্জস্যের দিক থেকে চিন্তা করলে মনে হয় এরা স্বতন্ত্র ভিন্ন দেহের সৃষ্টি।

নারী-পুরুষের মধ্যে এ পার্থক্য ও ভিন্নতা শরী'আতের দৃষ্টিতে মানসিক ও বাস্তব কর্ম উভয় দিকেই বর্তমান পাওয়া যায়। নারীদের সম্পর্কে নবী করীম (ছাঃ) এরশাদ করেছেন, 'এরা হচ্ছে দৈহিক ও মানসিক অর্থাৎ, বুদ্ধি ও কর্ম যোগ্যতার দিক দিয়ে অপূর্ণ ও অপরিপক্ব'। এখানে 'মানসিক ও বুদ্ধি'র দ্বারা তাদের জ্ঞান বুদ্ধি ও ধী-শক্তির প্রতি ইঙ্গিত করা হয়েছে। আর দৈহিক বা কর্ম যোগ্যতার দ্বারা শারীরিক শক্তি-সামর্থ্য ও ক্ষমতার কথাই বুঝানো হয়েছে। অর্থাৎ তারা এ দু'টি দিক হ'তেই পুরুষের তুলনায় দুর্বল, অপূর্ণ ও অপরিপক্ব।<sup>২</sup>

### নারী-পুরুষ যমজ তত্ত্বঃ

মানব জীবনের এক বিশ্বয়কর উপাখ্যান হ'ল যমজ নারী-পুরুষ। মানবজীবনের এটি একটি রহস্যময় অধ্যায়ও বটে। একই অবয়বে সুস্থ-সুন্দর, ফুটফুটে কোন যমজ শিশুর জন্ম হ'লে পিতা-মাতা থেকে শুরু করে পুরো পরিবারেই নেমে এক অপার আনন্দের জোয়ার। পক্ষান্তরে একাধিক অঙ্গ-প্রত্যঙ্গসহ অদ্ভুত বিকৃত যমজ শিশুর জন্ম হ'লে তার পিতা-মাতাসহ পুরো পরিবারটি নিমজ্জিত হয় এক অক্ষুট যন্ত্রণার হাফাকারে। কিন্তু কোন পিতা-মাতাই তাদের এমন অনাকাঙ্ক্ষিত সন্তানকেও দূরে ঠেলে দেয় না। চিরন্তন মমতা ও ভালবাসায় তাকেও লালন পালন করে সমানভাবে। আর এভাবে শিশুটির বড় হয়ে ওঠার মধ্যে যুগপৎভাবে তার পিতা-মাতার হৃদয়ের হাফাকারটিও বড় হয়ে ওঠে।

### যমজের ধরনঃ

স্বাভাবিক যমজদের মধ্যে দু'টি প্রকারভেদ রয়েছে। একদ্বিষজ এবং দ্বিধ্বিষজ যমজ। একদ্বিষজ যমজরা সাধারণতঃ একই চেহারার, একই আচরণের এবং একই প্রবণতার হয়ে থাকে। আর দ্বিধ্বিষজ যমজরা স্বতন্ত্র চেহারারও হ'তে পারে এবং আচরণ ও প্রবণতায়ও ভিন্নতা থাকতে পারে। এই স্বাভাবিক যমজ লালন-পালনেও মাতা-পিতাকে হিমশিম খেতে হয়। সেখানে কনজয়েন্ড (মাথার দিক থেকে সংযুক্ত) এবং সিয়ামিজ (ঘাড়ের নিচ থেকে যেকোন স্থানে সংযুক্ত) যমজ নিয়ে মাতা-পিতার সমস্যা ও সংকট অবর্ণনীয়।

### যমজ কিভাবে হয়ঃ

মানুষের মনে এক কৌতূহল হ'ল, যমজ জন্ম হয় কিভাবে? যখন একটি নিষিক্ত ডিম্বানু দ্বিভাজিত হয়, তখন অভিন্ন রূপ যমজ বা আইডেন্টিকাল টুইনসের জন্ম হয়। আর দু'টি আলাদা ডিম্বানু নিষিক্ত হ'লে ভিন্নরূপ যমজের বা ফ্র্যাটারনাল টুইনসের জন্ম হয়। বর্তমানে ইংল্যান্ডে ৯০টি

১. মুহাম্মাদ নুরুল ইসলাম, বৈজ্ঞানিক মুহাম্মাদ (দ.), (ঢাকাঃ জুন ২০০০ ইং), ২/১৪-১৫ পৃঃ; হাফেজ আজিজুল ইসলাম, বৈজ্ঞানিক দৃষ্টিতে নারী, পৃঃ ৪৯।

২. ফাৎহুল কাদীর, ৫/৪৮৬ পৃঃ।



শিশুর জন্মের মধ্যে একটি যমজ শিশুর জন্ম হয়। ৪০ এবং ৫০ এর দশকে সংখ্যাটি ছিল ৮০ তে একটি। যমজ জন্ম মূলতঃ জাতিগত মায়ের বয়স, খাবার এবং দম্পতির মিলনের হারের উপর নির্ভরশীল।<sup>৯</sup>

### নারী-পুরুষ সৃষ্টির উদ্দেশ্যঃ

আল্লাহ তা'আলা মানুষকে সর্বাপেক্ষা সুন্দর আকৃতিতে সৃষ্টি করেছেন। দান করেছেন বিবেক, মেধা ও ইচ্ছাশক্তি, যা অন্য কোন প্রাণীকে দেননি। এই যে সুন্দর অবয়বে সৃষ্টি ও অন্যান্য বিষয়গুলি তিনি দিয়েছেন, তাতে কোন না কোন লক্ষ্য-উদ্দেশ্য আছে। মানুষকে তিনি এমনিতে সৃষ্টি করেননি; বরং সুনির্দিষ্ট দায়িত্ব ও কর্তব্য পালনের জন্যই তিনি মানুষকে সৃষ্টি করেছেন। আর সেই দায়িত্বগুলি যথাযথ বাস্তবায়নের মাধ্যমেই উভয়কালীন জীবনের সুখ-শান্তি, দুঃখ-দুর্ভোগ নির্ভর করে।

আল্লাহ বলেন,

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ- مَا أُرِيدُ مِنْهُمْ مِنْ رِزْقٍ وَمَا أُرِيدُ أَنْ يُطْعَمُونَ-

‘আমি সৃষ্টি করেছি জিন ও মানুষকে কেবল আমার ইবাদত করার জন্য। আমি তাদের কাছে রিযিক চাই না এবং এটাও কামনা করি না যে, তারা আমাকে খাওয়াবে’ (যারিয়াত ৫৬-৫৭)।

আল্লাহ অন্যত্র বলেন, ‘আমি প্রত্যেক উম্মতের মধ্যেই কোন না কোন রাসুল প্রেরণ করেছি এই নির্দেশ প্রচারের জন্য যে, তোমরা আল্লাহর ইবাদত কর এবং তাগূত থেকে দূরে থাক’ (নাহল ৩৬)।

এছাড়া আরও অনেক আয়াত রয়েছে, যাতে ইবাদত করার জন্য নির্দেশ দেওয়া হয়েছে। তা প্রত্যক্ষভাবে কিংবা পরোক্ষভাবে। যেমন আল্লাহ বলেন, ‘যারা ঈমান এনেছে এবং নেক কাজ করেছে, তাদের জন্য রয়েছে তাদের কৃতকর্মের আপ্যায়নস্বরূপ অনন্তকাল বসবাসের জান্নাত’ (সাজদাহ ১৯)। এই আয়াতের মর্মার্থ সহজে অনুমেয়।

এখানে আমরা একটি বিষয়ে আলোকপাত করতে পারি যে, ইবাদত করার নিমিত্তেই মানুষকে সৃষ্টি করা হয়েছে। মানুষ স্বীয় জীবদ্দশায় সৎকর্ম করার পর মারা গেলে পরকালে সেই কর্মের প্রতিফল পাবে। মানুষের জীবন দু'ভাগে বিভক্ত। আধ্যাত্মিক ও বৈষয়িক। আধ্যাত্মিক বলতে ব্যক্তি জীবনে কুরআন-সুন্নাহর সঠিক পদ্ধতি অনুযায়ী ছালাত, ছিয়াম, হজ্জ, যাকাত প্রভৃতি আদায় করা বুঝায়। অনুরূপ বৈষয়িক জীবন বলতে চাকরি করা, ডাক্তারী করা ব্যবসা-বাণিজ্য, সমাজনীতি, রাজনীতি ইত্যাদিকে বুঝায়। এসবই আল্লাহ প্রেরিত বিধান অনুযায়ী পালন করাকেও ইবাদত বলা হয়। এগুলি হাক্কুল্লাহ বা আল্লাহর অধিকার।

অপরদিকে বান্দার হক তথা, উত্তম ব্যবহার, মাতা-পিতা, নিকটআত্মীয়দের সাথে সদ্যবহার করা ইত্যাদিও ইবাদতের অন্তর্ভুক্ত। কেবল ছালাত, ছিয়াম, হজ্জ, যাকাত আদায়ের জন্য মানুষ সৃষ্টি করা হয়নি; বরং এগুলির পাশাপাশি আরও কতিপয় দায়িত্ব পালনের জন্য মানুষ সৃষ্টি হয়েছে।

আল্লাহ বলেন, ‘তোমার রব আদেশ করছেন যে, তাঁকে ছাড়া অন্য কারো ইবাদত কর না এবং মাতা-পিতার সাথে সদ্যবহার কর। যদি তাঁদের মধ্যে কেউ অথবা উভয়েই তোমার জীবদ্দশায় বার্ষিক্যে উপনীত হয়, তবে তাদেরকে ‘উহ’ পর্যন্ত বল না এবং তাঁদেরকে ধমক দিও না; তাদের সাথে বিনম্রভাবে সম্মানসূচক কথা বল, তাদের সামনে শ্রদ্ধা ও বিনয়ের সাথে অবনত থেক আর প্রার্থনা কর- হে আমার রব! তাঁদের উভয়ের প্রতি দয়া করুন, যেভাবে তাঁরা আমাকে শৈশবে লালন-পালন করেছেন’ (বনী ইসরাঈল ২৩-২৪)।

অপর একটি আয়াতে সদ্যবহারের বিষয়টি আরও বিস্তৃতভাবে বর্ণিত হয়েছে। যাতে পিতা-মাতাই কেবল নয় অন্যান্যরাও এতে অন্তর্ভুক্ত। যেমন আল্লাহ বলেন, ‘সদ্যবহার কর পিতা-মাতার সাথে, আত্মীয়-স্বজনের সাথে, ইয়াতীমদের সাথে, মিসকীনদের সাথে, নিকট প্রতিবেশী ও দূর-প্রতিবেশীর সাথে, সঙ্গী-সান্নী ও পথচারীর সাথে এবং তোমাদের অধিকারভুক্ত দাস-দাসীদের সাথে। নিশ্চয়ই আল্লাহ পসন্দ করেন না দাঙ্গিক আত্ম-গর্বিত ব্যক্তিকে’ (নিসা ৩৬)।

আবু হুরায়রা (রাঃ) হ’তে বর্ণিত, রাসূলুল্লাহ (ছাঃ) বলেছেন, ‘তোমরা একে অপরের দোষ অন্বেষণ কর না, পরস্পর গুণ্ডচরবৃত্তি কর না, পরস্পর ঝগড়া-বিবাদ কর না, হিংসা কর না, পরস্পর ঘৃণা কর না, পরস্পরে চক্রান্ত কর না। তোমরা সকলে আল্লাহর বান্দা হিসাবে ভাই ভাই হয়ে যাও’।<sup>১০</sup>

### শেষকথাঃ

আলোচনার সমাপ্তিতে আমরা বলতে পারি, নারী-পুরুষ মহান আল্লাহর বিস্ময়কর ও বৈপ্রবিক সৃষ্টি। সৃষ্টি-মাহাত্ম্য ও বৈশিষ্ট্যে পার্থক্য থাকলেও একই উদ্দেশ্যে তারা সৃষ্টি। সুখময় সুন্দর জীবন ও পরিবার-সমাজ-রাষ্ট্র গড়ার ক্ষেত্রে পরস্পরকে দান করেছেন স্বতন্ত্র স্বয়ংসম্পূর্ণতা ও মনোহর বৈশিষ্ট্য। বিশ্ব সংসারে কেবল মানুষকেই সকল সুখের প্রদীপ জ্বালানোর অবকাশ দিয়েছেন আল্লাহ তা'আলা। তাঁর সৃষ্টির মাঝে রয়েছে রহস্যময় ও তাৎপর্যমণ্ডিত লীলা! এসবই সেই মহা মহিমের একক সার্বভৌমত্বের বহিঃপ্রকাশ। আল্লাহ আমাদের সকলকে তার সৃষ্টি রহস্য সন্মুখে সঠিক চিন্তা-গবেষণার এবং তাঁর ইবাদতে আত্মনিয়োগ করার সুযোগ দান করুন। অব্যাহত কল্যাণ বর্ধিত হোক আমাদের সকলের উপর। আমীন!

৯. বিস্তারিত দেখুনঃ আতিক হেলাল, ফিচারঃ যমজ উপস্থান, দৈনিক ইনকিলাব (শুক্রবারের ইনকিলাব বিনোদন) ৯ আগস্ট ২০০২, পৃঃ ৯।

১০. মুত্তাফাকু আলাইহ, মিশকাত হা/৫০২৮।

## দায়িত্ব

রফীক আহমাদ\*

পৃথিবীতে মানুষের আগমন একাকী এবং বিদায়ের পালাও একাকী। আগমনের পূর্বস্থল কোথায়, কিরূপ এবং কতদিনের তার সঠিক উত্তর কেউ দিতে পারে না। তবে ঐ সময়ের একজন মহাজ্ঞানবান ও মহাক্ষমতাবান অভিভাবক থাকেন, তিনি স্বয়ং স্রষ্টা আল্লাহ। জনের পূর্ববস্থার ইত্যাকার বর্ণনা তিনি ছাড়া আর কেউ অবগত নন। যখন পৃথিবী হ'তে বিদায়ের পালা আসে, তখনও যেতে হয় সঙ্গীহীন অবস্থায় একাকী। এই একাকী অবস্থার অবস্থানস্থল কবর-এর পরবর্তী সংবাদ নিঃসন্দেহে পৃথিবীতে আগমনের পূর্বস্থলের মতই অজ্ঞাত এবং সবার জন্য নিরাপদ নক্ষ। তবে সাদৃশ্যপূর্ণ ও সঠিক সংবাদনামা হ'ল আগমন ও বিদায় উভয় সন্ধিক্ষণেই সবাই থাকে একান্ত অসহায়, যার হুবহু বর্ণনা দেওয়া মোটেও সম্ভব নয়। অবশ্য অসহায়ত্বের এই অতুলনীয় বন্দোবস্তের অব্যর্থ আইন সম্পর্কে পরিণত বয়সে সকলেই জানতে পারে অনায়াসে।

মানবজাতির জন্ম বৃত্তান্তের প্রাথমিক বিপর্যয়ের পরই আসে স্বাভাবিকভাবে বয়োবৃদ্ধি ও জ্ঞানবৃদ্ধির সম্মিলিত উন্মেষ এবং এখান থেকেই শুরু হয় নিজ দায়িত্ব গ্রহণের পালা। ফলে কৈশোরেই দেখা যায় অতুলনীয় বৈপরীত্যের সমাহার। কারণ শিক্ষা লাভের মূল উৎসের সন্ধানে মানব শত্রু শয়তানের ভূমিকা অনস্বীকার্য। যেহেতু শয়তানের আবির্ভাব হয়েছে মানব জাতির প্রতিযোগী ও প্রতিপক্ষ হিসাবে, আল্লাহর অনুমোদনক্রমে। ইহাও মানবজাতির সর্বজনস্বীকৃত সংবাদনামা। এই অবস্থার পেক্ষাপটেই পূর্ণতা লাভ করে শ্রেষ্ঠ সৃষ্টি মানুষ। অতঃপর সে দেখতে পায় নিজ জাতি-ধর্মের অসংখ্য সঠিক ও ভ্রান্ত পথের দিগন্ত।

নভোমণ্ডল ও ভূমণ্ডলের বিপুল সৃষ্টিরাজির ন্যায় মানব হৃদয়েরও রয়েছে অনুরূপ বিশাল পরিসর, যা তাকে উন্নতির শিখরেও নিয়ে যেতে সক্ষম হয় এবং অধঃপতনের অতল তলেও নিয়ে যেতে পারে। এমতাবস্থায় প্রয়োজন সুস্থ মানসিকতা, অকৃত্রিম চিন্তা ও মুক্ত মনের অধিকারী হওয়া, যা পেয়েছি আমাদের বিশ্বনবীর অতুলনীয় আদর্শ থেকে। তিনি ছিলেন ইয়াতীম, দরিদ্র, নিরক্ষর, উদার, ভাবুক, চিন্তাশীল ও অনুসন্ধায়ক। তাঁর প্রতি বিশ্বশ্রেষ্ঠ মহাপবিত্র গ্রন্থ আল-কুরআন অবতীর্ণ হয়েছে। সূত্রাং দেখা যায় নিজ দায়িত্ব পালনে মহানবীর মহান ও অকৃত্রিম ভূমিকাই মানব জাতির প্রতি কর্তব্য হিসাবে প্রত্যক্ষ ও পরোক্ষভাবে অর্পিত হয়েছে।

বাস্তব জীবনের যে কোন অজুহাতকে খণ্ডন করার জন্য মহানবী (ছাঃ)-এর আদর্শ ব্যতীত আরও অসংখ্য উদাহরণ ইতিহাসের পাতায় বিদ্যমান। উপযুক্ত পিতা-মাতা,

অভিভাবক ও সহায়ক বর্তমান থাকতেও বহু মানব সন্তান পথভ্রষ্ট হয়ে ছিটকে পড়ে। পক্ষান্তরে পিতৃমাতৃহীন সহায় সম্বলহীন, ধর্মদ্রোহীর ঘরেও অনেক দায়িত্ববান সন্তান ও নর-নারী শিক্ষা ও জ্ঞানের মাধ্যমে সংপথ প্রাপ্ত হয়। উদাহরণস্বরূপ হযরত নূহ (আঃ)-এর স্ত্রী ও পুত্র এবং হযরত লূত (আঃ)-এর স্ত্রীর পথভ্রষ্টতা আবহমানকালের ধর্মদ্রোহীর উজ্জল স্বাক্ষর। অপরদিকে বিশ্বশ্রেষ্ঠ ধর্মদ্রোহী ও উৎপীড়ক ফের'আউনের স্ত্রী ও নিজ জ্ঞান ও দায়িত্বে আল্লাহর নিকট আত্মসমর্পণ করে। ইহাও সং পথ প্রাপ্তদের উৎসাহ ও অনুপ্রেরণার আবহমানকালের অমোঘ বাণী। এভাবে যুগে যুগে বহু সর্বজন পরিচিত ও অপরিচিত ব্যক্তিত্ব পৃথিবীর বুকে ভাল ও মন্দের বিপরীতমুখী বোঝা নিয়ে গর্বের সাথে কালাতিপাত করে আসছে চিরাচরিত নিয়মে। কোন যুগে বা শতাব্দীতে এর বাস্তব উদাহরণের অভাব নেই।

সম্প্রতি আধুনিক উন্নত বিশ্বেও ঘটে গেল তৎকালীন ফের'আউন, নমরুদ, হালাকু খাঁর মত বর্বরোচিত ঘটনার পুনরাবৃত্তি। গত ২০ শে মার্চ ২০০৩ তারিখে বিশ্বের অন্যতম পরাশক্তি আমেরিকা ও বৃটেন বিশ্ব জনমতকে উপেক্ষা করে নিজ দায়িত্বে ইরাকে হামলা চালিয়ে দেশটির হাযার হাযার নিরীহ জনগণকে নির্বিচারে হত্যা করল। শেষপর্যন্ত সেখানকার সরকারকে উৎখাত করে দেশটির দায়িত্বভার গ্রহণ করেছে। এখানো সেখানে প্রতিনিয়ত রক্ত ঝরছে। নিরপরাধ ইরাকীদের উপর দখলদার বাহিনী নির্মম নির্যাতন চালাচ্ছে। সাদ্দাম পুত্র উশেও ও কুদেকে হত্যা করা হয়েছে। শেষ পর্যন্ত প্রেসিডেন্ট সাদ্দাম হোসাইনকে গ্রেফতার করে তাঁর উপরও অমানবিক নির্যাতন চালানো হচ্ছে। একের পর এক গ্রাম তছনছ করে দিচ্ছে হানাদার বাহিনী। অসহায় ইরাকীদের আর্তিচিৎকারে আকাশ-বাতাস আজ ভারী হয়ে ওঠেছে। এসবই ঘটছে বিশ্ব জনমতের সম্পূর্ণ বিপরীতে। এরূপ ছোটবড় অনেক ইতিহাস অহরহ ঘটেই চলেছে বর্তমান বিশ্বে।

মৃত্যুর পরে ভাল কাজের বিনিময়ে পুরস্কার এবং মন্দ কাজের বিনিময়ে শাস্তির অব্যর্থ ব্যবস্থা আছে, মহাজ্ঞানী আল্লাহর এই বাণীর প্রতি অকৃত্রিম বিশ্বাসীরাই হ'ল ঈমানদার। পক্ষান্তরে আল্লাহর ঐ বাণীর প্রতি অবিশ্বাসীরাই হ'ল বেঈমান বা অবিশ্বাসী। বিশ্বাসী, অবিশ্বাসী ও অনুসন্ধিৎসু সকল শ্রেণীর মানুষই নিজ নিজ জ্ঞান-বুদ্ধি, শিক্ষা-দীক্ষা, বিবেক-বিবেচনা, চিন্তা-ভাবনা ইত্যাদির দ্বারা পরিপূর্ণ। কাজেই কর্মজীবনের লক্ষ্য নির্ধারণে নিজ পরিকল্পনা ও অভিপ্রায় সরাসরি কাজ করে। মহামহিমাময় আল্লাহ তা'আলা তাঁর একান্ত প্রিয় ও শ্রেষ্ঠ সৃষ্টি 'মানবজাতির সকল কর্ম, ইচ্ছা, অভিপ্রায়, অনুকূল, প্রতিকূল ইত্যাদি অবস্থার সার্বক্ষণিক পরিস্থিতির হুবহু অবয়ব মহাপবিত্র কুরআনে উপস্থাপন করেছেন। আমরা সেগুলি সম্ভাব্য পর্যবেক্ষণের মাধ্যমে আলোচ্য শিরোনামের পরিধিভুক্ত করতে চাই। সমগ্র মানব জাতিকে লক্ষ্য করে

\* প্রফেসর পাড়া, নবাবগঞ্জ, দিনাজপুর।

আল্লাহ তা'আলা বলেন,

وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا وَإِنَّ اللَّهَ لَمَعَ الْمُحْسِنِينَ-

‘যারা আমার পথে সাধনায় আত্মনিয়োগ করে, আমি অবশ্যই তাদেরকে আমার পথে পরিচালিত করব। নিশ্চয়ই আল্লাহ সৎ-কর্মপরায়ণদের সাথে আছেন’ (আনকাবূত ৬৯)।

নিঃসন্দেহে এই আয়াতের একটা আধ্যাত্মিক অর্থ রয়েছে, যার বিশদ ব্যাখ্যা সবিশেষ গুরুত্বপূর্ণ। একটা সাদৃশ্যপূর্ণ আলোচনাকে হৃদয়গ্রাহী ও পূর্ণতা প্রদানের জন্য মহান আল্লাহ বলেন,

الَّذِينَ آمَنُوا وَتَطْمَئِنُّ قُلُوبُهُمْ بِذِكْرِ اللَّهِ أَلَا بِذِكْرِ اللَّهِ تَطْمَئِنُّ الْقُلُوبُ الَّذِينَ آمَنُوا وَعَمِلُوا الصَّالِحَاتِ طُوبَى لَهُمْ وَحَسُنَ مَا ب-

‘যারা বিশ্বাস স্থাপন করে এবং তাদের অন্তর আল্লাহর যিকর দ্বারা শান্তি লাভ করে, জেনে রেখো, আল্লাহর যিকর দ্বারাই অন্তর সমূহ শান্তি পায়। যারা বিশ্বাস স্থাপন করে এবং সৎ কর্ম সম্পাদন করে, তাদের জন্য রয়েছে সুসংবাদ এবং মনোরম প্রত্যাবর্তনস্থল (রা’দ ২৮-২৯)।

আল্লাহ প্রদত্ত জ্ঞানের আলোকে ও পবিত্র কুরআনের এই বক্তব্যের প্রতি শ্রদ্ধাশীল হয়ে যে কেউ সংগত কারণেই গভীরভাবে আস্থাশীল হ’তে পারেন। আল্লাহর ক্ষমতা সবকিছুর উপর বিদ্যমান এবং তাঁর অসীম জ্ঞানভাণ্ডার সব জিনিসকে পরিব্যাপ্ত করে রেখেছে। সুতরাং যারা সর্বশক্তিমান ও মহান স্রষ্টার অস্তিত্ব ও শাস্তবাবীণীর প্রতি পুরোপুরিভাবে অভিজ্ঞতা তারা অতীব সৌভাগ্যবান। স্বয়ং আল্লাহ পাক তাদের অভিজ্ঞতাক ও পরিচালক হয়ে যান। তিনি বলেন,

هَذَا بَصَائِرُ مِنْ رَبِّكُمْ وَهُدًى وَرَحْمَةٌ لِّقَوْمٍ يُؤْمِنُونَ-

‘এটা ভাববার বিষয় যে, তোমাদের পরওয়ারদেগারের পক্ষ থেকে এবং হেদায়াত ও রহমত সেসব লোকের জন্য যারা ঈমান এনেছে’ (আ’রাফ ২০০)।

একই ভাবধারায় অন্যত্র অবতীর্ণ হয়েছে,

مَنْ يَهْدِ اللَّهُ فَهُوَ الْمُهْتَدَىٰ وَمَنْ يُضِلِّ فَأُولَٰئِكَ هُمُ الْخَاسِرُونَ-

‘যাকে আল্লাহ পথ দেখাবেন সেই পথপ্রাপ্ত হবে। আর যাকে তিনি পথভ্রষ্ট করবেন, সেই হবে ক্ষতিগ্রস্ত’ (আ’রাফ ১৭৮)।

আগেই বলেছি, মানুষ সৃষ্টির সেরা জ্ঞানী, চিন্তাবিদ ও যার কোন তুলনা নেই। তাই মহাপরাক্রম ও মহাজ্ঞানবান আল্লাহ তা'আলা মানুষকে তার জ্ঞানের সদ্যবহার দ্বারা আল্লাহর আদেশ ও নিষেধ সুপ্রতিষ্ঠিত করার নির্দেশ দিয়েছেন। যারা সতর্কতার সাথে অসীম কুদরতের প্রতি আত্মসমর্পন করে, আল্লাহ তার প্রতি দয়া, করুণা, রহমত ও ভালবাসার দ্বার উন্মুক্ত করে দেন। ফলে সে আল্লাহর নৈকট্য লাভের সন্ধান পেয়ে যায় এবং স্বয়ং আল্লাহই তার সৎ বুদ্ধি দাতা। তাঁর শাস্তবাবীণী থেকেই ঈমানের উৎপত্তি হয় এবং মুক্ত মনের অধিকারী যেকোন ব্যক্তিকে তা প্রভাবিত করে এবং মন্ত্র শক্তির ন্যায় কাজ করে। এক্ষেত্রে নভোমণ্ডল, ভূমণ্ডল ও নিজ স্রষ্টার অবেষণকারী এবং ধর্মীয় তত্ত্ব নিয়ে চিন্তাবিদদের কথা অন্যতম।

মনে রাখা দরকার যে, পবিত্র কুরআনের বাণী সমূহের প্রতি সম্মান প্রদর্শনকারীরা নিজেরাই অবিশ্বাস্যভাবে উপকৃত হয়। এ বিষয়ে মহান আল্লাহর বাণী হ’ল-

فَمَنْ اهْتَدَىٰ فَلِنَفْسِهِ وَمَنْ ضَلَّ فَإِنَّمَا يَضِلُّ عَلَيْهَا،

‘যে সৎ পথে আসে, সে নিজের কল্যাণের জন্যেই আসে, আর যে পথভ্রষ্ট হয়, সে নিজেরই অনিষ্টের জন্য পথভ্রষ্ট হয়’ (যুমার ৪১)।

مَنْ عَمِلَ صَالِحًا فَلِنَفْسِهِ وَمَنْ أَسَاءَ فَعَلَيْهَا،

‘যে সৎ কর্ম করে; সে নিজের উপকারের জন্যেই করে, আর যে অসৎ কর্ম করে, তা তার উপরই বর্তাবে’ (হা-মীম-সাজদাহ ৪৬)।

মহান আল্লাহ আরও বলেন, مَنْ عَمِلَ صَالِحًا فَلِنَفْسِهِ وَمَنْ أَسَاءَ فَعَلَيْهَا ثُمَّ إِلَىٰ رَبِّكُمْ تُرْجَعُونَ-

‘যে সৎ কাজ করছে, সে নিজের কল্যাণার্থেই করছে, আর যে অসৎ কাজ করছে, তা তার উপরই বর্তাবে? অতঃপর তোমরা তোমাদের পালন কর্তার দিকে প্রত্যাবর্তিত হবে’ (জাহিয়া ১৫)।

আল্লাহর প্রতি অকৃত্রিম বিশ্বাস ও পার্থিব জীবনের সৎকর্ম হ’ল আখেরাত তথা ক্বিয়ামত দিবসের একমাত্র রক্ষাকবচ। তাই শেষ বিচার দিবসের মালিক মহান আল্লাহ বলেন,

مَنْ جَاءَ بِالْحَسَنَةِ فَلَهُ خَيْرٌ مِّنْهَا وَهُمْ مِّنْ فَزَعٍ يَوْمَئِذٍ آمِنُونَ- وَمَنْ جَاءَ بِالسَّيِّئَةِ فَكُبَّتْ وَجُوهُهُمْ فِي النَّارِ هَلْ تُجْزَوْنَ إِلَّا مَا كُنْتُمْ تَعْمَلُونَ-

‘যে কেউ সৎ কর্ম নিয়ে আসবে, সে উৎকৃষ্টতর প্রতিদান পাবে এবং সেদিন তারা গুরুতর অস্থিরতা থেকে নিরাপদ থাকবে এবং যে মন্দ কাজ নিয়ে আসবে, তাকে অগ্নিতে অধঃমুখে নিক্ষেপ করা হবে’ (নমল ৮৯, ৯০)।

যেকোন সৎ কর্মের জন্য উত্তম প্রতিদান এবং অসৎ কর্মের জন্য বিপরীত প্রতিফলের সূত্র ধরেই সকলের অবগতি ও হুঁশিয়ারীর তাৎপর্যময় বক্তব্যে আল্লাহ তা'আলা বলেন,

مَنْ يَشْفَعُ شَفَاعَةً حَسَنَةً يَكُنْ لَهُ نَصِيبٌ مِنْهَا وَمَنْ يَشْفَعُ شَفَاعَةً سَيِّئَةً يَكُنْ لَهُ كِفْلٌ مِنْهَا وَكَانَ اللَّهُ عَلَى كُلِّ شَيْءٍ مُّقِيتًا۔

‘যে লোক সৎ কাজের জন্য কোন সুপারিশ করবে, তা থেকে সেও একটি অংশ পাবে। আর যে লোক সুপারিশ করবে মন্দ কাজের জন্য সে তার বোঝারও একটি অংশ পাবে। বস্তুতঃ আল্লাহ সর্ব বিষয়ে ক্ষমতাশীল’ (নিসা ৮৫)।

মানুষ শ্রেষ্ঠ চিন্তাবিদ ও সুবিজ্ঞ জ্ঞানের অধিকারী, তাই নিজ জীবনের ভবিষ্যৎ লক্ষ্য পরিগ্রহণের মাধ্যমেই সূচিত হয় সত্য-মিথ্যা, সৎ-অসৎ, সঠিক-বেঠিক, ভাল-মন্দ, ন্যায়-অন্যায়, নিয়ম-অনিয়ম ইত্যাদির মত মৌলিক নিত্য ঘটিত বিশ্বাসযোগ্য ও অবিশ্বাসযোগ্য ঘটনাবলুল জীবন প্রবাহ। এমতাবস্থায় যারা আসমান-যমীন, সূর্য-চন্দ্র, গ্রহ-নক্ষত্র, শূন্য-মহাশূন্য, পাহাড়-পর্বত, সাগর-মহাসাগর, মরুভূমি-মরুদ্যান, বন-জঙ্গল, সমতলভূমি, মালভূমি, অগণিত হিংস্র ও নিরীহ প্রাণী, কীট-পতঙ্গ ইত্যাদির সৃষ্টিকর্তা ও পালনকর্তার চিন্তা করে, তারাই ভীত-বিস্মল হয়ে আল্লাহর সত্ত্বটির পথ অনুসন্ধান ও অনুসরণ করে। অতঃপর তারা আল্লাহর নির্দেশিত সৎ কর্ম সম্পাদনে আত্মনিয়োগ করে এবং বিনীতভাবে আল্লাহর সাহায্যের প্রত্যাশা করে। আল্লাহ এদের কার্যকলাপ, দো‘আ ও মনস্কামনা পূর্ণ করেন। পক্ষান্তরে যারা এদের আদর্শের পরিপন্থী কাজে লিপ্ত হয়ে পৃথিবীর মোহে পার্থিব জীবনকেই প্রাধান্য দেয়, আল্লাহ তাদের প্রতি বিমুখ হয়ে পড়েন এবং তাদের শাস্তির ঘোষণা দেন।

উপরে বর্ণিত আয়াতগুলির ব্যাখ্যা-বিশ্লেষণ আলোচ্য আদর্শ-অনাদর্শ ও অনুকূল-প্রতিকূল পরিস্থিতির উজ্জল স্বাক্ষর বহন করে। স্বয়ং আল্লাহ তা'আলা বলেছেন, সৎ কর্ম সম্পাদনশীলরা নিজেদের কল্যাণেই ভাল কাজ করে, যার প্রতিদান ইহকালে পায় এবং পরকালেও পাবে, তা কখনই বিফলে যাবে না। পক্ষান্তরে আল্লাহর আদেশ অমান্যকারী বিপরীতপন্থীরা পার্থিব জীবনে সাময়িক আনন্দভোগের পর ইহজগতেই লাঞ্চিত অবস্থায় মৃত্যুবরণ করে এবং ধারাবাহিক শাস্তির মধ্য দিয়ে ক্বিয়ামতের মহাপ্রলয়ে অগ্নিতে নিক্ষিপ্ত হবে।

ভবিষ্যৎ জীবনের লক্ষ্য-নির্ধারণে যারা মারাত্মকভাবে ভুল সিদ্ধান্তে উপনীত হয়, এর প্রধান কারণ হিসাবে তাদের ধন-সম্পদ, জাকজমকপূর্ণ অট্টালিকা, সন্তান-সন্ততি, আমোদ-প্রমোদ ইত্যাদি শীর্ষস্থানীয়। মহান আল্লাহ বলেন,

وَأَعْلَمُوا أَنَّمَا أَمْوَالُكُمْ وَأَوْلَادُكُمْ فِتْنَةٌ وَأَنَّ اللَّهَ

عِنْدَهُ أَجْرٌ عَظِيمٌ۔

‘জেনে রাখ, তোমাদের ধন-সম্পদ ও সন্তান-সন্ততি ফিৎনা বা পরীক্ষা স্বরূপ। বস্তুতঃ আল্লাহর নিকটে রয়েছে মহাসওয়াব’ (আনফাল ২৮)।

ধন-দৌলত, স্ত্রী, পুত্র, কন্যার প্রতি মানুষের স্নেহ ভালবাসা ও দুর্বলতা সর্বজনবিদিত। কিন্তু ব্যাপক নিরীক্ষার যৌক্তিকতায় এদের অধিকাংশ ব্যাপারটাই জটিলতায় পূর্ণ।

মহা সম্মানিত আল্লাহ তা'আলা তাঁর প্রিয় মুমিন বান্দাদের সতর্কবাণী উচ্চারণ করে বলেন,

يَا أَيُّهَا الَّذِينَ آمَنُوا لَا تُلْهِكُمْ أَمْوَالُكُمْ وَلَا أَوْلَادُكُمْ عَنْ ذِكْرِ اللَّهِ وَمَنْ يَفْعَلْ ذَلِكَ فَأُولَئِكَ هُمُ الْخَاسِرُونَ۔

‘হে মুমিনগণ! তোমাদের ধন-সম্পদ ও সন্তান-সন্ততি যেন তোমাদেরকে আল্লাহর স্মরণ থেকে গাফেল না করে। যারা এ কারণে গাফেল হয়, তারাই তো ক্ষতিগ্রস্ত’ (মুনাফিকুন ৯)।

আল্লাহর ক্ষমতা সবকিছুর উপর বিদ্যমান এবং তাঁর মহাজ্ঞানও সবকিছুকে পরিব্যপ্ত করে রেখেছে। আল্লাহর প্রতিনিধি মানুষের ক্ষমতা রয়েছে নিজের উপর এবং কোন কোন ক্ষেত্রে নিজের গোত্রের উপরও সীমাবদ্ধ থাকে। এদের পূর্ণ স্বাধীনভাবে চলার ক্ষমতা ও জ্ঞান রয়েছে বা মহান স্রষ্টা তা দান করেছেন। এমতাবস্থায় প্রতিটি মানুষ তার মানবীয় সিদ্ধান্তের জন্য নিজেই দায়ী। শুধু তার ইচ্ছা অনুযায়ী আশা-আকাংখা পূরণ করেন অর্থাৎ কেউ আধ্যাত্মিক জ্ঞানের সাহায্যে আল্লাহর মনোনীত পথে অগ্রসর হ’তে চাইলে, আল্লাহ তাকে পথ দেখান। ফলে সে পথপ্রাপ্ত হয়ে আল্লাহর প্রিয়ভাজন হয়ে যায়। অপরদিকে অনেকে পার্থিব জগতের চোখ জুড়ানো ধন-সম্পদের মোহে, সন্তান-সন্ততির প্রেমে আল্লাহর অসীম ও অপার ক্ষমতার কথা ভুলে যায়, তখন আল্লাহও তাদেরকে নিজ পথে ছেড়ে দেন, ফলে তারা পথভ্রষ্ট হয়ে আল্লাহর প্রতিশ্রুত জাহান্নামের চিরস্থায়ী বাসিন্দা হয়ে যায়। তাই এ জগতের ধন-সম্পদ ও সন্তান-সন্ততি কেবল পরীক্ষা স্বরূপ বলেই আল্লাহ ঘোষণা করেছেন। অতঃপর জ্ঞানী ও মুমিন বান্দাদের সাবধান করে উল্লেখিত শেখোক্ত আয়াতে জানিয়ে দিয়েছেন, যাতে তারা নিজেদের ধন-সম্পদ ও প্রাণপ্রিয় সন্তান-সন্ততির আকর্ষণে পড়ে আল্লাহর স্মরণ থেকে গাফেল না হয়।

কারণ সর্বজ্ঞানী আল্লাহ মানুষের চলার পথে বা পার্থিব জীবনের লক্ষ্য নির্ধারণে বাধা দেন না। কাজেই মানুষ নিজেই নিজের জীবনের ভাল-মন্দ লক্ষ্যস্থির করে বা পরিবর্তন ঘটায়। কুরআনে মানবজাতির এই গোপন সংবাদটিও মহাসংবাদ হয়ে সসম্মানে লিপিবদ্ধ হয়েছে।

মাসিক আত-তাহরীক ১ম বর্ষ ১ম সংখ্যা, মাসিক আত-তাহরীক ১ম বর্ষ ১ম সংখ্যা, মাসিক আত-তাহরীক ১ম বর্ষ ১ম সংখ্যা, মাসিক আত-তাহরীক ১ম বর্ষ ১ম সংখ্যা

إِنَّ اللَّهَ لَا يُغَيِّرُ مَا بِقَوْمٍ حَتَّىٰ يُغَيِّرُوا مَا بِأَنْفُسِهِمْ .

‘আল্লাহ কোন জাতির অবস্থা পরিবর্তন করেন না, যে পর্যন্ত না তারা তাদের নিজেদের অবস্থা পরিবর্তন করে’ (রা’দ ১১)। অপর এক আয়াতে আল্লাহ বলেন,

بِأَنَّ اللَّهَ لَمْ يَكْ مُغَيِّرًا نِّعْمَةً أَنْعَمَهَا عَلَىٰ قَوْمٍ حَتَّىٰ يُغَيِّرُوا مَا بِأَنْفُسِهِمْ وَأَنَّ اللَّهَ سَمِيعٌ عَلِيمٌ-

‘আল্লাহ কখনও পরিবর্তন করেন না সেসব নে’মত, যা তিনি কোন জাতিকে দান করেছিলেন, যতক্ষণ না সে জাতি নিজেই পরিবর্তন করে দেয় নিজের জন্য নির্ধারিত বিষয়। বস্তুতঃ আল্লাহ শ্রবণকারী, মহাজ্ঞানী’ (আনফাল ৫৩)।

উপরিউক্ত মহাসত্য বাণীর অবলম্বনে নিম্নে আরও কতিপয় আয়াতের উদ্ধৃতি দেয়া হ’ল,

مَنْ كَانَ يُرِيدُ الْحَيَاةَ الدُّنْيَا وَ زَيْنَتَهَا نُوفًا لِلَّهِمْ أَعْمَالُهُمْ فِيهَا وَهُمْ فِيهَا لَيُبَخَسُونَ، أُولَٰئِكَ الَّذِينَ لَيْسَ لَهُمْ فِي الْآخِرَةِ إِلَّا النَّارُ-

‘যে ব্যক্তি পার্থিব জীবন ও তার চাকচিক্যই কামনা করে, আমি তাদের দুনিয়াতেই তাদের আমলের প্রতিফল ভোগ করিয়ে দেব এবং তাতে তাদের প্রতি কিছুমাত্র কমতি করা হয় না। এরাই হ’ল সেসব লোক, আখেরাতে যাদের জন্য আগুন ছাড়া কিছু নেই’ (হুদ ১৫-১৬)।

অন্যত্র তিনি বলেন,

مَنْ كَانَ يُرِيدُ الْعَاجِلَةَ عَجَلْنَا لَهُ فِيهَا مَا نَشَاءُ لِمَنْ نُرِيدُ ثُمَّ جَعَلْنَا لَهُ جَهَنَّمَ يَصَلُّهَا مَذْمُومًا مَّدْحُورًا- وَ مَنْ أَرَادَ الْآخِرَةَ وَسَعَىٰ لَهَا سَعْيَهَا وَهُوَ مُؤْمِنٌ فَأُولَٰئِكَ كَانَ سَعْيُهُمْ مَشْكُورًا-

‘যে কেউ ইহকাল কামনা করে, আমি সেসব লোককে যা ইচ্ছা সত্ত্বর দিয়ে দেই। অতঃপর তাদের জন্য জাহান্নাম নির্ধারিত করি। ওরা তাতে নিন্দিত-বিতাড়িত অবস্থায় প্রবেশ করবে। আর যারা পরকাল কামনা করে এবং মুমিন অবস্থায় তার জন্য যথার্থ চেষ্টা সাধনা করে, এমন লোকদের চেষ্টা স্বীকৃত হয়ে থাকে’ (বণী ইসরাইল ১৮-১৯)।

একই মর্মার্থে মহাপ্রজ্ঞাময় আল্লাহ আরো বলেন,

مَنْ كَانَ يُرِيدُ حَرْثَ الْآخِرَةِ نَزِدْ لَهُ فِي حَرْثِهِ وَمَنْ كَانَ يُرِيدُ حَرْثَ الدُّنْيَا نُؤْتِهِ مِنْهَا وَمَا لَهُ فِي الْآخِرَةِ مِنْ نَصِيبٍ-

‘যে কেউ পরকালের ফসল কামনা করে, আমি তার জন্য সেই ফসল বাড়িয়ে দেই। আর যে ইহকালের ফসল কামনা করে, আমি তাকে তার কিছু দিয়ে দেই এবং পরকালে তার কোন অংশ থাকবে না’ (শূরা ২০)।

নভোমণ্ডল-ভূমণ্ডল ও এতদুভয়ের মধ্যবর্তী যাবতীয় সৃষ্টির মধ্যে মানুষ সৃষ্টির শ্রেষ্ঠ। তাই মানুষ বহুবিধ গবেষণা জ্ঞানের দ্বারা বিশ্বমুখী ধ্যান ধারণায় উন্নত ও অত্যাশ্চর্য পরিকল্পনা গ্রহণ করে। একদিকে আধুনিক বিজ্ঞানীরা একদল মহাশূন্যের গ্রহ, নক্ষত্র ইত্যাদির অকল্পনীয় তথ্য সংগ্রহ নিয়ে যেমন ব্যস্ত, অন্যদিকে আর একদল বিশাল যমীনে ভূগর্ভের মূল্যবান খনিজ পদার্থ আবিষ্কারে দিবা-রাত্রি দায়িত্ব পালন করে যাচ্ছে। শুধু তাই নয় পার্থিব জগতের শক্তি পরীক্ষায় সমগ্র জগতে চলছে মারণাস্ত্র তৈরীর তুমুল প্রতিযোগিতা। যা ভাষায় বর্ণনা যোগ্য নয়। একইভাবে চলছে ধন-সম্পদ, অট্টালিকা, রঙ্গমঞ্চ ইত্যাদি নিয়েও মানবিক ও অমানবিক কলাকৌশলের হীনতম প্রযুক্তি। আবার পারিবারিক ও সামাজিক জীবনেও চলছে ব্যক্তিগত জ্ঞান-বুদ্ধির অদ্ভুত লীলাখেলা। এসবের মাঝেই বিক্ষিপ্তভাবে রয়েছে পাশাপাশি ধর্ম-অধর্মের একান্ত গোপন অভিযান।

এই অভিযানে একদল ইহকালের সদ্যপ্রাপ্ত সুখ-স্বাচ্ছন্দ্যের জন্য ধন-সম্পদ, অর্থ, আড়ম্বর, সম্ভান-সম্মতি, মান-সম্মান, শক্তি-সামর্থ্য, প্রভাব-প্রতিপত্তি ইত্যাদির উন্নতি কামনা করে এবং তাতেই আত্মনিয়োগ করে। পক্ষান্তরে অপর একদল পরকালের মহাবিচারের চিন্তায় ইহকালের সুখ ও ভোগ-বিলাসকে বিসর্জন দিয়ে আল্লাহর সন্তুষ্টির পথে আত্মোৎসর্গ করে। আল্লাহ তাদের সকলের মনের ও বাইরের খবর জানেন এবং তাদের সকলের মনঙ্কামনাও পূরণ করেন।

উপরিউক্ত আয়াত গুলি মহাপরাক্রমশালী আল্লাহর মহাপ্রকল্পের রূপান্তর। তিনি তাঁর প্রতিশ্রুত বাণী দ্বারা ভাল-মন্দ সকল বান্দাকে সমানভাবে সাবধান করে দিয়েছেন। মানুষ তার নিজ কামনা, বাসনা, সাধনা, প্রচেষ্টা ও অধ্যবসায়ের দ্বারা যা অর্জন করতে চাইবে, নিরপেক্ষ ও অন্তর্যামী আল্লাহ তা’আলা অকাতরে তাকে তাই দান করবেন।

অবশ্য আল্লাহর এই স্বর্গীয় মহাসংবাদে ঈমানদারের সংখ্যা অধিকমাত্রায় বেড়ে যায় এবং তারা আল্লাহর রহমতের ছায়াতলে আশ্রয় পায়। পক্ষান্তরে যারা আল্লাহর ঐ বাণীতে বিশ্বাস স্থাপন করে না; বরং পৃথিবীকে স্থায়ীভাবে ভালবাসে এবং বিভিন্ন পাপে লিপ্ত হয়, তাদের উদ্দেশ্যে আল্লাহ বলেন,

إِنَّ شَرَّ الدُّوَابِّ عِنْدَ اللَّهِ الَّذِينَ كَفَرُوا فَهُمْ لَا يُؤْمِنُونَ-

‘সমস্ত জীবের মাঝে আল্লাহর নিকট তারাই সবচেয়ে

নিকৃষ্ট, যারা অস্বীকারকারী হয়েছে, অতঃপর আর ঈমান আনেনি' (আনফাল ৫৫)।

এদের সম্পর্কে অন্যত্র তিনি বলেন,

وَمَنْ يَكْسِبْ إِثْمًا فَإِنَّمَا يَكْسِبُهُ عَلَى نَفْسِهِ وَكَانَ  
اللَّهُ عَلِيمًا حَكِيمًا- وَمَنْ يَكْسِبْ خَطِيئَةً أَوْ إِثْمًا ثُمَّ  
يَرْمِ بِهِ بَرِيئًا فَقَدْ احْتَمَلَ بُهْتَانًا وَإِثْمًا مُّبِينًا-

'যে কেউ পাপ করে, সে নিজের পক্ষেই করে। আল্লাহ মহাজ্ঞানী, প্রজ্ঞাময়। আর যে ব্যক্তি ভুল কিংবা গোনাহ করে, অতঃপর কোন নিরপরাধের উপর অপবাদ আরোপ করে, সে নিজের মাথায় বহন করে জঘন্য মিথ্যা ও প্রকাশ্য গোনাহ' (নিসা ১১১, ১১২)।

অন্যত্র আল্লাহ বলেন,

لِلَّذِينَ لَا يُؤْمِنُونَ بِالْآخِرَةِ مَثَلُ السَّوِّءِ وَلِلَّهِ الْمَثَلُ  
الْأَعْلَىٰ وَهُوَ الْعَزِيزُ الْحَكِيمُ-

'যারা পরকালে বিশ্বাস করে না, তাদের উদাহরণ নিকৃষ্ট এবং আল্লাহর উদাহরণই মহান, তিনি পরাক্রমশালী, প্রজ্ঞাময়' (নাহল ৬০)।

অনুরূপ সমালোচনায় অন্য আয়াতে আল্লাহ বলেন,

وَمَنْ كَانَ فِي هَذِهِ أَعْمَىٰ فَهُوَ فِي الْآخِرَةِ أَعْمَىٰ  
وَأَضَلُّ سَبِيلًا-

'যে ব্যক্তি ইহকালে অন্ধ ছিল সে পরকালেও অন্ধ এবং অধিকতর পথভ্রান্ত' (বনী ইসরাইল ৭২)।

পাপীদের ভীতি সঞ্চারণের উদ্দেশ্যে মহান আল্লাহ আরও বলেন,

وَيْلٌ لِّكُلِّ أَفَّاكٍ أَثِيمٍ-

'প্রত্যেক মিথ্যাবাদী পাপাচারীর দুর্ভোগ' (জাহিয়া ৭)।

পবিত্র কুরআনের এসব বাণী সংরক্ষণের অন্যতম উদ্দেশ্য হ'ল, বিশ্বাসী-অবিশ্বাসী পুণ্যবান-পাপী, ভাল-মন্দ সকল শ্রেণীর লোকদের প্রতি সার্বিক সতর্কতা বজায় রাখা। এতদুদ্দেশ্যে সুবিচারক আল্লাহ পুনরায় বলেন,

إِنَّهُ مَنْ يَأْتِ رَبَّهُ مُجْرِمًا فَإِنَّ لَهُ جَهَنَّمَ لَا يَمُوتُ  
فِيهَا وَلَا يَحْيَىٰ- وَمَنْ يَأْتِ مُؤْمِنًا قَدْ عَمِلَ  
الصَّالِحَاتِ فَأُولَٰئِكَ لَهُمُ الدَّرَجَاتُ الْعُلَىٰ-

'নিশ্চয়ই যে তার পালনকর্তার কাছে অপরাধী হয়ে আসে, তার জন্য রয়েছে জাহান্নাম। সেখানে সে মরবে না এবং

বাঁচবেও না। আর যারা তাঁর কাছে আসে এমন ঈমানদার হয়ে যারা সৎকর্ম সম্পাদন করেছে, তাদের জন্য রয়েছে সুউচ্চ সম্মান' (ত্বা-হা ৭৪, ৭৫)।

বহু জ্বাত-অজ্বাত, সম্ভব-অসম্ভব, লৌকিক-অলৌকিক, পরিকল্পিত-অপরিকল্পিত, দৃশ্য-অদৃশ্য, বর্ণনীয়-অবর্ণনীয় অসংখ্য উদ্দেশ্য ও সুপরিকল্পনা নিয়ে মানবজাতির প্রতি পবিত্র কুরআন অবতীর্ণ হয়েছে। অবশ্য এ বর্ণনার শীর্ষ প্রতিপাদ্য হ'ল, মানবজাতির প্রতি আল্লাহর অসীম করুণা অনুধাবন করানো যারা ধর্মীয় ভাবধারায় আপুত হয়ে পুনরাবির্ভাবের আবেতে বিশ্বাসী হয়ে পড়ে, তারাই আল্লাহর শ্রিয়পাত্র হয়ে যায়। পক্ষান্তরে যারা সন্দেহযুক্ত দৃষ্টিভঙ্গির কারণে ধর্মকে সমঝোতার কোন অংশও মনে না করে, তবে সেটা তাদের জন্য শুধু দুঃখজনক নয়, দুর্ভাগ্যজনকও বটে। কারণ মহাপ্রজ্ঞাময় আল্লাহ তা'আলা ধর্মীয় উদ্দেশ্য পূরণে কৃতকার্য ও অকৃতকার্য উভয় শ্রেণীর জন্য পৃথক পৃথক ও সমুন্নত পূর্বাভাষ দিয়েছেন, যা পবিত্র কুরআনের অবিচ্ছেদ্য অঙ্গ। এখানে আল্লাহ তাঁর অস্বীকারকারী, পাপী, পরকালে অবিশ্বাসী, মিথ্যাবাদীদের সবচাইতে ঘৃণ্য ও নিকৃষ্ট বলে বর্ণনা করেছেন।

পৃথিবীর বৃকে যে কোন স্বনামধন্য ব্যক্তির আত্মজীবনী অধ্যয়ন করলে দেখা যায়, তার সকল উন্নতি বা অবনতির জন্য তার ব্যক্তিগত জেদ বা ইচ্ছার প্রতিফলনই মুখ্য ভূমিকায় কাজ করেছে। ক্ষেত্র বিশেষে কেউ কারো প্ররোচনায় জঘন্য অপরাধে লিপ্ত হ'তে পারে, তবে সেক্ষেত্রে তারা উভয়ই অপরাধী ও জাহান্নামী। কারণ কোন চিহ্নিত অপরাধী কখনও কোন নিষ্পাপ বা পুণ্যবান ব্যক্তিকে পথভ্রষ্ট করে পাপে লিপ্ত করতে পারবে না, সে শুধু তার মত পাপীকেই মিথ্যা ও পাপে আবদ্ধ করতে পারবে। এজন্য প্রত্যেক পাপাচারীকে তার পাপের শাস্তি নিজেই ভোগ করতে হবে বলে আল্লাহ তা'আলা হুঁশিয়ার করে দিয়েছেন। তিনি বলেন,

وَلَا تَكْسِبُ كُلُّ نَفْسٍ إِلَّا عَلَيْهَا وَلَا تَزِرُ وَازِرَةٌ وِزْرَ  
أُخْرَىٰ ثُمَّ إِلَىٰ رَبِّكُمْ مَرْجِعُكُمْ فَيُنَبِّئُكُمْ بِمَا كُنْتُمْ  
فِيهِ تَخْتَلِفُونَ-

'যে ব্যক্তি কোন গোনাহ করে, তা তারই দায়িত্বে থাকে। কেউ অপরের বোঝা বহন করবে না। অতঃপর তোমাদের সবাইকে প্রতিপালকের কাছে প্রত্যাবর্তন করতে হবে। অনন্তর তিনি তোমাদেরকে বলে দিবেন, যেসব বিষয়ে তোমরা বিরোধ করত' (আন'আম ১৬৪)।

একই বিষয়বস্তু নিয়ে অন্য আয়াতে মহান আল্লাহ বলেন,

مَنْ اهْتَدَىٰ فَإِنَّمَا يَهْتَدِي لِنَفْسِهِ وَمَنْ ضَلَّ فَإِنَّمَا  
يَضِلُّ عَلَيْهَا وَلَا تَزِرُ وَازِرَةٌ وِزْرَ أُخْرَىٰ وَمَا كُنَّا



## কুরআনের মত একটি গ্রন্থ রচনার সম্ভাবনা প্রসঙ্গে

এ.কে. মোহাম্মদ আলী

বিগত শতাব্দীর আশির দশকে মিছরের কম্পিউটার বিজ্ঞানী ডঃ রাশেদ আল-খলীফা পবিত্র কুরআনকে কম্পিউটারে বাণীবদ্ধ করে অনেক প্রশ্ন উত্থাপন করেন। তার মধ্যে একটি গুরুত্বপূর্ণ প্রশ্ন ছিল ১৯ সংখ্যার ভিত্তিতে পবিত্র কুরআন রচনা করা সম্ভব কি-না? উত্তরে কম্পিউটার জানায়, একরূপ বুননের মাধ্যমে তা সংঘটিত হওয়ার সম্ভাবনা হ'লঃ ৬২৬, ০০০, ০০০, ০০০, ০০০, ০০০, ০০০, ০০০, ০০০, ০০০ ভাগের এক ভাগ অর্থাৎ কুরআনের মত গ্রন্থ ১৯ সংখ্যার ভিত্তিতে রচনা করতে গেলে উপরোক্ত সংখ্যার গ্রন্থ রচনা করতে হবে; তাহ'লে একটি গ্রন্থ পবিত্র কুরআনের মত হ'লেও হ'তে পারে। উল্লেখ্য যে, পবিত্র কুরআনের ১৯ সংখ্যাভিত্তিক গ্রন্থন নিয়ে অনেক বই দেশে ও বিদেশে প্রকাশিত হয়েছে এবং এসব বইয়ের মূল তথ্যসূত্র হ'ল ডঃ রাশেদ আল-খলীফা কর্তৃক কম্পিউটারের মাধ্যমে সৃষ্ট এই গুরুত্বপূর্ণ আবিষ্কার।

যাহোক, উপরোক্ত সংখ্যাটিকে বলা হয় ৬২৬ সেন্টেলিয়ন ভাগের এক ভাগ। অর্থাৎ ৬২৬ এর পরে ২৪টি শূন্য দিলে যা হ'ল তার এক ভাগ। এখন কথা হ'ল, আমরা জানি পবিত্র কুরআনে কম-বেশী ৬৬৬৬টি আয়াত আছে এবং ঐ আয়াতগুলিতে কম-বেশী ৮,৬৪,৪৩০টি শব্দ আছে। আর ৮,৬৪,৪৩০টি শব্দ সম্বলিত ৬২৬ সেন্টেলিয়ন গ্রন্থ রচনা করা এক অবিশ্বাস্য ব্যাপার। তাহ'লে দেখা যাক কিরূপ অবিশ্বাস্য। গণিতবিদরা হিসাব করে দেখেছেন যে, ৮,৬৪,৪৩০টি শব্দ সম্বলিত গ্রন্থ প্রতিদিন যদি একটি করেও রচনা করা হয়, তাহ'লে ৬২৬,০০০,০০০,০০০, ০০০,০০০,০০০,০০০,০০০টি গ্রন্থ রচনা করতে সময় লাগবে ১,৭১৫,০৬৮,৪০০,০০০,০০০,০০০,০০০,০০০ বছর। কম্পিউটারের মতে ১৯-এর গাণিতিক বুননের ভিত্তিতে পবিত্র কুরআনের মত গ্রন্থ রচনা আকস্মিকভাবে ঘটতে হ'লে যে সময়ের প্রয়োজন হবে, সে সময়ের মধ্যে বহু লক্ষ কোটি পৃথিবীই নয়; বরং বহু লক্ষ কোটি মহাবিশ্ব সৃষ্টি হয়ে যাবে এবং বহু মহাবিশ্ব লয়ও পেয়ে যাবে। কিন্তু পবিত্র কুরআনের মত গ্রন্থ রচনা করা যাবে না। তাই কম্পিউটার স্বীকার করেছে যে, পবিত্র কুরআনের মত কোন গ্রন্থ রচনা কোন দিনই সম্ভব নয়।

যুগের জ্ঞান প্রসারের সাথে সাথে বর্তমানে এই পবিত্র কুরআন সম্পর্কে নতুন নতুন তথ্য উন্মোচিত হ'তে চলেছে যা মানুষের মাঝে এক ঝলক আলোর রেখা প্রতিফলিত করেছে। পবিত্র কুরআনের শাদিক সামঞ্জস্য হ'ল এই আলোর উপাদান। বিষয়টি বিশ্লেষণের জন্য প্রখ্যাত বিজ্ঞানী ডঃ তারেক আল-সুইদান গবেষণালব্ধ কর্মের

মাধ্যমে পবিত্র কুরআনে কিছু সামঞ্জস্যপূর্ণ শব্দের সহাবস্থান বের করতে সক্ষম হয়েছেন। তিনি একটি ই-মেইল <http://www.ummah.net>-এর মাধ্যমে তার প্রকাশিত তথ্যটি বিশ্বের বিভিন্ন দেশে ছড়িয়ে দিয়েছেন। তিনি দেখিয়েছেন, কুরআনে এমন কিছু শব্দ আছে, যা একটির বিপরীতে অন্য আর একটি শব্দ সমানভাবে বিদ্যমান।

যেমন পুরুষ বা 'রিজাল' শব্দটি পবিত্র কুরআনে এসেছে ২৪ বার। তার বিপরীত শব্দ স্ত্রী বা 'ইমরাআহ' শব্দটিও এসেছে ২৪ বার। একটি কমও নয় বা একটি বেশীও নয়। এ সম্পর্কে আরো কিছু শব্দ তার তথ্য থেকে উদ্ধৃত করা যেতে পারেঃ

(১) আমাদের দুনিয়ার জীবন ব্যবস্থার সাথে আখেরাতের জীবন ব্যবস্থা ওতপ্রোতভাবে জড়িত বলেই 'দুনিয়া' শব্দটি ব্যবহৃত হয়েছে ১১৫ বার এবং 'আখেরাত' শব্দটিও ব্যবহৃত হয়েছে ১১৫ বার।

(২) মহান আল্লাহ পবিত্র কুরআনে জীবনের সাথে মৃত্যুর প্রসঙ্গ উল্লেখ করেছেন। তাই 'আল-হায়াত' শব্দ উল্লেখ করা হয়েছে ১৪৫ বার এবং 'আল-মাউত' শব্দও উল্লেখ করা হয়েছে ১৪৫ বার।

(৩) 'মালাইকাহ' শব্দ (ফেরেশতা) বলা হয়েছে ৮৮ বার এবং 'শায়াত্বীন' (শয়তান) শব্দও বলা হয়েছে ৮৮ বার।

(৪) পবিত্র কুরআনে বলা হয়েছে, পৃথিবীতে এমন কোন জাতি নেই, যে জাতির কাছে আমি রাসূল পাঠাইনি। সেই সূত্রে 'উম্মাহ' শব্দটি ব্যবহৃত হয়েছে ৫০ বার। অনুরূপ 'রাসূল' শব্দটিও উল্লেখ করা হয়েছে ৫০ বার।

(৫) 'ইবলীস' শব্দটি পবিত্র কুরআনে উল্লেখ করা হয়েছে ১১ বার এবং ইবলীস থেকে 'আশ্রয় চাওয়ার জন্য'ও বলা হয়েছে ১১ বার।

(৬) 'মুছীবত' শব্দটি বলা হয়েছে ৭৫ বার। আর মুছীবত থেকে আল্লাহর রহমতে উদ্ধারের পর শুকরিয়া আদায় করার জন্য 'শুকরিয়া' শব্দটি উল্লেখ করা হয়েছে ৭৫ বার।

(৭) পবিত্র কুরআনে বিপথগামী জাতির কথা বলা হয়েছে ১৭ বার। আর মহান আল্লাহর কাছে বিপথগামী জাতিরাই হচ্ছে মৃত ও ধ্বংসপ্রাপ্ত। অতএব মৃত জাতির কথা বলা হয়েছে ১৭ বার।

(৮) মুসলমান ও জিহাদ একে অপরের পরিপূরক বলেই কি মহান আল্লাহ 'মুসলিম' শব্দটি ৪১ বার এবং 'জিহাদ' শব্দটিও ৪১ বার ব্যবহার করেছেন?

(৯) 'যাকাত' শব্দটির গূঢ় অর্থ পবিত্রকরণ। এটি ব্যবহৃত হয়েছে ৩২ বার। সম্পদের যাকাত প্রদান করলে মহান আল্লাহ ধন-সম্পদে 'বরকত' প্রদান করেন বলেই কি পবিত্র কুরআনে 'বরকত' শব্দটি উল্লেখ করেছেন ৩২ বার?



(১০) আমাদের রাসূল মুহাম্মাদ (ছাঃ) হ'লেন এই দুনিয়ায় শরী'আহ প্রচলনের মূল। এজন্যই বোধ হয় 'মুহাম্মাদ' শব্দটি ব্যবহৃত হয়েছে ৪ বার এবং 'শরী'আহ' শব্দও ব্যবহৃত হয়েছে ৪ বার।

সবচেয়ে আশ্চর্যজনক বিষয় হ'ল, আমাদের এই পৃথিবীতে পানি-মাটির অবস্থান। আমরা সাধারণভাবে জানি, পৃথিবীর তিনভাগ জল এক ভাগ স্থল। কিন্তু সূক্ষ্ম হিসাব কেউ জানেন কি? প্রায় ১৫০০ বছর আগে পবিত্র কুরআন সূক্ষ্মাতিসূক্ষ্ম হিসাব দিয়েছে, তা দেখে আজকের ভূগোলবিদগণ স্তম্ভিত। পবিত্র কুরআনে 'আল-বাহর' বা সমুদ্র শব্দটি এসেছে ৩২ বার। তার বিপরীত শব্দ 'আল-বার' বা স্থল-মাটি শব্দটি এসেছে ১৩ বার। অর্থাৎ এই জল-স্থল বা পানি-মাটি অর্থাৎ ৩২+১৩ মিলিয়ে আমাদের এই পূর্ণ পৃথিবী। ৩২+১৩=৪৫ হ'ল ১০০% পৃথিবী। এবার হিসাব কষে পানির পরিমাণ বের করে নি। সাথে একটি শক্তিশালী ক্যালকুলেটর থাকলে ভাল হয়। পানির পরিমাণ হ'ল  $৩২,৪৫ \times ১০০\% = ৭১. ১১১১$  .১১১১। অর্থাৎ পৃথিবীতে পানির পরিমাণ হ'ল ৭১.১১১১.১১১১ ভাগ। এবার মাটির পরিমাণ বের করা যাক। মাটির পরিমাণ  $১৩,৪৫ \times ১০০\% = ২৮.৮৮৮৮$  .৮৮৮৮। আর এটাই হচ্ছে সামগ্রিকভাবে জল ও স্থলের সূক্ষ্ম হিসাব যা বর্তমান যুগের বৈজ্ঞানিকদের নিকট প্রতিষ্ঠিত।

আল-কুরআনের অলৌকিকত্ব কোনদিনই শেষ হবে না। পবিত্র কুরআনের সম্পূর্ণ জ্ঞান অর্জন মানুষের কাছে সম্ভব কি-না তা মহান আল্লাহই ভাল জানেন। মহান আল্লাহই তাঁর কুরআনের জ্ঞান এবং এর অলৌকিকত্ব ধীরে ধীরে উন্মোচন করবেন। সমপরিমাণ শব্দ সম্ভার দিয়ে এমন অংকের হিসাবে, বিপুল অর্থবোধক অসাধারণ সুন্দর ও লক্ষ্যভেদী কোন বই বা গ্রন্থ রচনা করা একমাত্র মহান আল্লাহ ছাড়া আর কারো পক্ষেই সম্ভব নয়। এজন্যই পবিত্র কুরআন অলৌকিক। এজন্যই মহান আল্লাহ পবিত্র কুরআনে বলেছেন, 'বল তোমরা ভেবে দেখছে কি, যদি এই কুরআন আল্লাহর নিকট হ'তে অবতীর্ণ হয়ে থাকে (আসলে বাস্তবেও এটাই)। আর তোমরা ইহা প্রত্যাখ্যান কর, তবে যে ব্যক্তি ঘোর বিরুদ্ধাচরণে লিপ্ত, তার অপেক্ষা অধিক বিভ্রান্ত আর কে?' 'আমি তাদের জন্য আমার নিদর্শনাবলী ব্যক্ত করব। বিশ্ব জগত ও তাদের নিজেদের মধ্যে। ফলে তাদের নিকট সুস্পষ্ট হয়ে উঠবে যে, উহাই (আল কুরআন) সত্য' (ফুছিলাত ৫২-৫৩)।

পরিশেষে পবিত্র কুরআন যে অলৌকিক তা এই বিশ্বলোকে ধীরে ধীরে প্রস্ফুটিত হয়ে উঠবে মানুষের মাঝে। কারণ আল্লাহর বাণীর কোন পরিবর্তন নেই ('লা তাবদীলা লি কালিমাতিল্লা-হ')।

[সংকলিত]

## দিশারী

### কেন এমন হয়?

মানুষ সৃষ্টির মূলে রয়েছে এক পুরুষ ও এক নারী। ফলে সকল মানুষের এক ভাষা ও এক ধর্ম হওয়াটাই স্বাভাবিক ছিল। কিন্তু বাস্তবে মানুষে মানুষে আকৃতি, বর্ণ, ভাষা, ধর্ম, পোষাক-পরিচ্ছদ, আচার-আচরণগত দারুণ পার্থক্য বিদ্যমান। পার্থক্যদৃষ্টে বিস্থিত না হয়ে পারা যায় না। পার্থক্যের কারণে মানুষ যে এক পুরুষ ও এক নারী হ'তে এসেছে, একথা একান্ত সত্যি হ'লেও অযোক্তিক হয়ে যায়। একজন শ্বেত ও একজন কৃষ্ণবর্ণের লোককে পাশাপাশি দাঁড় করালে পার্থক্য আকাশ-পাতালে দাঁড়িয়ে যায়। তবে আচার্য প্রফুল্ল চন্দ্র রায়ের মতে সাদা ও কালো চামড়ার নীচে প্রবাহমান যে রক্তধারা রয়েছে, রাসায়নিক বিশ্লেষণে তাতে কোনই পার্থক্য নেই। কিন্তু মানুষের জ্ঞান মানুষকে একেবারে দিকে টানলেও মানুষ তা মেনে নিচ্ছে না। এখানেই সমস্যা।

বিশ্বের সকল মানুষ ও জিন জাতিকে মহান আল্লাহ পাক একই উদ্দেশ্যে সৃষ্টি করেছেন। সেই উদ্দেশ্য হ'ল, সবাই একমাত্র আল্লাহর ইবাদত করবে (যারিয়াত ৫৬)। সকলকে কম-বেশী জ্ঞান-বিবেক দিয়ে সৃষ্টি করা হয়েছে। ভাল-মন্দ ধর্ম-অধর্ম বুঝার মত শক্তিও তিনি দান করেছেন। এতদসত্ত্বেও প্রত্যেকটি ব্যাপারে মতপার্থক্য বিদ্যমান। এখানে আমি ধর্মগত পার্থক্যকে অবলম্বন করে কিছু কথা বিবৃত করতে চাই।

দুনিয়াতে মানুষের ভাষার শেষ নেই, ধর্মেরও শেষ নেই। কিন্তু আমরা মুসলিম জাতি হিসাবে এ বিশ্বাস পোষণ করি যে, মহাশয় আল-কুরআন অবতীর্ণ হবার পর পৃথিবীতে প্রচলিত সকল ধর্ম বাতিল হয়ে গেছে। কেননা মহান আল্লাহ পাক তাঁর পবিত্র বাণীতে বলেছেন, 'ইসলামকে তোমাদের জন্য দীন হিসাবে মনোনীত করলাম' (মায়দাহ ৩)। তিনি এ ব্যাপারে আরো বলেছেন, 'তিনি প্রেরণ করেছেন তাঁর রাসূলকে হেদায়াত ও হক্ক দীনসহ, যাতে বিজয়ী করেন সকল দ্বীনের উপর, মুশরিকদের তা ভাল না লাগলেও' (তওবাহ ৩৩)। এ ছাড়া বলা হয়েছে, 'ইসলামই আল্লাহর নিকটে একমাত্র জনোনীত ধর্ম' (আলে ইমরান ১৯)। তিনি মানুষকে ভীতি প্রদর্শন করে বলেছেন 'কেউ ইসলাম ছাড়া অন্য কোন দ্বীনের কামনা করলে তা গ্রহণ করা হবে না, সে হবে পরকালে ক্ষতিগ্রস্তদের অন্তর্ভুক্ত' (আলে ইমরান ৯৫)। আল্লাহ বিশ্বের সকল মানুষকে ইসলাম গ্রহণে আহ্বান করেছেন। কিন্তু বিশ্বের অধিকাংশ মানুষই তাঁর আহ্বানে সাড়া দেয়নি। তারা অস্বীকারকারী জাতি হিসাবে চিহ্নিত হয়েছে। রাষ্ট্রীয় আইনে আমরা দেখি, শাসক পরিবর্তনের সাথে সাথে আগের অনেক আইন-কানুন বাতিল হয়ে যায়। বাতিল আইন মানুষ মেনে চলে না। যদি মানা হয়, তাহ'লে



## চিকিৎসা জগৎ

### আর্সেনিকঃ হোমিওপ্যাথিক চিকিৎসা বিজ্ঞানে এর ভূমিকা

ডাঃ মুহাম্মাদ সাখাওয়াত হোসাইন উইয়া\*

আর্সেনিক একটি বিষাক্ত পদার্থ। প্রাচীন কাল হ'তে বিভিন্ন ক্ষেত্রে আর্সেনিকের বিভিন্ন যৌগ বিভিন্নভাবে ব্যবহৃত হয়ে আসছে। আধুনিক কালেও এর ব্যবহার আরো বিস্তার লাভ করেছে। কারণ কঠিন, তরল ও বায়বীয় এই তিন অবস্থাতেই আর্সেনিকের অবস্থিতি বা প্রাপ্তি বিরাজিত। প্রায় কম-বেশী সব খনিজ পদার্থেই আর্সেনিক বিদ্যমান। এ পর্যন্ত ২৫০টি খনিজ পদার্থের মধ্যে আর্সেনিকের উপস্থিতি শনাক্ত হয়েছে এবং আরো গবেষণা চলছে।

**সূক্ষ্ম বিষক্রিয়া (Acute poisoning):** আর্সেনিক হ'ল একটি সাধারণ আদি প্রাণরসীয় বিষ (Protoplasmic poison)। এটি সমস্ত শরীরের তন্ত্রকে ক্ষতিগ্রস্ত করে। ন্যূনতম ১০০ মিঃ গ্রাম আর্সেনিক একত্রে শরীরে প্রবেশ করলে তাৎক্ষণিক সূক্ষ্ম বিষক্রিয়া বা স্বল্প মেয়াদী বিষক্রিয়া (Acute poisoning) হ'তে পারে।

আর্সেনিকের যৌগ সমূহ বিষাক্ত। তবে সাদা আর্সেনিক (As<sub>2</sub>O<sub>3</sub>) সবচেয়ে বেশী বিষাক্ত। এইরূপ আর্সেনিকের ০.১২ থেকে ০.২৫ গ্রাম পরিমাণ মাত্রা একজন মানুষের মৃত্যুর কারণ হয়ে থাকে। আর্সেনিক এমন একটি বিষ যার কোন গন্ধ নেই বা খাওয়ার সময়ও তাৎক্ষণিকভাবে টের পাওয়ার উপায় নেই। নেপোলিয়নের মৃত্যুর বহু বছর পর তার চুল পরীক্ষায় প্রমাণিত হয়েছিল, তাকে আর্সেনিক বিষক্রিয়ায় মারা হয়েছিল। সুতরাং একত্রে বেশী মাত্রায় আর্সেনিক গ্রহণে তাৎক্ষণিক মৃত্যুর কারণ হ'তে পারে।

**লক্ষণঃ** অল্প মাত্রায় দীর্ঘ বছর সেবনে প্রথমে সূক্ষ্ম বিষক্রিয়ার লক্ষণ হ'ল, প্রচণ্ডভাবে বমি হওয়া, ডায়রিয়া, অনিদ্রা, পেট ব্যাথা, মাথা ব্যাথা, মাংসপেশী ব্যাথা, মুখমণ্ডলে ইডিমা, হৃদপিণ্ডের অস্বাভাবিকতা ইত্যাদি।

কিভাবে আর্সেনিক শরীরে প্রবেশ করেঃ খাদ্য ও পানীয় জলের মাধ্যমে আর্সেনিক শরীরে প্রবেশ করা ছাড়াও শ্বাস-প্রশ্বাসের সাথে আর্সাইন স্যাস ফুসফুসে প্রবেশ করতে পারে। আর্সেনিক উদ্ভূত দ্রব্যাদি ব্যবহৃত কল-কারখানায়, কয়লার খনিতে, কয়লার বিভিন্ন খনিজদ্রব্য সংক্রান্ত কারখানায় যারা কাজ করে, তাদের আর্সেনিক গ্রহণের প্রবেশ পথ হ'ল মুখ ও নাসারন্ধ্র। সুতরাং ফুসফুসের মাধ্যমেও অনেকের শরীরে আর্সেনিক প্রবেশ করে থাকে। অধিক আর্সেনিক যুক্ত পানি দিয়ে গোসল করলেও তুকে ও চুলে আর্সেনিক জমা হয়। তামাক গাছ ও মফি থেকে আর্সেনিক গ্রহণ করে। ফলে একজন যুবক ধূমপানের

মাধ্যমে প্রতিদিন সর্বোচ্চ ২০ মাইক্রোগ্রাম আর্সেনিক গ্রহণ করে থাকে। আর্সেনিকযুক্ত ক্রিম, মলম, পাউডার রঙ ব্যবহার করলেও তুকে শোষিত হয়।

আর্সেনিক বিষে আক্রান্ত হ'লে বংশগতি পরিবর্তন হয়ঃ আর্সেনিকের বিষক্রিয়াতে কোষের প্রাণ কেন্দ্রে অবস্থিত ক্রমোজোমের ডিঅক্সিরাইবো নিউক্লিয়েসের (DNA) নাইট্রোজেন ক্ষারকগুলি (A=T, G=C) ভেঙ্গে ফেলে বংশগতি বৈশিষ্ট্য পরিবর্তন করতে পারে। মানুষের দেহে আর্সেনিক প্রবেশ করণের কারণে সৃষ্ট তুকের ক্যান্সারযুক্ত রোগীর ক্ষেত্রে দেখা গেছে, সিসটার ক্রোমেটিড বিনিময় হ'তে (Sister chromatid Exchange) ক্রোমোজোম ও মাইক্রোনিউক্লিয়াই ভেঙ্গে যাচ্ছে।

আর্সেনিকের সাথে খাদ্য ও পুষ্টির বিষক্রিয়া কিভাবে ঘটেঃ কিছু পানির জন্য আর্সেনিক আবশ্যিক হ'লেও মানুষের শরীরে এর আবশ্যতা নেই বা থাকলেও খুবই সীমিত। কিছু ভিটামিন (A,C,E, B12 Folic Acid), কিছু মৌলিক পদার্থ (জিংক, কপার, সেলেনিয়াম) মানুষের শরীরে আর্সেনিক বিষক্রিয়া বিনাশ করে থাকে। খাদ্যের সাথে বেশি প্রোটিন ও মিথিওনিন উপস্থিত থাকলে মিথাইলেশন প্রক্রিয়া বৃদ্ধি পায়। ফলে শরীর থেকে আর্সেনিক নিঃসারিত হয়।

আর্সেনিক কোথায় বেশী জমা হয়ঃ আর্সেনিক বিষ অধিক মাত্রায় বেশি দিন গ্রহণে শরীরের ধারণমাত্রা বৃদ্ধি পায়, যা নখ, চুল, তুকে প্রধানত বেশী জমা হয়। বিগত তিন দশক যাবত রাসায়নিক দ্রব্য ব্যবহারের ফলে পরিবেশচক্র, বায়ুচক্র ও দুষণচক্র জনিত কারণে অন্যদেশের পাশাপাশি বাংলাদেশেও আর্সেনিক বিষাক্ততা (Poisoning) প্রবল আকার ধারণ রুহছে এবং সাধারণ মানুষের মনে আতঙ্ক বিরাজ করছে। বাংলাদেশের অসংখ্য মানুষ আর্সেনিক বিষের যন্ত্রণায় ভুগছে। গত ০৪-০৪-২০০২ ইং তারিখে ব্যাঙ্কে এশীয় বিশেষজ্ঞদের বৈঠকে এক প্রতিবেদনে জানানো হয় যে, এর ফলে ক্যালার দেখা দিতে পারে। 'বিশ্বস্বাস্থ্য সংস্থা'র পরিবেশ রক্ষার পরিচালক ডঃ রিগর্ড হলেমার এ তথ্য জানিয়েছেন। আরও জানিয়েছেন যে, শিশু আর্সেনিকে আক্রান্ত হ'লে বয়সকালে সে ক্যান্সারে আক্রান্ত হ'তে পারে।

আর্সেনিক মানবদেহে কি কি রোগ সৃষ্টি করতে পারেঃ আর্সেনিক এমন একটি বিষ, যা মানুষের শরীরের প্রতিটি অর্গান, সেল এবং সিস্টেমকে ধ্বংস করে মানুষকে অকাল মৃত্যুর দিকে ঠেলে দেয়। যেমন-

(ক) **রক্তের উপরে ক্রিয়াঃ** লিউকেমিয়া বা ব্লাড ক্যান্সার, বিশেষ করে শিশুদের বোনমের প্রদাহ মিলফো সারকোমা (Malignant lung Tumor's) গর্ভস্থান সন্তান উৎপত্তিতে বিঘ্ন সৃষ্টি বা শিশুর ক্ষতিসাধন। নার্ভাস সিস্টেম, হার্ট এবং সার্কুলেশন গ্যাস্ট্রো ইনটেস্টাইনাল ক্যান্সার, কার্সিনোমা, লিমফো কার্সিনোমা হারের বৃদ্ধি, একক সেলের উপর



## কবিতা

### হিতোক্তি

-আহসান হাবীব

রাঘবেন্দ্রপুর, বিনোদনগর  
নবাবগঞ্জ, দিনাজপুর।

ওরে মুসলিম মিল্লাত!  
জাগো, জেগে দেখ,  
তোমার দেহকোণে  
দংশিয়াছে জল্লাদ।  
কত দিন রবে ঘুমের ঘোরে  
তুমি গণ্ডশৈলার মত মরে  
কবে জাগিবে সেই ভোর  
যে দিন কাটিবে তোমার নিদ্রা ঘোর,  
কবে হবে নিশির শেষ  
জাগিবে প্রভাত?  
ওরে মুসলিম মিল্লাত!  
জাগো, জেগে দেখ,  
তোমার দেহকোণে  
দংশিয়াছে জল্লাদ।  
তুমি কি ডুবুরী,  
নাকি অতলের প্রবাসী?  
ওরে শিউরে উঠো তুমি  
আজ ভাসমান ভরী  
তুমি ধ্বজাধারী  
সোদর-সহোদর  
নিঃশেষ করিল মারি  
কত খানদান কত অভিজাত,  
ওরে মুসলিম মিল্লাত!  
জাগো, জেগে দেখ,  
তোমার দেহকোণে  
দংশিয়াছে জল্লাদ।

ন্যায়হীন অন্যায়েয় হাহাকার  
নেইতো নেই বিচার নেই  
শুধু অবিচারের পারাবার  
নিরুপায় যারা পদতলে  
ভেসেছে নয়ন জুলে  
করছে পারাপার  
কত নমরুদ কত শান্দাদ,  
ওরে মুসলিম মিল্লাত!  
জাগো, জেগে দেখ,  
তোমার দেহকোণে  
দংশিয়াছে জল্লাদ।  
এখনো কি জাগল না!  
জাগল না!! সেই ভোর  
যবে কাটিবে তোমার তন্দ্রা ঘোর  
বল না একবার বল  
তুমি কি জাগবে না, নাকি উঠবে না!  
ওহে! ওঠো, উর্ধ্বগগনে তুমি উঠো  
তুমি হরিয়াল তুমি হরিতাল  
মেলাও তোমার লোচন পাতা  
বিলাও তুমি ইসলামের কথা,  
দাও, দাও তুমি নিঃশেষ করে দার্ত  
অন্যায়-অসত্যের ঝংকার  
ছড়িয়ে দাও তুমি সত্যের হুংকার

ভেঙ্গে দাও নমরুদের লৌহ কপাট  
তুমি শান্দাদের যত শির  
ছুড়ে মেরে তীর  
তুমি রণবীর  
তুমি চির উনাদ  
ওরে মুসলিম মিল্লাত!  
ওরে মুসলিম মিল্লাত!

### সন্ত্রাস


-নাছরুল্লাহ আল-হাদীর  
কেশবপুর আলিয়া মাদরাসা  
কেশবপুর, যশোর।

নামটি বড় ভয়াবহ  
জীবন করে নাশ!  
জায়গা-জমি দখল করতে  
লাগেনা কোন পাস।  
সন্ত্রাস!  
রসাল মানুষ হারায় রস  
সুস্থ মানুষ পায় যে কাশ।  
দিন-দুপুরে মানুষ ধরে  
গলাতে দেয় ফাঁস।  
সন্ত্রাস!  
রাস্তাঘাটে মানুষ ধরে  
টাকা-পয়সা নেয় যে কেড়ে  
জোর-যুলুম করলে পরে  
বুকে ধরে ব্রাশ।  
সন্ত্রাস!  
কেউবা বুকে ছুরি মারে  
কেউবা মারে পকেট  
কেউবা আবার চাকু দিয়ে কাটে  
হাযার টাকার জ্যাকেট  
কেউবা বুকে ছুরি মারে  
জীবন করে নাশ।  
সন্ত্রাস!

### ওরা

-নাজমুল নাহার  
পলাশবাড়ী উচ্চ বিদ্যালয়, দিনাজপুর।

পথের ধারে ঘুমায় ওরা  
নালা আদুল গায়  
মলিন মুখে একটু আশায়  
ছোটে ডান ও বায়।  
ওরা যখন শীতের চোটে  
ঠক-ঠকিয়ে কাঁপে  
সবাই তখন পরম সুখে  
গভর লুকায় লেপে।  
অন্ন কষ্টে দিন কেটে যায়  
মুক্ত গগন তলে  
আবাস ভূমি নেই তো ওদের  
তাই তো ভিজে জলে।  
ওরা শুধু কেঁদে বেড়ায়  
হাটে-ঘাটে-মাঠে  
ছিন্ন কাপড়, মলিন বদন  
থাকে সাথে সাথে।  
রোগে-শোকে পায়না সেবা  
ধুকে ধুকে মরে  
জীর্ণ শরীর নিয়েই তবু  
জীবন যুদ্ধ করে।



## গত সংখ্যার সঠিক সঠিক উত্তরদাতাদের নামঃ

দেবীঘার, কুমিল্লা থেকেঃ নাজমুল হাসান ভূইয়া ।  
বুড়িচং, কুমিল্লা থেকেঃ তামান্না ।

## গত সংখ্যার মেধা পরীক্ষা (ধাঁধার আসর)-এর সঠিক উত্তর

১. 'ফুটবল' থেকে 'ফুল' ।
২. 'আকবর' হ'তে 'কবর' ।
৩. 'ইংলিশ' থেকে 'ইলিশ' ।
৪. পানি হ'তে 'পা' ।
৫. চাদর, চার, চাদ, চা ।

## গত সংখ্যার সাধারণ জ্ঞান (প্রাণী জগত)-এর সঠিক উত্তর

১. কুকুর ।
২. বাজপাখি বা ফ্যালকন ।
৩. চিতা বাঘ ।
৪. ম্যানাভি ।
৫. কুকুর ।

## চলতি সংখ্যার মেধা পরীক্ষা (অংক)

- ১। ১ হ'তে ৪৯ পর্যন্ত সংখ্যাগুলির গড় কত হবে?
- ২।  $5+11+19+29+.....$  কত হবে?
- ৩। ২৫ হ'তে ৫৫-এর মধ্যে কয়টি মৌলিক সংখ্যা আছে?
- ৪। কোন সংখ্যার ৯ গুণ থেকে ১৫ গুণ ৫৪ বেশী?
- ৫। ২০২১-এর মধ্যে ২৭ কতবার আছে?

□ মুহাম্মাদ আযীযুর রহমান  
কেন্দ্রীয় সহ-পরিচালক, সোনামণি ।

## চলতি সংখ্যার সাধারণ জ্ঞান

গত ডিসেম্বর '০৩ সংখ্যা 'আত-তাহরীক'-এর প্রচ্ছদে একটি মসজিদের ছবি আছে । ছবিটির বামপাশে মসজিদের ছায়া দেখা যাচ্ছে । প্রশ্ন হ'লঃ

১. মসজিদটির মেহরাব কোন দিকে?
২. ছবিটি কোন সময় তোলা?
৩. ঐ মসজিদের দেশটি (সেনেগাল) ২০০২ সালে একটি কাজে বিশ্বকে তাক লাগিয়ে দিয়েছিল । কাজটি কি?
৪. দেশটি কোন ধর্মাবলম্বী প্রধান দেশ?
- ৫। দেশটিতে কোন পদ্ধতির শাসন ব্যবস্থা চালু আছে?

□ হাফেয মুহসিন  
আরবী বিভাগ, রাজশাহী বিশ্ববিদ্যালয় ।

## সোনামণি সংবাদ

### প্রশিক্ষণঃ

ভাঁড়ালীপাড়া, রাজশাহী ২৪ ডিসেম্বর বুধবারঃ অদ্য বাদ আছর ভাঁড়ালীপাড়া আহলেহাদীছ জামে মসজিদে মহানগরীর সোনামণি ফেরদাউসের কুরআন তেলাওয়াতের মাধ্যমে সোনামণি প্রশিক্ষণ

শুরু হয় ।

উক্ত প্রশিক্ষণে প্রধান প্রশিক্ষক হিসাবে উপস্থিত ছিলেন 'সোনামণি' কেন্দ্রীয় সহ-পরিচালক ইমামুদ্দীন । তিনি সোনামণিদের মানসিক বিকাশের প্রয়োজনীয় বিষয়, সোনামণি সংগঠনের গুরুত্ব, সাধারণ জ্ঞান বিষয়ে প্রশিক্ষণ প্রদান করেন । অন্যান্যদের মধ্যে প্রশিক্ষণ দেন সোনামণি মারকায শাখার স্বাস্থ্য ও সমাজকল্যাণ সম্পাদক হুমায়ুন কবীর ও অত্র শাখার উপদেষ্টা সাইফুল ইসলাম ।

চাঁদমারী, পাবনা ২৬ ডিসেম্বর '০৩ শুক্রবারঃ অদ্য যেলার চাঁদমারী আহলেহাদীছ জামে মসজিদে সকাল ৯-টা ১৫ মিনিট হ'তে সোনামণি যাকিয়া খাতুনের কুরআন তেলাওয়াত ও আনোয়ার হুসাইন-এর জাগরণী পরিবেশনের মাধ্যমে এক সোনামণি প্রশিক্ষণ শিবির শুরু হয় ।

উক্ত প্রশিক্ষণে প্রধান প্রশিক্ষক হিসাবে উপস্থিত ছিলেন সোনামণি কেন্দ্রীয় সহ-পরিচালক আব্দুল হালীম বিন ইলইয়াস । তিনি সোনামণি সংগঠনের কর্তব্য, চরিত্র গঠন ও সাধারণ জ্ঞান বিষয়ে গুরুত্বপূর্ণ প্রশিক্ষণ প্রদান করেন । অনুষ্ঠানে উদ্বোধনী ভাষণ পেশ করেন যেলা 'সোনামণি' পরিচালক মাওলানা আব্দুল কাদের । অন্যান্যদের মধ্যে প্রশিক্ষণ প্রদান করেন 'সোনামণি' আল-মারকাযুল ইসলামী আস-সালাফী, নওদাপাড়া শাখার প্রচার সম্পাদক হাফেয হাবীবুর রহমান, চাঁদমারী আহলেহাদীছ জামে মসজিদ শাখার পরিচালক ও অত্র মসজিদের ইমাম মাওলানা বেলালুদ্দীন, যেলা 'যুবসংঘ'র সাধারণ সম্পাদক এস, এম তারেক হুসাইন প্রমুখ । প্রশিক্ষণ পরিচালনা করেন অত্র যেলার সোনামণি সহ-পরিচালক মুনিরুল ইসলাম । উক্ত অনুষ্ঠানে আন্দোলন, যুবসংঘ ও সোনামণি সংগঠনের অন্যান্য দায়িত্বশীলগণ ও সুধীবৃন্দ উপস্থিত ছিলেন ।

## আজকের সোনামণি

মুহাম্মাদ মাছুম খান  
পলাশী, রাজশাহী ।

আজকে যারা সোনামণি

সামনে বড় হব ।

ভাবতে হবে কেমন করে

ন্যায়ের পথে চলব ।

কেমন করে নবীর কথা

লোকের কাছে বলব?

আজকে যারা সোনামণি

ভবিষ্যতের আশা

কেমন হওয়া দরকার মোদের

চলা, ফেরা, কথা ।

আজকে যারা সোনামণি

সামনে এগিয়ে যাচ্ছি ।

ভাবতে হবে কার পাঠানো

খাবার মোরা খাচ্ছি?

\*\*\*

## স্বদেশ-বিদেশ

### স্বদেশ

#### কাদিয়ানীদের অমুসলিম ঘোষণা করুন

-আমীরে জামা'আত

'আহলেহাদীছ আন্দোলন বাংলাদেশ'-এর মুহতারাম আমীরে জামা'আত, রাজশাহী বিশ্ববিদ্যালয়ের আরবী বিভাগের প্রফেসর ডঃ মুহাম্মাদ আসাদুল্লাহ আল-গালিব সংবাদপত্রে প্রদত্ত এক বিবৃতিতে কাদিয়ানীদের বই-পত্র ও প্রকাশনা নিষিদ্ধ করার জন্য সরকারকে অভিনন্দন জানান এবং অনতিবিলম্বে তাদেরকে অমুসলিম ঘোষণার জন্য জোট সরকারের প্রতি আহ্বান জানান। তিনি বলেন, কালেমায়ে শাহাদাতের ২য় অংশকে অস্বীকার করে যারা নতুন একজন ভগুকে নবী বলে দাবী করে, তারা নিঃসন্দেহে 'কাফির'। বৃটিশ ভারতে মুসলমানদের স্বাধীনতা আন্দোলনকে ভিতর থেকে নস্যৎ করার জন্য উক্ত ভগুনবীকে কাজে লাগানো হয়েছিল। এরা 'অমুসলিম' হিসাবে এদেশে বসবাস করুক, তাতে কারু কোন আপত্তি নেই। কিন্তু 'মুসলিম' হওয়ার দাবী নিয়ে মুসলিম সন্তানদের বিভ্রান্ত করবে, এটা কখনোই বরদাশত করা যায় না। কাদিয়ানীদের পক্ষে বিরোধী দলীয় নেত্রী ও বাম দল সমূহের সাফাই গাওয়ার বিরুদ্ধে তিনি তীব্র নিন্দা ও গভীর ক্ষোভ প্রকাশ করেন।

#### রাজধানীতে ১ লাখ ২০ হাজার টোকাই

ঢাকা মহানগরীতে প্রায় ১ লাখ ২০ হাজার টোকাই আছে। এরা মহানগরীর অপচনশীল বর্জ্য (কাগজ, কাচ, কাঠ, প্লাস্টিক, টিন, লোহা প্রভৃতির তৈরী বর্জ্য) সংগ্রহ করে। দৈনিক এরা যে পরিমাণ বর্জ্য সংগ্রহ করে তা নগরীর প্রতিদিনের মোট বর্জ্যের প্রায় ১৫ শতাংশ। সিটি কর্পোরেশনকে যদি এই বর্জ্য অপসারণ করতে হ'ত, তাহ'লে প্রতি বছর আরো প্রায় ১০ কোটি টাকা বেশী ব্যয় হ'ত। গত ২০ ডিসেম্বর একইজেরি আয়োজিত এক সেমিনারে বেসরকারী সংস্থা 'ওয়াল্ট কনসার্নের' সিনিয়র গবেষণা কর্মকর্তা আবু আরীফ ইফতেখারুদ্দীন এই তথ্য প্রকাশ করেন।

[এই সালে বস্তিবাসী, ভবঘুরে ও ছিন্নমূলদের সংখ্যা যোগ করলে ঢাকা মহানগরীকে তিলোত্তমা করার স্বপ্ন পূরণ হবে কি? এরা দেশেরই সন্তান। এদের জন্য কিছু ভাববার ও করার মত কেউ আছে কি? (স.স.)]

#### ব্যাংকে ভূমিকর খাজনা গ্রহণ শুরু

গত ১ জানুয়ারী থেকে ব্যাংকের মাধ্যমে ভূমিকর গ্রহণের আনুষ্ঠানিক কার্যক্রম শুরু হয়েছে। বৃটিশ শাসনামল থেকে প্রচলিত তহসিল অফিসের মাধ্যমে ভূমিকর প্রদানের বিড়ম্বনা থেকে মুক্তি পাওয়ার জন্য বর্তমান সরকার এই পদক্ষেপ গ্রহণ করেছে। রাষ্ট্রায়ত্ত্ব ব্যাংকের শাখায় এখন থেকে খাজনা দেওয়া যাবে। প্রাথমিকভাবে দেশের ৬টি বিভাগের ৬টি উপযেলার রাষ্ট্রায়ত্ত্ব সোনালী, অম্মনী, জনতা ও রূপালী ব্যাংকের শাখায় এই ভূমিকর গ্রহণ করার ব্যবস্থা করা হয়েছে। ২০০৫ সালের মধ্যে পর্যায়ক্রমে দেশের সকল উপযেলায় খাজনা প্রদানের ব্যাংকিং পদ্ধতি কার্যকর করা হবে।

#### ১ বছরে বেসরকারী ব্যাংকগুলির মুনাফা বেড়েছে ২২.৪০ শতাংশ

দেশের বেসরকারী ব্যাংকগুলি ২০০৩ সালে উচ্চহারে পরিচালনা মুনাফা করেছে। বিশেষ কয়েকটি ব্যাংক ছাড়া বাকী সব বেসরকারী ব্যাংকের মুনাফা বেড়েছে। এক বছরে সার্বিক মুনাফায় প্রবৃদ্ধি হয়েছে ২২.৪০ শতাংশ। ৩০টি বেসরকারী ব্যাংকের মুনাফার পরিমাণ দাঁড়িয়েছে ১ হাজার ৭৪০ কোটি টাকা। এর আগে কোন বছরই এত বিপুল মুনাফা বেসরকারী ব্যাংকগুলি করতে সক্ষম হয়নি। সংশ্লিষ্ট সূত্রে প্রাপ্ত তথ্য অনুযায়ী ৩০টি বেসরকারী ব্যাংকের মধ্যে সর্বাধিক ২১৬ কোটি টাকা পরিচালনা মুনাফা করেছে ইসলামী ব্যাংক বাংলাদেশ লিঃ। এরপর উত্তরা ব্যাংক ১১৪ কোটি টাকা, প্রাইম ব্যাংক ১১০ কোটি টাকা, ন্যাশনাল ব্যাংক ১০২ কোটি টাকা এবং পূর্বালী ব্যাংক ১০০ কোটি টাকা। উল্লেখ্য যে, বেসরকারী ব্যাংকগুলি ২০০২ সালে মুনাফা করেছিল ১৪২২ কোটি টাকা। এবার মুনাফা করেছে ১৭৪০ কোটি টাকা। ১ বছরে ৩১৯ কোটি টাকা বা ২২.৪০ শতাংশ পরিচালনা মুনাফা বৃদ্ধি পেয়েছে।

[ব্যাংক লুটের সংখ্যা কত বেড়েছে এবং এখানে কত টাকা লুট হয়েছে, তার হিসাবটাও জানা দরকার। সঙ্গে সঙ্গে 'তেলো মাথায় তেল দেওয়ার' বর্তমান পুঁজিবাদী ঋণদান নীতি পরিচালনা করে মুক্তিহীন সহজলভ্য ঋণদান পদ্ধতি চালু করার সুফারিশ রইল (স.স.)]

#### আমেরিকা ও কানাডায় টেলিফোন কল করার নতুন পদ্ধতি

গ্রাহকবৃন্দের সুবিধার্থে 'বাংলাদেশ তার ও টেলিফোন বোর্ড' আমেরিকা ও কানাডা দু'টি দেশে প্রতি মিনিট ৭.৫০ টাকা হারে সরাসরি আন্তর্জাতিক কল করা সুবিধা চালু করেছে। প্রাথমিক পর্যায়ে এ সুবিধা শুধুমাত্র ঢাকা মাল্টি এক্সচেঞ্জ এলাকার এনডর্রিউডি সুবিধায়ুক্ত সকল টেলিফোনে প্রদান করা হয়েছে। এরপর একই রকম প্রযুক্তি ব্যবহার করে আন্ডাররীণ (এনডর্রিউডি) কলের খরচও কমানো হবে। গ্রাহকবৃন্দের অবগতির জন্য নীচে ডায়াল করার পদ্ধতি উল্লেখ করা হলঃ

হ্রাসকৃত হারে কল করার জন্য গ্রাহককে প্রথমে অ্যাকসেস কোড ০১২ ডায়াল করতে হবে। এরপর পর্যায়ক্রমে কান্ট্রি কোড (যা আমেরিকা ও কানাডার ক্ষেত্রে ১), এরিয়া কোড ও পরে টেলিফোন নম্বর ডায়াল করতে হবে।

#### মানবাধিকার সংগঠনগুলির রিপোর্ট

#### গত বছরে খুন ৩৮৩২ অপহরণ ৮৭১

'বাংলাদেশ মানবাধিকার ব্যুরো' (বিএইচআরবি) গত ৩১ ডিসেম্বর এক সাংবাদিক সম্মেলনে ২০০৩ সালের বার্ষিক প্রতিবেদনে বলেছে, গত বছর সারাদেশে বিভিন্ন অপরাধজনিত ঘটনায় ৩ হাজার ৮৩২ জন খুন ও ৪৪ হাজার ৯১১ জন আহত হয়েছে। খুনের এই সংখ্যা গত ২০০২ সালের চেয়ে ৪৭১ জন বেশী এবং আহতের সংখ্যা ১ হাজার ৩৯৫ জন বেশী। সাংবাদিক সম্মেলনে লিখিত বক্তব্যে ব্যুরোর মহাসচিব ও নির্বাহী পরিচালক এডভোকেট মুহাম্মাদ শাহজাহান বলেন, গত ২০০৩ সালের ১ জানুয়ারী থেকে গত ৩১ ডিসেম্বর পর্যন্ত সারাদেশে ৮৬৬ জন নারী ধর্ষণের শিকার, ৭১৩ টি নারী ও শিশু নির্যাতন, ৮৭১টি অপহরণ, ৩ হাজার ৭৮টি ডাকাতি, ১৯৫টি এসিড





বিক্রয়, প্রকাশনা, বিতরণ ও সংরক্ষণ নিষিদ্ধ করা হয়েছে বলে গত ৮ জানুয়ারী রাতে স্বরাষ্ট্র মন্ত্রণালয়ের এক প্রেস বিজ্ঞপ্তিতে জানানো হয়। ধর্ম প্রতিমন্ত্রী মুশাররফ হুসাইন শাহজাহানের সভাপতিত্বে অনুষ্ঠিত এক বৈঠকে এ সিদ্ধান্ত গৃহীত হয়। উল্লেখ্য, কাদিয়ানীদেরকে সরকারীভাবে অমুসলিম ঘোষণা ও তাদের সকল প্রকাশনা ও প্রচার নিষিদ্ধ করার দাবী দীর্ঘদিনের। ইতিপূর্বের সরকার কোন রকমের সিদ্ধান্ত না নেয়ায় বর্তমান সরকার এই উদ্যোগের জন্য প্রশংসার দাবী রাখে।

[আমরা সরকারের এই পদক্ষেপের প্রশংসা করছি এবং আল্লাহর শুকরিয়া জ্ঞাপন করছি। সাথে সাথে অনতি বিলম্বে কাদিয়ানীদের 'অমুসলিম' ঘোষণার দাবী জানাচ্ছি (স.স)]

## জাটকা নিধনঃ বছরে ২৬ হাজার কোটি টাকার ইলিশ ধ্বংস

পদ্মা-মেঘনায় প্রতি বছর জাটকা নিধনের মাধ্যমে প্রায় ২৬ হাজার কোটি টাকা মূল্যমানের ইলিশ সম্পদ ধ্বংস করা হচ্ছে। এভাবে জাটকা নিধনের ফলে ইলিশের অস্তিত্ব হুমকির মুখে দাঁড়িয়েছে। এসব ধৃত জাটকার শতকরা ১৫ ভাগও সংরক্ষণ করা সম্ভব হ'লে বর্তমান উৎপাদনের অতিরিক্ত আরো দেড় থেকে ২ লাখ টন বেশী ইলিশ উৎপাদন করা সম্ভব হ'ত। যার অতিরিক্ত মূল্য হ'ত ২ হাজার কোটি টাকা। উল্লেখ্য যে, বাংলাদেশের মোট মৎস্য উৎপাদনের ১৪ ভাগই আসছে ইলিশ আহরণের মাধ্যমে। ইলিশকে সর্বাধিক উৎপাদিত প্রজাতি বলা হয়। বিশেষ প্রতিবছর যে পরিমাণ ইলিশ আহরিত হয়, তার শতকরা ৭৫ ভাগ ধরা পড়ে বাংলাদেশে। বাকী ২০ ভাগের ১৫ ভাগ ভারত ও মায়ানমারে এবং অন্য ৫ ভাগ বিশ্বের অন্যান্য স্থানে আহরিত হয়। বাংলাদেশের জিডিপিতে প্রতিবছর ৪ দশমিক ৭ ভাগ এবং বৈদেশিক মুদ্রার ৯ থেকে ১২ ভাগ ইলিশের আয় থেকে এসে যুক্ত হয়। দেশের মোট জনসংখ্যার দু'ভাগেরও বেশী লোক জীবিকার জন্য প্রত্যক্ষ ও পরোক্ষভাবে ইলিশের উপর নির্ভরশীল।

মৎস্য বিজ্ঞানীদের গবেষণা থেকে জানা যায়, ইলিশ একটি প্রচারণশীল (MIGRATORY) মাছ। দক্ষিণ চীন অঞ্চল থেকে মায়ানমার, বাংলাদেশ, ভারত পাকিস্তান ও পশ্চিমে আরব উপসাগরীয় অঞ্চল পর্যন্ত এদের বিস্তৃতি। এতদঞ্চলে প্রাপ্ত ৫টি প্রজাতির মধ্যে TENALOSE ILISHA নামে পরিচিত প্রজাতির ইলিশ মায়ানমার, বাংলাদেশ ও ভারতে সবচেয়ে সহজলভ্য। চন্দনা ইলিশ বাংলাদেশের উপকূল ও সাগর এলাকায় কিছু কিছু পাওয়া যায়। তবে বাংলাদেশের মোহনা, উপকূলের আধা লবণাক্ত পানিও সুন্দাবু পানিসহ ভারত মহাসাগর এলাকায় ইলিশের রিভারসেডের অবাধ চলাচল ও বিস্তৃতি ব্যাপকভাবে লক্ষ্য করা যায়। প্রজনন মৌসুমে পরিপক্বতা প্রাপ্ত হ'লে ইলিশ মাছ ডিম ছাড়ার জন্য মোহনা বা নদীতে চলে আসে। বাক-বাকি প্রাপ্ত বয়স্ক ইলিশ সাগর থেকে উজানের স্রোত ধরে মোহনা বা নদীতে অপেক্ষাকৃত কম লবণাক্ত পানিতে এসে ডিম ছাড়ে। প্রজনন শেষে পুনরায় সমুদ্রে ফিরে যায়। এখানেই ডিম থেকে পোনা বের হয় এবং পরবর্তীতে এসব পোনা আরো উজানের মিঠা পানির অঞ্চলে তাদের উপযুক্ত বিচরণ ও নার্সারী ক্ষেত্র খুঁজে নেয়। নার্সারী ক্ষেত্রে এরা চাপিলা মাছের মত আকৃতিতে পৌছালে জাটকা নামে পরিচিতি হয়। এই জাটকাই ক্রমান্বয়ে বড় হয়ে লোনা পানি সহ্য করার ক্ষমতা অর্জন করে ও উপকূলের দিকে ধাবিত হয়। এদের তরুণকাল উপকূলের লোনা

পানিতে অতিক্রান্ত হয়। তরুণ ইলিশ পরে সাগরে যায় এবং সেখানে প্রজনন পরিপূর্ণতা লাভ করে। এক হ'তে দু'বছর বয়সে ইলিশ মাছ প্রজননক্ষম হয়।

বাংলাদেশের ইলিশের মোট ৫টি প্রজনন ক্ষেত্র চিহ্নিত করা হয়েছে। এগুলি হচ্ছে- হাতিয়ার মৌলভীর চর, পূর্ব হাতিয়ার লইটার চর, সন্দীপের কালিচর, ভোলার মনপুরা ও ঢালচল ইত্যাদি। প্রায় সারা বছরই ইলিশ ডিম ছাড়লেও সেপ্টেম্বর ও অক্টোবর মাসেই মূলত ইলিশের প্রজনন মৌসুম। একটি পূর্ণাঙ্গ ইলিশ আকার ভেদে ১০ লাখ থেকে ২০ লাখ পর্যন্ত ডিম দেয়। জাটকা ইলিশের বৃহৎ বিচরণ ক্ষেত্র দু'টি। প্রথমটি চাঁদপুর যেলোর মতলব উত্তর উপেলার ঘটনল থেকে হাইমচর উপেলার নীলকমল হয়ে পার্শ্ববর্তী লক্ষ্মীপুর যেলোর হাজিমালা পর্যন্ত বিস্তৃত। অপরটি পটুয়াখালীর কুয়াকাটা থেকে খুলনায় দুবলাচর পর্যন্ত বিস্তৃত। জানুয়ারী থেকে মে মাস পর্যন্ত এ দু'টি এলাকায় জাটকা পাওয়া যায়। তবে মার্চ-এপ্রিল মাসেই জাটকা ধরার প্রধান মৌসুম। চাঁদপুর মাংসা গবেষণা ইনস্টিটিউটের গবেষণার ফলাফল থেকে জানা যায়, ১৯৯০ থেকে '৯৯ সাল পর্যন্ত উল্লিখিত এলাকায় বিচরণ ও বেহুন্দী জালের সাহায্যে প্রতিবছর সাড়ে ৩ হাজার থেকে ৬ হাজার টন জাটকা ধরা হয়েছে। এসব জাটকা ধরা না হ'লে বছরে অতিরিক্ত প্রায় ৬০ হাজার টন ইলিশ উৎপাদিত হ'ত।

গবেষণায় আরো দেখা গেছে, ইলিশের স্বাভাবিক আকৃতি ১৯৯২ সালের দিকে যা ছিল তা ক্রমান্বয়ে হ্রাস পাচ্ছে। ১৯৯২ সালের প্রথমে ধরার আকৃতি ছিল ৩৫ সেন্টিমিটার। কিন্তু ২০০০ সালে তা নেমে ১৩.১২ সেন্টিমিটারে এসে দাঁড়িয়েছে। এ থেকে প্রমাণিত হচ্ছে জাটকা ও কিশোর ইলিশ ধরায় বড় আকৃতির ইলিশের পরিমাণ কমে যাচ্ছে। এই অবস্থা থেকে উত্তরণের জন্য বিজ্ঞানীরা বলছেন, ইলিশের আহরণমাত্রা নিয়ন্ত্রণ অত্যাবশ্যক। ইলিশ মাছের অবাধ প্রজননের জন্য অক্টোবর মাসের ভরা পূর্ণিমার প্রথম ৭ দিন ইলিশ মাছ ধরা বন্ধ রাখা, জাটকা নিধন রোধের জন্য কারেন্ট জালের পাশাপাশি জগৎবেড়, বেহুন্দী জাল ব্যবহার নিষিদ্ধ ঘোষণা ও কার্যকর করা, জাটকা নিধন রোধের জন্য মৎস্য সংরক্ষণ আইন আরো কার্যকরভাবে বাস্তবায়নের ব্যবস্থা করা, আইনের সংশোধন করে সাজার পরিমাণ বাড়ানো, মেঘনা নদীর ঘটনল হ'তে নীলকমল পর্যন্ত অংশ জাটকার অভয়াশ্রম হিসাবে ঘোষণা করে ফেব্রুয়ারী হ'তে এপ্রিল মাস পর্যন্ত সেখানে মাছ ধরা নিষিদ্ধ ঘোষণা করা, কারেন্ট জালের ক্ষেত্রে ১০ সেগমিঃ এবং অন্যান্য জালের ক্ষেত্রে ৯ সেগমিঃ-এর কম ফাঁসের জাল ব্যবহার নিষিদ্ধ ঘোষণা করা ইত্যাদি প্রয়োজন। পাশাপাশি দেশের বিভিন্ন অঞ্চলের নদ-নদীতে গাঁড়া জাল দিয়ে ইলিশ মাছ ধরা বন্ধ ঘোষণা করতে হবে।

## চট্টগ্রামে 'এশিয়ান উইমেন ইউনিভার্সিটি'

বাংলাদেশে প্রথমবারের মত আন্তর্জাতিক মানসম্পন্ন এবং মহিলাদের জন্য বিশেষায়িত একটি বিশ্ববিদ্যালয় নির্মিত হচ্ছে চট্টগ্রামে। 'এশিয়ান উইমেন ইউনিভার্সিটি' নামের এই বিশ্ববিদ্যালয় স্থাপন প্রকল্পে ব্যয় করা হচ্ছে ১ বিলিয়ন মার্কিন ডলার (প্রায় ৬ হাজার কোটি টাকা)। তবে এই বিশ্ববিদ্যালয়ের মাত্র ২৫ শতাংশ আসন সংরক্ষিত থাকবে বাংলাদেশী ছাত্রীদের জন্য। বাকী ৭৫ শতাংশ ছাত্রী আসবে এশিয়ার অন্যান্য দেশ থেকে। প্রধানমন্ত্রী বেগম খালেদা জিয়া গত ১৩ জানুয়ারী দুপুরে চট্টগ্রামে এই বিশ্ববিদ্যালয়ের ভিত্তিপ্রস্তর স্থাপন করেন।

সীতাকুণ্ড থানা আর নগরীর পাহাড়তলী থানার সীমান্তবর্তী পাহাড়ী এলাকায় ১০৫ একর এলাকার উপর এ বিশ্ববিদ্যালয় প্রতিষ্ঠা হচ্ছে। বিশ্ববিদ্যালয়কে ঘিরে পাশ্চাত্যের আদলে গড়ে তোলা হবে একটি স্বয়ংসম্পূর্ণ স্যাটেলাইট শহর। এতে ক্যাম্পাসের পাশাপাশি ডরমেটরি, অত্যাধুনিক ল্যাবরেটরি, সুইমিংপুল, বাজারসহ সবকিছুই থাকবে। আন্তর্জাতিক মানসম্পন্ন এ বিশ্ববিদ্যালয়ের নকশা, নির্মাণসজ্জা সবকিছুই করা হবে বিদেশী কোম্পানীর মাধ্যমে। এই বিশ্ববিদ্যালয়ের ডিজাইন ও নির্মাণ কাজ তদারকির জন্য আমেরিকার খ্যাতনামা প্রতিষ্ঠান 'এমআইটি' ও রোড আইল্যান্ড স্কুল অব ডিজাইনের ১০ সদস্যের একটি বিশেষজ্ঞ স্থপতি ও প্রকৌশলী দল গত ১০ জানুয়ারী চট্টগ্রামে এসেছেন।

*[বিদেশী বেহায়া সংস্কৃতির মেয়েরা এসে যেন এদেশী মেয়েদেরকেও বেলেলা করে না ফেলে, সেজন্য সকল ছাত্রীর জন্য বোরকা-স্কার্ফ পরিধান বাধ্যতামূলক করুন ও একক ইউনিফর্ম চালু করুন (স.স.)]*

### রাজস্ব সংস্কার কমিশনের প্রতিবেদন

## ২ লক্ষ কোটি টাকার বিদেশী সাহায্যের অধিকাংশ কালো টাকায় পরিণত

স্বাধীনতার পর থেকে বাংলাদেশ যে ২ লক্ষ কোটি টাকা বিদেশী সাহায্য ও ঋণ হিসাবে পেয়েছে, তার একটি বড় অংশ দুর্নীতির মাধ্যমে কালো টাকায় পরিণত হয়েছে। একই সাথে ব্যাংকিং খাতের ৩০ হাজার কোটি টাকার খেলাপী ঋণের একটি উল্লেখযোগ্য অংশও কালো টাকার প্রবাহে মিশে গেছে। ঘৃষ, দুর্নীতি, চোরচালান ও কর ফাঁকি দানের মাধ্যমে সৃষ্ট কালো টাকা সং লোকদের উপর বোঝা বাড়াচ্ছে, দেশের অর্থনৈতিক শৃংখলা ভেঙে দিচ্ছে, রাজস্বহানি ঘটিয়ে উন্নয়ন কার্যক্রমকে বাধাগ্রস্ত করছে, সর্বোপরি জাতীয় নিরাপত্তা এবং দেশের আইন-শৃংখলাকে মারাত্মক হুকমির মুখে ঠেলে দিচ্ছে। অভিসম্প্রতি রাজস্ব সংস্কার কমিশনের দেয়া চূড়ান্ত প্রতিবেদনের কালো টাকা ও রাজস্ব ফাঁকি সংক্রান্ত অধ্যায়ে একথা বলা হয়। অর্থ ও পরিকল্পনামন্ত্রী এম সাইফুর রহমানের কাছে প্রায় ৭০০ পৃষ্ঠার এই বিশাল প্রতিবেদনটি হস্তান্তর করা হয়। ১ বছরব্যাপী কাজ করে কমিশন সদস্যরা রাজস্ব সংস্কারের ব্যাপারে মন্তব্য ও সুপারিশ সম্বলিত এ প্রতিবেদনটি তৈরী করে।

প্রতিবেদনে বলা হয়, কালো অর্থনীতির সম্ভাব্য কারণের মধ্যে রয়েছে অযৌক্তিক কর কাঠামো, কর শুদ্ধ আইনের অনাহুত জটিলতা, অদক্ষতা, দুর্নীতি, কর কর্মকর্তাদের প্রয়োজনীয় প্রশিক্ষণের অভাবে সৃষ্ট অদক্ষতা এবং সর্বোপরি অর্থনৈতিক কাঠামো, স্বজনশ্রীতি ও সংভাবে ব্যবসা করার উচ্চ মূল্য। কমিশন কালো টাকা নিয়ন্ত্রণের জন্য কয়েকটি সুপারিশ করেছে। কমিশনের মতে, যাদের কর আদায় সন্তোষজনক হবে, তাদের পুরস্কৃত করতে হবে। কর আদায় এবং পুরস্কৃত করার জন্য একটি প্রক্রিয়া বের করে তাদের 'পারফরমেন্স বোনাস' দিতে হবে। একই সাথে কর কাঠামোর বাইরে থাকা আয়কে করের আওতায় আনার পদক্ষেপ নিতে হবে। সেই সাথে উৎপাদন খাতে কর অনারোপিত অর্থ বিনিয়োগের ক্ষেত্রে রেয়াত প্রদান অব্যাহত রাখতে হবে।

*[ঈমানদীপ্ত মানুষ ব্যতীত অন্যদের হাতে অর্থ গেলে তা কালো টাকায় পরিণত হওয়াটাই স্বাভাবিক। অতএব দেশে ঈমানদার নেতৃত্ব প্রতিষ্ঠা করুন (স.স.)]*

## বিদেশ

### ০ দ্বাদশ সার্ক শীর্ষ সম্মেলন অনুষ্ঠিত

সর্বোচ্চ নিরাপত্তা ব্যবস্থা আর বর্ণাঢ্য আনুষ্ঠানিকতার মধ্য দিয়ে গত ৪ জানুয়ারী রবিবার পাকিস্তানের রাজধানী ইসলামাবাদে শুরু হয় সাত জাতির দ্বাদশ সার্ক শীর্ষ সম্মেলন। সম্মেলন শুরু হয় সে দেশের সময় সকাল ১০-টায়। তিন দিনব্যাপী শীর্ষ সম্মেলনের উদ্বোধনী অধিবেশনে স্বাগত বক্তব্য রাখেন পাকিস্তানের প্রধানমন্ত্রী মীর জাফরুল্লাহ খান জামালী। তার পূর্বে সার্কের সাবেক চেয়ারপার্সন নেপালের প্রধানমন্ত্রী দ্বাদশ শীর্ষ সম্মেলনের উদ্বোধন ঘোষণা করেন। অতঃপর স্বাগতিক দেশের চেয়ারপার্সন মনোনীত করে তার কাছে সম্মেলনের সভাপতিত্বের দায়িত্বভার অর্পণ করা হয়।

দীর্ঘ তিন দিন পর ৬ জানুয়ারী মঙ্গলবার সন্ধ্যা সিন্দুল, দারিদ্র্য বিমোচনসহ দক্ষিণ এশিয়ার প্রায় দেড়শ' কোটি মানুষের ভাগ্য উন্নয়নে অর্থনৈতিক, সামাজিক, সাংস্কৃতিক, বিজ্ঞান ও তথ্যপ্রযুক্তি ক্ষেত্রে পারস্পরিক সহযোগিতার অঙ্গীকার সম্বলিত ৪৩ দফা ইসলামাবাদ ঘোষণার মধ্য দিয়ে সার্ক শীর্ষ সম্মেলন সমাপ্ত হয়। সদস্য দেশগুলির মধ্যে ব্যবসা-বাণিজ্যের প্রসার, বাণিজ্য বৈষম্য দূরীকরণ এবং বিদ্যমান শুল্ক ও অশুল্ক বাধা অপসারণের লক্ষ্যে ফ্রিম আলোচিত 'সাউথ এশিয়ান ফ্রি ট্রেড এরিয়া' (সাফটা) বহুমুখী স্বাক্ষরিত হয় সম্মেলনের সমাপনী অধিবেশনে। সাফটা চুক্তি কার্যকর হবে ২০০৬ সালের জানুয়ারী থেকে। সার্কের ইতিহাসে সবচেয়ে তাৎপর্যপূর্ণ সিদ্ধান্ত ও চুক্তি স্বাক্ষরিত হয়েছে এবারের সম্মেলনে। সম্মেলনে ৭ জাতির নেতৃবৃন্দের মধ্যে উপস্থিত ছিলেন, বাংলাদেশের প্রধানমন্ত্রী বেগম খালেদা জিয়া, ভারতের প্রধানমন্ত্রী অটল বিহারী বাজপেয়ী, শ্রীলঙ্কার প্রেসিডেন্ট চন্দ্রিকা কুমারাডুপা, নেপালের প্রধানমন্ত্রী সূর্য বাহাদুর খাপা, ভুটানের প্রধানমন্ত্রী জিগমে থিনলে এবং মালদ্বীপের মায়ুন আব্দুল গাইয়ুম।

### উত্তর কোরিয়া শর্তসাপেক্ষে যাবতীয় পরমাণু কার্যক্রম বন্ধ করবে

পারমাণবিক কর্মসূচী বাতিল প্রশ্নে অবশেষে চমক দেখাল উত্তর কোরিয়াও। গত ৬ জানুয়ারী স্টালিনপন্থী কমিউনিস্ট ভাবাদর্শী উত্তর কোরিয়া প্রস্তাব করেছে যে, তারা তাদের যাবতীয় পারমাণবিক কর্মকাণ্ড বন্ধ করবে এই শর্তে যে, এর বিনিময়ে যুক্তরাষ্ট্র এবং তার মিত্র দেশগুলি পিয়ংইয়ংকে প্রয়োজনীয় ও গুরুত্বপূর্ণ ইস্যুগুলিতে ছাড় দিবে। এ প্রস্তাবের আওতায় এমনকি পারমাণবিক জ্বালানি উৎপাদনের কর্মকাণ্ডও বন্ধ রাখা হবে। এর বিনিময়ে যুক্তরাষ্ট্রকেও অনুরূপ ছাড় দেওয়ার দৃষ্টিভঙ্গি নিয়ে এগিয়ে আসতে হবে বলে প্রস্তাবে বলা হয়েছে। আরো বলা হয়েছে, দুঃসাহসিক এই ছাড়ের বিনিময়ে ওয়াশিংটনের 'সন্ধানী তালিকা' থেকে উত্তর কোরিয়ার নাম বাদ দিতে হবে এবং আরোপিত নিষেধাজ্ঞা প্রত্যাহার করে জ্বালানি সাহায্য পুনরায় শুরু করা সহ অন্যান্য সহায়তাও চালু করতে হবে।

### দখলদার মার্কিন সৈন্যদের জন্য বিশেষ বোনাস

গেরিলা হামলার তীব্রতা বৃদ্ধির প্রেক্ষিতে যুক্তরাষ্ট্র ইরাকে মোতামেন মার্কিন সৈন্যদের বিশেষ বোনাস দিয়ে উৎসাহিত করার পরিকল্পনা নিয়েছে। এতে শুধু ইরাক নয় আফগানিস্তানে

মোতামেন কয়েক হাজার সেনাকেও ৫ হাজার থেকে ১০ হাজার ডলার পর্যন্ত বোনাস দেওয়া হবে এই শর্তে যে, তারা জীবনের ঝুঁকি নিয়ে এই দেশগুলিতে অবস্থান করবে। এ বোনাস প্রদানের জন্য ২০০৪ সালের মার্কিন প্রতিরক্ষা বাজেটে ৬ কোটি ৩০ লাখ ডলার বরাদ্দ রাখা হয়েছে। এই বোনাস চালু হওয়ার পর রণক্ষেত্র ত্যাগ করা কিংবা চাকরি থেকে অবসর নেয়ার প্রশ্নে সামরিক নিষেধাজ্ঞা আরোপিত থাকবে। উল্লেখ্য, ১৯৯১ সালের প্রথম উপসাগরীয় যুদ্ধের সময় এ ধরনের বোনাস প্রথম চালু করা হয়।

## ইসরাঈল ও তুরস্কের মধ্যে পানি চুক্তি

তুরস্ক অস্ত্রের বদলে ইসরাঈলকে পানি দিতে সম্মত হয়েছে। এর ফলে তুরস্ক থেকে বড় বড় ট্যাংকারে করে মিঠা পানি পূর্বাঞ্চলীয় ভূমধ্যসাগর দিয়ে ইসরাঈলী বন্দরে যাবে। গত ৪ জানুয়ারী বৃটিশ সংবাদপত্র একথা জানায়। ইসরাঈলী প্রধানমন্ত্রী এরিয়েল শ্যারণ ও তুরস্কের জ্বালানিমন্ত্রী জেকি ক্যাকান গত ৫ জানুয়ারী জেরুযালেমে এক বৈঠকে এই ঐতিহাসিক চুক্তিতে পৌছান। এই চুক্তির আওতায় ইসরাঈল আনাতেলিয়ার মানাভগাত নদী থেকে ৫ কোটি কিউবিক মিটার পানি আনার জন্য বড় বড় পানি ট্যাংকার নির্মাণ করবে। এর বদলে ইসরাঈল তুরস্কের কাছে অসংখ্য ট্যাংক ও বিমানবাহিনীর প্রযুক্তি বিক্রি করবে।

[অল্প না নিয়ে এই দুশমনকে পানিতে মারাই উত্তম ছিল (স.স.)]

## মাইকেল জ্যাকসনের ইসলাম গ্রহণ

পপ সঙ্গীতের জীবন্ত কিংবদন্তী মাইকেল জ্যাকসন পবিত্র ইসলাম ধর্মের সুশীতল ছায়াতলে আশ্রয় নিয়েছেন। গত ১৭ ডিসেম্বর বুধবার তিনি খ্রীষ্ট ধর্ম পরিত্যাগ করে সাম্য ও মানবতার ধর্ম ইসলাম গ্রহণ করেন। মাইকেল জ্যাকসন এমন এক দুযোগপূর্ণ সময়ে ইসলাম গ্রহণ করলেন, যখন তার মাড়ুভূমি যুক্তরাষ্ট্রে মুসলমানদের সন্ত্রাসী আখ্যা দিয়ে কারণারে নিক্ষেপ করা হচ্ছে এবং ইসলামের অগ্রযাত্রা রোধে গভীর চক্রান্ত চলছে।

উল্লেখ্য যে, মাইকেলের সুখ্যাতি ও যশ ধ্বংস করার জন্য তার বিরুদ্ধে একটির পর একটি মামলা দায়ের করা হয় বলে খবরে প্রকাশ। শ্বেভাঙ্গ খ্রীষ্টানরা তার বিরুদ্ধে মাদক সেবনের অভিযোগ করে। তিনি মাদকের নেশায় উন্মাতাল হয়ে নেচে গেয়ে দর্শকদের মন জয় করেন। এ সমস্ত ষড়যন্ত্রের কথা আগাম বুঝতে পেরে মামলা দায়ের করার পূর্বেই তিনি ইসলামের ছায়াতলে আশ্রয় গ্রহণ করেন। উল্লেখ্য, ১৯৮৯ সালে তার বড় ভাই জারমেইল জ্যাকসন ইসলাম গ্রহণ করেন। মাইকেল জ্যাকসনের ইসলাম গ্রহণে তার ভাইয়ের অবদানই সবচেয়ে বেশী।

## যুক্তরাষ্ট্রে প্রতিদিন ৫ হাজার বিমানযাত্রীর

### লাগেজ হারায়

যুক্তরাষ্ট্রে দৈনিক গড়ে ১০ লাখ লোক বিমানে চড়ে। এর মধ্যে গড়ে ৪৮০০ জন লাগেজ হারানোর অভিযোগ করেন। যুক্তরাষ্ট্রে দৈনিক ১৪৬০০ বাণিজ্যিক বিমান চলাচল করে আভ্যন্তরীণ রুটে। এ ছাড়া বিমান ও হেলিকপ্টার উড়ে দৈনিক গড়ে ১ লক্ষ ৩২ হাজার বার। এয়ার ট্রান্সপোর্ট এসোসিয়েশনের সূত্রে এ খবর

জানানো হয়।

## গত বছরে বিশ্বে ৯১ সাংবাদিক নিহত

গত বছর ছিল সাংবাদিকদের মৃত্যুর বছর। গত বছর ৯১ জন সাংবাদিক নিহত হয়েছেন। ইরাক যুদ্ধের কারণে সাংবাদিকদের নিহত হওয়ার সংখ্যা বৃদ্ধি পায়। গত ৯ জানুয়ারী সিডনিতে ইন্টারন্যাশনাল ফেডারেশন অব জার্নালিষ্টের (আইএফজে) এক বিবৃতিতে একথা বলা হয়। বিবৃতিতে ফেডারেশন জানিয়েছে পূর্ববর্তী বছরের চেয়ে গত বছর হতাহতের সংখ্যা ছিল ২৩ শতাংশ বেশী এবং ২৫ টিরও বেশী দেশে সাংবাদিকরা হতাহত হন।

ফেডারেশন সভাপতি ক্রিস্টোফার ওয়ারেন বলেন, ২০০৩ সালে যুদ্ধ ও সংঘাতের প্রতিক্রিয়া সাংবাদিকতার উপর দীর্ঘ কালো ছায়া ফেলে। তিনি বলেন, ইরাক যুদ্ধ, কলম্বিয়ায় সংঘর্ষ এবং ফিলিপাইনে সহিংসতায় এ বছর সাংবাদিক নিহত হওয়ায় প্রচার মাধ্যমে ঘূণার সৃষ্টি হয়েছে। উল্লেখ্য, ইরাক যুদ্ধেই ১৮ জন সাংবাদিক নিহত হয়েছে।

## ওয়াশিংটনে ম্যাডকাউ রোগ

মার্কিন যুক্তরাষ্ট্রে ম্যাডকাউ রোগ ধরা পড়াতে জাপানসহ ২৪টির বেশী দেশ মার্কিন গরুর গোশত কেনা বন্ধ করে দিয়েছে। জাপান মার্কিন গরুর গোশতের প্রধান গ্রাহক বলে জাপানের উদ্বেগ দূর করতে মার্কিন কৃষি কর্মকর্তারা গত ২৯ ডিসেম্বর টোকিওতে ভিড় জমান। ওয়াশিংটনে গত সপ্তাহে এই রোগ ধরা পড়ার পরপরই এ দেশগুলি গরুর গোশত কেনা সম্পূর্ণরূপে বন্ধ করে দিয়েছে।

## বিশ্বজুড়ে 'বার্ড ফ্লু' মহামারীর আশঙ্কা

### ভিয়েতনামে ১৩ জনের মৃত্যু

জাপান, দক্ষিণ কোরিয়া ও ভিয়েতনামে সম্প্রতি 'বার্ড ফ্লু' মহামারী আকারে দেখা দিয়েছে। ভিয়েতনামে বার্ড ফ্লু-তে আক্রান্ত হয়ে ১৩ জন নিহত হয়েছে। এদের মধ্যে ১০টি শিশু এবং ৩ জন বয়স্ক লোক। ভিয়েতনাম সরকার জানায় এই 'বার্ড ফ্লু' বিশ্বজুড়ে মহামারী আকারে ছরিয়ে পড়তে পারে। ভিয়েতনাম বার্তা সংস্থা জানায়, দেশটিতে ১৮জন লোকের দেহে 'ইনফ্লুয়েঞ্জা এ' ভাইরাস ধরা পড়েছে। এদের মধ্যে ১৩ জনই মারা গেছে।

উল্লেখ্য যে, রোগাক্রান্ত হাঁস-মুরগী ও পাখির বিষ্ঠা থেকে 'ইনফ্লুয়েঞ্জা এ' ভাইরাস মানবদেহে ছড়ায়। চিকিৎসা বিজ্ঞানে এ ভাইরাস 'এইচ ফিফটি ওয়ান এল' ভাইরাস নামে পরিচিত। এর সংক্রমণে মানবদেহে যে রোগ হয় তাকে বলা হয় 'বার্ড ফ্লু'। বিশেষজ্ঞদের ধারণা, মানবদেহে এই ইনফ্লুয়েঞ্জা ভাইরাস সার্স ভাইরাসের চেয়েও ভয়ংকর হয়ে উঠতে পারে।

এদিকে 'বার্ড ফ্লু' আতঙ্কে ইন্দোনেশিয়া তার প্রতিবেশী দেশ থেকে মুরগী আমদানি বন্ধ করে দিয়েছে। চীন ভিয়েতনাম, জাপান ও দক্ষিণ কোরিয়া থেকে মুরগী এবং মুরগীর গোশত, ডিম ও পালক আমদানী নিষিদ্ধ করেছে। অপরদিকে ভিয়েতনামের দক্ষিণাঞ্চলীয় ১৮টি প্রদেশে মুরগীর চালানোর উপর নিষেধাজ্ঞা জারি করা হয়েছে।

## মুসলিম জাহান

### ইরানে ভয়াবহ ভূমিকম্প

ইরানের দক্ষিণ-পূর্বাঞ্চলীয় কেরমান প্রদেশের ঐতিহাসিক বাম নগরী প্রচণ্ড ভূমিকম্পে তছনছ হয়ে গেছে। গত ২৬ ডিসেম্বর শুক্রবার স্থানীয় সময় ৫-টা ৩০ মিনিটে ভয়াবহ ভূমিকম্প আঘাত হানলে প্রায় ৫০ হাজার লোক প্রাণ হারায়। এতে নগরীর ৭০ শতাংশ ঘরবাড়ী বিধ্বস্ত হয়েছে। ভূমিকম্পের মাত্রা স্থানীয়ভাবে রিট্টার স্কেলে ৬ দশমিক ৩ বলা হ'লেও মার্কিন ভূতাত্ত্বিক জরিপ দফতর এই মাত্রা ৬ দশমিক ৭ বলে জানিয়েছে। প্রেসিডেন্ট খাতামী এ জন্য আন্তর্জাতিক সাহায্যের আবেদন জানিয়েছেন। রাষ্ট্রায়ত্ত্ব প্রচারমাধ্যমে বলা হয়, ভূমিকম্পে বামের দু'টি হাসপাতাল ধ্বংস হয়েছে এবং এর অনেক স্টাফ মারা গেছে। ৫টি হেলিকপ্টার ও ২টি পরিবহন বিমানে করে হতাহতদের পাশ্চাত্তীয় শহরে সরিয়ে নেয়া হয়। প্রত্যক্ষদর্শীরা জানিয়েছে, শিশুদের কান্নার রোল এবং স্বজন হারাদের আহাজারিতে সেখানকার আকাশ-বাতাস ভারী হয়ে যায়।

উল্লেখ্য, ইতিপূর্বে ১৯৯০ সালে ইরানের উত্তর-পশ্চিমাঞ্চলে এক ভয়াবহ ভূমিকম্প আঘাত হানে। এতেও প্রায় ৫০ হাজার লোক নিহত হয়। রিট্টার স্কেলে-এর মাত্র ছিল ৭.৩। এছাড়া ১৯৭৮ সালে ইরানের উত্তর-পূর্বাঞ্চলেও অপর ভয়াবহ ভূমিকম্পে ২৫ হাজার লোক নিহত হয়। এর মাত্রা ছিল ৭.৭।

### ইরানে ভূমিকম্প রিপোর্টের শেষ দিন!

### ভূমিকম্পের ১৩ দিন পর জীবিত উদ্ধার

ভূমিকম্পের দীর্ঘ ১৩ দিন পর গত ৭ জানুয়ারী একটি উদ্ধারকারী দল ধ্বংসস্থলের ভেতর থেকে আব্দুল জলীল নামের এক ব্যক্তিকে জীবিত উদ্ধার করেছে। লোকটি একটি ওয়ান্ডোবের নীচে চাপা পড়েছিল। এ ওয়ান্ডোবে একটু ফাঁকা থাকায় তার শ্বাস-প্রশ্বাসে অসুবিধা হয়নি। এটাকে একটি অলৌকিক ঘটনা হিসাবে আখ্যায়িত করা হচ্ছে। বিশেষজ্ঞরা বলেছেন, ভূমিকম্পের ধ্বংসাবশেষের ভেতর খাদ্য ও পানীয় ছাড়া ৩ দিনের বেশী কারো জীবিত থাকার কথা নয়। কিন্তু মানুষের ধারণাকে মিথ্যা প্রমাণ করে ৫৬ বছরের আব্দুল জলীল ১৩ দিন পরও জীবিত রয়েছেন।

### নজীব রাজাক মালয়েশিয়ার উপ-প্রধানমন্ত্রী

মালয়েশিয়ার প্রধানমন্ত্রী আব্দুল্লাহ আহমাদ বাদাবী গত ৭ জানুয়ারী মন্ত্রীসভার রদবদল এবং প্রতিরক্ষামন্ত্রী নজীব রাজাককে তার ডেপুটি হিসাবে নিয়োগ করেন। মালয়েশিয়া পত্রিকাগুলি বলেছে, নজীব রাজাক প্রতিরক্ষা মন্ত্রণালয়ের দায়িত্বেই থাকছেন। উল্লেখ্য, নজীবের পিতা রাজাক হুসাইন মালয়েশিয়ার দ্বিতীয় প্রধানমন্ত্রী ছিলেন এবং তার চাচা ছিলেন তৃতীয় প্রধানমন্ত্রী। পিতার মৃত্যুর পর ১৯৭৬ সালে ২২ বছর বয়সে নজীব পার্লামেন্ট সদস্য হন।

### আতংকিত মার্কিন সৈন্যদের উক্তি

### মাসে ১০ লাখ ডলার বেতন দিলেও ইরাকে আর থাকছি না

ইরাকে মোতায়েন বর্তমান সৈন্যদের স্থলে নতুন সৈন্য মোতায়েনের পরিকল্পনা হাতে নিয়েছে যুক্তরাষ্ট্র। তবে বর্তমান সৈন্যদের ইরাকে আরেক মেয়াদ অবস্থানে উৎসাহদানে প্রত্যেককে মাসে ১০ হাজার ডলার করে বেতন দেওয়ার অঙ্গীকার করেছে। কিন্তু মোতায়েনকৃত সৈন্যরা ইরাকে থাকতে চাইছে না। গেরিলা হামলায় নিহত হওয়ার আশংকায় তারা ঘরে ফিরতে চাইছে। তারা কেউ কেউ বলেছে, মাসে ১০ লাখ ডলার বেতন দেওয়া হ'লেও তারা ইরাকে আর এক মুহূর্তও থাকতে রাখী নয়। তিকরিতে মোতায়েন মার্কিন চতুর্থ পদাতিক ডিভিশনের কর্পোরাল উইল ট্যাট বলেছে, সে ১০ লাখ ডলার বেতনেও ইরাকে থাকবে না। বাকুলায় একটি চেকপয়েন্ট প্রহরায় নিয়োজিত ২৩ বছরের একজন স্পেশালিষ্ট বলেছে, যত বেতনই দেয়া হোক আমি এখানে থাকব না।

### গিনেস বুক ১৩১ বছর বয়সী এক সউদী মহিলা

সউদী আরবের নামশাহ আল-নাজিহ (১৩১) বিশ্বের সর্বাপেক্ষা বয়োজ্যেষ্ঠ মহিলা হিসাবে গিনেস বুক অব রেকর্ডে নাম লিখিয়েছেন। স্থানীয় প্রচার মাধ্যম ১৯ ডিসেম্বর এ তথ্য জানায়। সুস্থাস্থ্যের অধিকারিণী এই মহিলা আসিরের গ্রীন প্রদেশে এক মাটির বাড়িতে বাস করেন। তিনি সারা জীবন কৃষি এবং মেষ পালনের কাজ করেছেন। বর্তমানে নড়াচড়া করেন তার দুই ঘনিষ্ঠ আত্মীয়ের সহযোগিতায়। তার এক নাতি বলেন, তার দাদীকে জীবনে মাত্র একবার হাসপাতালে যেতে দেখেছেন। ২০ বছর অক্ষ থাকার পর নামশাহ তার চোখে অস্ত্রোপচার করেন। গিনেস বুক অব রেকর্ডে নাম অন্তর্ভুক্ত করার ক্ষেত্রে নামশাহর প্রধান প্রতিদ্বন্দ্বী ছিলেন ১১৬ বছর বয়সী জাপানের এক মহিলা।

### কুর্দিদের স্বায়ত্তশাসন দিয়ে ইরাক ভাস্কর ষড়যন্ত্র

ইরাক খণ্ড-বিখণ্ড করার ষড়যন্ত্র বাস্তবায়নে দখলদার বাহিনী বিচ্ছিন্নতাবাদী কুর্দিদের স্বায়ত্তশাসন প্রদানের তোড়জোড় শুরু করায় এ অঞ্চলের দেশগুলির আঞ্চলিক স্থিতিশীলতা ও ভৌগোলিক অখণ্ডতার প্রতি মারাত্মক হুমকি সৃষ্টি হয়েছে। দখলদার শক্তি কোনরূপ রাখঢাক না করে ইরাকে লুটপাট চালিয়ে যাচ্ছে। দখলদার শক্তির অনুকূল্য ও ছত্রছায়ায় বিচ্ছিন্নতাবাদী কুর্দিরা ইরাক ভেঙ্গে দেশের উত্তরাঞ্চলে নিজেদের জন্য একটি আলাদা রাষ্ট্র কায়মে তৎপর হয়ে উঠেছে। কৌশলগত কারণে আপাতত তারা স্বাধীন রাষ্ট্র কায়মের কথা বলেছে না। তারা ফেডারেল ব্যবস্থার আওতায় স্বায়ত্তশাসন চাচ্ছে। তাদের চূড়ান্ত লক্ষ্য হচ্ছে, এক গণভোটের মাধ্যমে ইরাক থেকে আলাদা হয়ে যাওয়া। এজন্য তারা দখলদার নিয়োজিত গভর্নিং কাউন্সিলকে কুর্দি এলাকায় গণভোট অনুষ্ঠানে চাপ দিচ্ছে। এদিকে গভর্নিং কাউন্সিল ও মার্কিন প্রশাসন ইরাক ভাস্কর দায়িত্ব নিজের কাঁধে না নিয়ে এ দায়িত্ব ইরাকের ভবিষ্যৎ প্রশাসনের কাঁধে চাপিয়ে দিতে চাইছে। এটা অচিরে নিষ্পত্তি করা হবে বলে কুর্দিস্তানের চেয়ারম্যান তালাবানী জানিয়েছেন।

### লিবিয়ার ব্যাপক বিধ্বংসী অস্ত্র ধ্বংস করার ঘোষণা

গত ১৯ ডিসেম্বর লিবিয়া তার ব্যাপক বিধ্বংসী অস্ত্র ধ্বংস করার ঘোষণা দিয়েছে। একই সঙ্গে দেশটি স্বীকার করেছে যে, তারা

রাসায়নিক অস্ত্র তৈরির চেষ্টা চালাচ্ছিল। এ ঘোষণা দেয়ার পর লিবীয় নেতা মুয়াম্মার গাদ্দাফী বলেন, লিবিয়ার এই বিচক্ষণ সিদ্ধান্তের মাধ্যমে এটাই প্রমাণিত হয় যে, তার দেশ বিশ্বকে ব্যাপক বিধ্বংসী অস্ত্র ও সব ধরনের সন্ত্রাসবাদ থেকে মুক্ত করতে একটি আন্তর্জাতিক ভূমিকা পালন করছে। এক বিবৃতিতে বলা হয়, মধ্যপ্রাচ্য ও আফ্রিকাকে একটি পরমাণুযুক্ত অঞ্চলে পরিণত করতে লিবিয়ার আহ্বানের সঙ্গে সঙ্গতি রেখে এ সিদ্ধান্ত নেওয়া হয়। লিবিয়া অন্যান্য দেশগুলির প্রতি এ উদাহরণ অনুসরণ করার আহ্বান জানিয়েছে। লিবিয়া নেতার এরূপ সিদ্ধান্তকে যুক্তরাষ্ট্র ও ব্রিটেন স্বাগত জানিয়েছে। সিনিয়র মার্কিন কর্মকর্তারা বলেন, গত মার্চ থেকে শুরু হওয়া গোপন আলোচনার ভিত্তিতে লিবিয়া এ সিদ্ধান্ত নেয়।

### লোহিত সাগরে ১৪৮ যাত্রীসহ মিসরীয় বিমান বিধ্বস্ত

মিসরের একটি ভাড়া করা ৭৩৭-বায়িং জেট বিমান গত ৩ জানুয়ারী লোহিত সাগরে বিধ্বস্ত হলে ১৪৮ জন যাত্রীর সবাই নিহত হয়। যাত্রীদের বেশির ভাগই ছিল ফরাসী পর্যটক। শার্ম আল-শেখ নামক পর্যটন কেন্দ্র থেকে বিমানটি উড্ডয়নের কিছুক্ষণ পর বিধ্বস্ত হয়। মিসরের কর্মকর্তারা জানান, দুর্ঘটনা থেকে কেউ বেঁচে গেছেন এমন কোন তথ্য পাওয়া যায়নি। স্থানীয় সময় ভোর ৫-টায়ে এই মর্মান্তিক ঘটনা ঘটে। গোপন সূত্রে এক কর্মকর্তা জানায়, ফ্রান্সের রাজধানী প্যারিসগামী বিমানটি ক্রু পাষ্টানোর জন্য কায়রো বিমানবন্দরে অবতরণের কথা ছিল। কিন্তু বিমানটি দক্ষিণ দিক থেকে বিমানবন্দরের কাছে আসার পর নিখোঁজ হয়ে যায়।

### মৃত্যু সংবাদ

'আহলেহাদীছ আন্দোলন বাংলাদেশ'-এর নায়েবে আমীর ও আল-মারকাযুল ইসলামী আস-সালাফী, নওদাপাড়ার অধ্যক্ষ শায়খ আব্দুছ ছামাদ সালাফীর ছেট ভাই মাওলানা বদরুদ্দোজা (৫২) গত ২৬ ডিসেম্বর '০৩ দিবাগত রাত ১-টায়ে হৃদযন্ত্রের ক্রিয়া বন্ধ হয়ে তার নিজ বাড়ী রাজশাহী যেলার গোদাগাড়ী থানাধীন সারাংপুর থেকে হাসপাতালে নেওয়ার পথে ইন্তেকাল করেন। ইন্নালিল্লাহি ওয়া ইন্না ইলাইহি রাজেউন। মৃত্যু কালে তিনি স্ত্রী, ২ ছেলে ও ২ মেয়ে রেখে যান। পরদিন বাদ যোহর শায়খ আব্দুছ ছামাদ সালাফীর ইমামতিতে জানাযার ছালাত শেষে তাঁকে সারাংপুর সরকারী গোরস্থানে দাফন করা হয়। তাঁর জানাযার ছালাতে 'আহলেহাদীছ আন্দোলন বাংলাদেশ'-এর মুহতারাম আমীরে জামা'আত ডঃ মুহাম্মাদ আসাদুল্লাহ আল-গালিব, কেন্দ্রীয় মুবাল্লিগ জনাব এস,এম, আব্দুল লতীফ, 'বাংলাদেশ আহলেহাদীছ যুবসংঘের' কেন্দ্রীয় অর্থ সম্পাদক শিহাবুদ্দীন আহমাদ, 'সোনামণি' সংগঠনের কেন্দ্রীয় সহ-পরিচালক ইমামুদ্দীন, আল-মারকাযুল ইসলামী আস-সালাফী, নওদাপাড়া মাদরাসার শিক্ষক ও ছাত্র সহ গোদাগাড়ীর স্থানীয় বহু সংখ্যক আলেম ও গণ্যমান্য ব্যক্তিবর্গ শরীক হন।

মদীনা ইসলামী বিশ্ববিদ্যালয় থেকে ফারোগ মাওলানা বদরুদ্দোজা কর্মজীবনে 'রাবেতালে আলমে ইসলামী'-এর মুবাল্লিগ হিসাবে ১৯৮২ সালে মাদরাসা মুহাম্মাদিয়া আরবিয়া, উত্তর যাত্রাবাড়ী, ঢাকায় যোগদান করেন। অতঃপর নিজ এলাকা বাসুদেবপুর ইসলামিয়া মাদরাসা ও সুলতানগঞ্জ জামে'আ সালাফিইয়াহ দাখিল মাদরাসায় শিক্ষকতা করেন। তিনি ১৪ সেপ্টেম্বর ২০০২ সালে ১০ মাসের শিক্ষক প্রশিক্ষণ কোর্সে মস্তা গমন করেন এবং ৩০ জুন ২০০৩ তারিখে দেশে ফিরে আসেন।

মুহতারাম আমীরে জামা'আত তাঁর আকস্মিক মৃত্যুতে গভীর দুঃখ প্রকাশ করেন এবং তাঁর শোক-সন্তুণ পরিবারবর্গের প্রতি গভীর সমবেদনা প্রকাশ করেন।

[আমরার মরহুমের রুহের মাগফিরাত কামনা করছি এবং তাঁর শোক সন্তুণ পরিবারবর্গের প্রতি গভীর সমবেদনা জ্ঞাপন করছি। -সম্পাদক]

### বদলে যাচ্ছে পাতের বৈশিষ্ট্য

সাম্প্রতিককালে শীতঋতুর স্বাভাবিক বৈশিষ্ট্য দ্রুত বদলে যাচ্ছে। আবহাওয়াবিদরা জানান, শীতকালের বৈশিষ্ট্য হচ্ছে সন্ধ্যার পর থেকেই তাপমাত্রার ব্যাপক পতন ঘটে রাতে জাঁকিয়ে শীত নামবে। সেই সাথে থাকবে কোথাও কোথাও হালকা থেকে মাঝারি কুয়াশা। কিন্তু দিনে সূর্যোদয়ের পর থেকেই আবার রাতের কুয়াশা কেটে গিয়ে তাপমাত্রার দ্রুত বৃদ্ধি ঘটবে এবং সারাদিনই সূর্যের সরাসরি উপস্থিতিতে শুষ্ক ও উষ্ণ আবহাওয়া বিরাজ করবে। এ সময় রোদে গেলেই বেশ গরম অনুভূত হবে এবং দিন ও রাতের তাপমাত্রার ব্যবধান থাকবে অনেক। অর্থাৎ রাত ও দিনের তাপমাত্রার পার্থক্য হবে প্রায় ১৫/২০ ডিগ্রী। অথচ ইদানিং শীতের এই অনাদিকালের বৈশিষ্ট্য হিমালয় ও বঙ্গোপসাগরের মধ্যবর্তী বাংলাদেশে দ্রুত পাণ্টে যাচ্ছে। শীতের প্রধান সময় পৌষ-মাঘে নাতিশীতোষ্ণ বাংলাদেশের আকাশ অধিকাংশ সময় ঘন কুয়াশা ও মেঘে আচ্ছন্ন থাকছে। ফলে সারাদিনেও সূর্যের মুখ দেখা যাচ্ছে না। সন্ধ্যা হতে না হ'তেই বৃষ্টির মত কুয়াশা পড়ছে। তাই শীতের তীব্রতা যেমন বৃদ্ধি পাচ্ছে, তেমনি পরিবেশগতভাবে মারাত্মক ক্ষতির সম্মুখীন হচ্ছে জীবজগৎ, গাছপালা ও এদেশের ঐতিহ্যবাহী কৃষি ব্যবস্থা। এতে মানুষের স্বাভাবিক জীবনযাত্রাও যাচ্ছে পাণ্টে। দিনের সূর্য কুয়াশা-মেঘে ঢাকা পড়ায় পরিবেশের ভারসাম্যও হয়ে উঠছে প্রচণ্ড হুমকির সম্মুখীন। এভাবে সূর্যকিরণ কমতে থাকলে বাংলাদেশে অদূর ভবিষ্যতে ভয়াবহ পরিবেশ বিপর্যয়ের আশংকা দেখা দেবে। বিশেষ করে কৃষি ক্ষেত্রে ঘটবে চরম বিপর্যয়। সমুদ্রের পানির উচ্চতাও বেড়ে যাবে।

### পরিবেশ বান্ধব বায়োগ্যাস প্ল্যান্ট

জনপ্রিয় হয়ে উঠেছে পরিবেশ বান্ধব জ্বালানি বায়োগ্যাস প্ল্যান্ট। প্রায় বিনামূল্যে জ্বালানি ব্যবহার এবং উচ্চিষ্ট অংশ বিক্রি করে লাভবান হওয়া যায় এ পদ্ধতিতে। জানা গেছে, বায়োগ্যাস প্ল্যান্ট স্থাপন করতে প্রথমেই প্রয়োজন হয় নিজস্ব পাঁচ-ছয়টি গরু বা মহিষ, যা থেকে প্রতিদিন ৬০ থেকে ৭০ কেজি গোবর পাওয়া সম্ভব। এ গোবর প্রয়োজনীয় পানির সঙ্গে মিশিয়ে স্মারি তৈরী করতে হবে। সাত-আট সপ্তাহের জন্য মূলতঃ ২৬০ সেন্টিমিটার ব্যাস এবং ২২.১ সেন্টিমিটার গভীর একটি গোলাকার কুয়া বানাতে হবে। যার তলদেশ চাড়ির আকৃতির এবং উপরের ঢাকনিও গোলাকার হবে। ঐ স্মারি গোলাকার কুয়ার ভেতর বায়ুহীন অবস্থায় পচবে এবং গ্যাস উৎপাদন শুরু হবে। গোলাকার কুয়ার উপরে মাঝখানে পাইপ সংযোগ দিয়ে গ্যাস বের করে রান্না ও অন্যান্য কাজে ব্যবহার করা যাবে। ঐ বায়ুহীন গ্যাস চেম্বার, কুয়ার ইনলেট ট্যাঙ্ক ও আউট লেট ট্যাঙ্ক ইট, বালু ও সিমেন্ট দিয়ে তৈরী করা হয়। এখানে কোন রডের প্রয়োজন হয় না। তবে গোবর ছাড়াও যেকোন পচনশীল জৈব পদার্থ যেমন হাঁস-মুরগীর বিষ্ঠা, মলমূত্র, আবর্জনা, কচুরিপানা, লতাপাতা ইত্যাদি দিয়েও বায়োগ্যাস তৈরী করা যায়। এ গ্যাস রঙবিহীন এবং অধিক তাপ হয়ে থাকে। প্রতিটি এর রকম প্ল্যান্ট স্থাপনে ১১ থেকে ১২ হাজার টাকা প্রথমেই প্রয়োজন হয়। প্রাথমিক ব্যয় ব্যবহারকারীকে বহন করতে হয়। এ ক্ষেত্রে প্ল্যান্ট স্থাপনকারী পরে সাড়ে ৭ হাজার টাকা সরকারী সহায়তা পাবেন। বাংলাদেশ বিজ্ঞান ও শিল্প গবেষণা পরিষদ এ অর্থ দেয়। বায়োগ্যাস প্ল্যান্ট দেশের প্রতিটি এলাকায় স্থাপন করে পরিচ্ছন্ন জ্বালানি গ্যাস, উন্নতমানের জৈব সার, দূষণমুক্ত পরিবেশ ও বিদ্যমান বেকার সমস্যার সমাধান সম্ভব।

## সংগঠন সংবাদ

### আন্দোলন

#### যেলা সম্মেলন

### অহি-ভিত্তিক ইসলামী সমাজ গড়ে তুলুন

-যেলা সম্মেলনে মুহতারাম আমীরে জামা'আত

সিলেটঃ গত ১০ জানুয়ারী '০৪ রোজ শনিবার সকাল ১০ ঘটিকা হ'তে মাগরিব পর্যন্ত 'আহলেহাদীছ আন্দোলন বাংলাদেশ' সিলেট সাংগঠনিক যেলার উদ্যোগে মহানগরীর শাহজালাল দরগা গেইটস্থ শহীদ সুলেমান হলে অনুষ্ঠিত যেলা সম্মেলন ২০০৪-য়ে প্রধান অতিথির ভাষণে মুহতারাম আমীরে জামা'আত, রাজশাহী বিশ্ববিদ্যালয়ের আরবী বিভাগের প্রফেসর ডঃ মুহাম্মাদ আসাদুল্লাহ আল-গালিব জনগণের প্রতি উপরোক্ত আহ্বান জানান। 'আহলেহাদীছ আন্দোলন বাংলাদেশ' সিলেট যেলা সভাপতি জনাব আব্দুছ হুবুর চৌধুরীর সভাপতিত্বে ও মাওলানা জালালুদ্দীন-এর পরিচালনায় অনুষ্ঠিত উক্ত যেলা সম্মেলনে বিশেষ অতিথি হিসাবে বক্তব্য রাখেন 'আহলেহাদীছ আন্দোলন বাংলাদেশ'-এর সমাজকল্যাণ সম্পাদক ডঃ মুহাম্মাদ মুহলেছুদ্দীন, কুষ্টিয়া ইসলামী বিশ্ববিদ্যালয়ের আল-হাদীছ বিভাগের সহযোগী অধ্যাপক ডঃ মুযাম্মিল আলী সিলেটী, 'বাংলাদেশ আহলেহাদীছ যুবসংঘ'র কেন্দ্রীয় প্রশিক্ষণ সম্পাদক মুহাম্মাদ আব্দুল ওয়াদুদ, মুফতী তাহরুল ইসলাম, ইঞ্জিনিয়ার আবুল বাশার, জনাব আবিদ আলী, সিলেট যেলা উপদেষ্টা শেখ মুহাম্মাদ ফিরোজ, ইঞ্জিনিয়ার মুহাম্মাদ নাছীরুদ্দীন, সিলেট যেলা সংগঠনের সাবেক সাধারণ সম্পাদক মুহাম্মাদ মুনীরুল ইসলাম, 'আহলেহাদীছ যুবসংঘ'র সিলেট যেলা সভাপতি মুহাম্মাদ আব্দুল কবীর ও 'সোনামণি' যেলা পরিচালক মুহাম্মাদ নাজিমুল ইসলাম। সম্মেলনে তেলাওয়াত ও জাগরণী পরিবেশন করেন মুহাম্মাদ আব্দুল কবীর, তাজুল ইসলাম, তাসলীম চৌধুরী ও 'সোনামণি' সিলেট মহানগরী সদস্য আহমাদ ছানী প্রমুখ। প্রধান অতিথি স্বীয় ভাষণে 'ইবাদত'-এর মূল বিষয়টি ব্যাখ্যা করেন এবং তাওহীদ ও শিরকের পার্থক্য তুলে ধরে বলেন, ইসলামী আন্দোলনে 'শিরক' উৎখাতই হ'ল প্রধান বিষয়, বাকী সবই গৌণ। অথচ বাংলাদেশে ইবাদাত ও মু'আমালাত তথা ধর্মীয় ও বৈষয়িক উভয় ক্ষেত্রে 'শিরক' ব্যাপকহারে দানা বেঁধে আছে। 'আহলেহাদীছ আন্দোলন' উভয়বিধ শিরকের বিরুদ্ধে একটি মূর্তিমান চ্যালেঞ্জ স্বরূপ। তিনি যাবতীয় শিরক ও বিদ'আত পরিত্যাগ করে পবিত্র কুরআন ও ছহীহ হাদীছের আলোকে দেশের আইন ও শাসন ব্যবস্থাকে ঢেলে সাজানোর উদাত্ত আহ্বান জানান। বিশেষ অতিথির ভাষণে ডঃ মুহলেছুদ্দীন বলেন, ইসলামের

রাজনৈতিক ব্যবস্থা ও নেতৃত্বের রূপরেখা আজকের সমাজে অনুপস্থিত। তিনি শাসন ব্যবস্থাকে পবিত্র কুরআন ও ছহীহ হাদীছের আলোকে বিন্যস্ত করার আহ্বান জানান। সম্মেলনে সকল বক্তা পবিত্র কুরআন ও ছহীহ হাদীছ ভিত্তিক নির্ভেজাল ইসলামী সমাজ গড়ার আহ্বান জানান।

মহিলা সমাবেশঃ ইতিপূর্বে সকাল ১১-টায় অনুষ্ঠিত পৃথক মহিলা সমাবেশে মুহতারাম আমীরে জামা'আত বলেন, নির্ভেজাল ইসলামী সমাজ বিনির্মাণে মা-বোনদের অবদান অতীব গুরুত্বপূর্ণ। তিনি তাদেরকে স্ব স্ব পরিবারে ইসলামী পরিবেশ তৈরীর কারিগর হিসাবে অভিহিত করেন এবং নিয়মিত সাংগঠনিক প্রচেষ্টার মাধ্যমে উক্ত লক্ষ্য বাস্তবায়নে এগিয়ে আসার আহ্বান জানান।

দায়িত্বশীল বৈঠকঃ বাদ মাগরিব যেলা সভাপতি জনাব আব্দুছ হুবুর চৌধুরীর সভাপতিত্বে সংগঠনের যেলা কার্যালয়ে অনুষ্ঠিত 'আন্দোলন' 'যুবসংঘ' ও 'সোনামণি'র দায়িত্বশীল বৈঠকে মুহতারাম আমীরে জামা'আত বলেন, সিলেট মহানগরীতে অত্যন্ত স্পর্শকাতর স্থানে 'আহলেহাদীছ আন্দোলন'-এর পরপর দু'টি যেলা সম্মেলন অনুষ্ঠান নিঃসন্দেহে আপনাদের দাওয়াত আল্লাহর নিকটে কবুল হওয়ার অন্যতম বাস্তব প্রমাণ। আপনারা অধিক দায়িত্বশীলতা ও দূরদর্শিতার সাথে সম্মুখে এগিয়ে চলুন এবং পরিকল্পিতভাবে সকল পর্যায়ে জনগণের নিকটে আহলেহাদীছ আন্দোলনের নির্ভেজাল ইসলামী দাওয়াত পৌছে দিন। কর্মীদেরকে 'আন্দোলন'-এর সাহিত্য বেশী বেশী করে নিয়মিত পাঠ করার এবং যেলায় প্রশিক্ষণপ্রাপ্ত কর্মীবাহিনী গড়ে তোলার আহ্বান জানান। ডঃ মুহলেছুদ্দীন তাঁর বক্তব্যে কর্মীদেরকে নির্ভীকভাবে তাদের পবিত্র দায়িত্ব পালনে এবং সংগঠনের প্রতি অধিক নিবেদিত প্রাণ হওয়ার আহ্বান জানান।

'আন্দোলন'-এর 'সাধারণ পরিষদ সদস্য' ডঃ মুযাম্মিল আলী, আহলেহাদীছ যুবসংঘের সাবেক কেন্দ্রীয় সাধারণ সম্পাদক মাওলানা জালালুদ্দীন, বর্তমান প্রশিক্ষণ সম্পাদক মুহাম্মাদ আব্দুল ওয়াদুদ প্রমুখ উক্ত বৈঠকে উপস্থিত ছিলেন।

সম্মেলনে যেলার বিভিন্ন প্রান্ত হ'তে সকাল থেকেই কয়েকটি রিজার্ভ বাসযোগে বিপুল উৎসাহে কর্মীরা আগমন করেন এবং সম্মেলন শেষে রাতে ফিরে যান। ২০০১ সালে একই স্থানে অনুষ্ঠিত সম্মেলনের দ্বিগুণের বেশী কর্মী সমাবেশ ঘটায় হলের বাইরে কর্মীদের দাঁড়িয়ে ও বসে থাকতে হয়। সম্মেলন উপলক্ষে সিলেট শহরে ব্যাপক পোষ্টারিং করা হয় এবং দু'দিন পূর্ব থেকেই সকল বিধান বাতিল কর, অহি-র বিধান কায়ম কর' মুক্তির একই পথ, দাওয়াত ও জিহাদ' শিরক-বিদ'আতের উৎসাদন, আহলেহাদীছ আন্দোলন' 'তাক্বলীদে শাখছীর অপনোদন, আহলেহাদীছ আন্দোলন' 'বিদ'আতীদের আতংক, আহলেহাদীছ যুবসংঘ' ইত্যাদি শ্লোগান দিয়ে ব্যাপক মাইকিং করা হয় এবং স্থানীয় ৫টি পত্রিকায় দু'দিন পূর্ব থেকেই সম্মেলনের আগাম খবর প্রকাশিত হয়। সম্মেলনের

পরেও ছবিসহ পত্রিকায় খবর প্রকাশিত হয়।

যেলা সম্মেলন '০৪ উপলক্ষে সিলেট যেলা 'আহলেহাদীছ যুবসংঘ'র পক্ষ থেকে বিশেষ পকেট ডায়েরী বের করা হয় এবং সম্মেলন স্থলে সংগঠনের বইপত্র ও ক্যাসেট বিক্রির ব্যবস্থা করা হয়, যা সুধীমহলে প্রশংসিত হয়।

যেলা সম্মেলনে উপস্থিত সচেতন কর্মী ও সুধীবৃন্দের পক্ষ থেকে দেশের সরকার ও প্রশাসনের নিকট নিম্নোক্ত দাবীসমূহ পেশ করা হয়ঃ-

১. দেশের আইন ও শাসন ব্যবস্থাকে পবিত্র কুরআন ও ছহীহ হাদীছের আলোকে চেলে সাজাতে হবে।

২. বৃটিশ আমল থেকে প্রচলিত এদেশের শিক্ষা ব্যবস্থার দ্বি-মুখী ধারাকে সমন্বিত করে একটি গণমুখী ইসলামী শিক্ষা ব্যবস্থা চালু করা হউক।

৩. সরকার পরিচালিত ইসলামিক ফাউন্ডেশনের মাধ্যমে একটি নির্দিষ্ট মাযহাবের পরিবর্তে নিরপেক্ষভাবে পবিত্র কুরআন ও ছহীহ হাদীছ ভিত্তিক গ্রন্থ সমূহ প্রকাশের ব্যবস্থা করতে হবে।

৪. এ সম্মেলন যুব চরিত্র বিধ্বংসী অশ্লীল বই-পত্র, সাহিত্য ও ছবি সমূহ প্রদর্শনের অনুমোদন চিরতরে বন্ধ ঘোষণার দাবী জানাচ্ছে।

৫. দেশের সার্বিক আইন-শৃঙ্খলা পরিস্থিতি নিয়ন্ত্রণে সরকারের কঠোর পদক্ষেপ দাবী করছে।

৬. শুধু বই বায়েয়াফত করা নয়, এ সম্মেলন কাদিয়ানীদের অনতিবিলম্বে অমুসলিম ঘোষণার দাবী জানাচ্ছে।

৭. এ সম্মেলন ইঙ্গ-মার্কিন চক্র কর্তৃক আফগানিস্তান ও ইরাক দখল সহ পৃথিবীর বিভিন্ন স্থানে মুসলিম নিধন ও নির্যাতনের তীব্র নিন্দা করছে।

উল্লেখ্য যে, আগের দিন শুক্রবার বাদ জুম'আ রাজশাহী থেকে বিমান যোগে সন্ধ্যায় ঢাকা এসে সেখান থেকে বিমানযোগে রাত্রি সাড়ে ৮-টায় মুহতারাম আমীরে জামা'আত সিলেট ওসমানী আন্তর্জাতিক বিমান বন্দরে অবতরণ করলে যেলা সাধারণ সম্পাদক জনাব আব্দুল্লাহ আল-ছিন্দীক, ইঞ্জিনিয়ার মুহাম্মাদ জাহিদুল ইসলাম ও অন্যান্য নেতৃবৃন্দ তাঁকে অভ্যর্থনা জানান এবং ১১ তারিখ সকালের ফ্লাইটে যেলা নেতৃবৃন্দ তাঁকে বিদায় জানান।

## তাবলীগী সভা

মেহেরপুর ২৫ ডিসেম্বর ২০০৩ বৃহস্পতিবারঃ অদ্য সকাল ১০-টায় 'আহলেহাদীছ আন্দোলন বাংলাদেশ' মেহেরপুর সাংগঠনিক যেলা উদ্যোগে ঐতিহাসিক মুজিবনগরের অদূরে গৌণিনগর জামে মসজিদ প্রাঙ্গণে মুহাম্মাদ আজমতুল্লাহর সভাপতিত্বে এক তাবলীগী সভা অনুষ্ঠিত হয়। অধ্যাপক মুহাম্মাদ আহসান হাবীব-এর পরিচালনায় অনুষ্ঠিত উক্ত তাবলীগী সভায় প্রধান অতিথি হিসাবে উপস্থিত ছিলেন 'আন্দোলন'-এর কেন্দ্রীয় সাধারণ সম্পাদক জনাব অধ্যাপক নূরুল ইসলাম, বিশেষ অতিথি ছিলেন মজলিসে শূরা সদস্য ও কুষ্টিয়া-পশ্চিম যেলা সভাপতি

জনাব মুহাম্মাদ গোলাম যিল-কিবরিয়া। অন্যান্যের মধ্যে উপস্থিত ছিলেন মেহেরপুর যেলা 'আন্দোলন'-এর প্রশিক্ষণ সম্পাদক জনাব মুহাম্মাদ হাবীবুর রহমান মীযান, যেলা 'যুবসংঘ'-এর সাংগঠনিক সম্পাদক মুহাম্মাদ আব্দুর রশীদ ও মুহাম্মাদ নয়রুল ইসলাম প্রমুখ। উল্লেখ্য যে, চুয়াডাঙ্গা, দর্শনা, মুজিবনগর, দামুড়হুদা, গাংনী প্রভৃতি এলাকা থেকে প্রায় সহস্রাধিক দায়িত্বশীল ও কর্মী বৃন্দ উক্ত সভায় যোগদান করেন।

যশোর ২ জানুয়ারী ২০০৪ শুক্রবারঃ অদ্য যেলা 'আন্দোলন'-এর উদ্যোগে স্থানীয় ষষ্ঠিতলা আহলেহাদীছ জামে মসজিদে এক তাবলীগী সভা অনুষ্ঠিত হয়। কেন্দ্রীয় সাংগঠনিক সম্পাদক অধ্যাপক সিরাজুল ইসলাম-এর সভাপতিত্বে অনুষ্ঠিত উক্ত তাবলীগী সভায় প্রধান অতিথি হিসাবে উপস্থিত ছিলেন কেন্দ্রীয় সাধারণ সম্পাদক অধ্যাপক মাওলানা নূরুল ইসলাম। প্রধান অতিথি স্বীয় ভাষণে যেলা 'আন্দোলন'-এর তৎপরতা বৃদ্ধির জন্য কর্মীদের প্রতি আহ্বান জানান ও মূল্যবান পরামর্শ প্রদান করেন।

## চাঁদপুর ও নোয়াখালী সাংগঠনিক সফর

গত ২৬ ডিসেম্বর ২০০৩ চাঁদপুর যেলা বাখরপুরে এবং ২৭ ডিসেম্বর ২০০৩ নোয়াখালীর চাটখিলে সাংগঠনিক সফর করেন 'আহলেহাদীছ আন্দোলন বাংলাদেশ'-এর মজলিসে শূরা সদস্য ও কুমিল্লা যেলা 'আন্দোলন'-এর সভাপতি মাওলানা মুহাম্মাদ ছফিউল্লাহ এবং 'বাংলাদেশ আহলেহাদীছ যুবসংঘ'-এর সাবেক কেন্দ্রীয় সাধারণ সম্পাদক মাওলানা মুহাম্মাদ জালালুদ্দীন। প্রথম দিন বাদ মাগরিব নেতৃবৃন্দ বাখরপুরে এক ইসলামী মাহফিলে বক্তব্য রাখেন। উক্ত মাহফিলে অন্যান্যদের মধ্যে বক্তব্য রাখেন কুমিল্লা যেলা 'যুবসংঘ'র অর্থ সম্পাদক জনাব হেমায়েত হোসাইন হেলাল ও মাওলানা আবদুল কুদ্দুস প্রমুখ। পরদিন বাদ ফজর নেতৃবৃন্দ এলাকা দায়িত্বশীলদের সাথে এক বিশেষ বৈঠকে মিলিত হন। বিকাল ৩-টায় তাঁরা নোয়াখালীর চাটখিলের জীবন নগর উচ্চ বিদ্যালয়ে জনাব সাইফুল ইসলামের সভাপতিত্বে অনুষ্ঠিত প্রশিক্ষণ শিবিরে যোগদান করেন। জনাব হেমায়েত হোসাইন-এর দরসে কুরআনের মাধ্যমে প্রশিক্ষণ শুরু হয়। অতঃপর নেতৃবৃন্দ সাংগঠনের লক্ষ্য-উদ্দেশ্য, মূলনীতি ও কর্মসূচীসহ গুরুত্বপূর্ণ বিষয়ে প্রশিক্ষণ প্রদান করেন।

## যুবসংঘ

চট্টগ্রাম ১২ ডিসেম্বর '০৩ রোজ শুক্রবারঃ অদ্য বাদ জুম'আ মহানগরীর ঝাউতলা আহলেহাদীছ জামে মসজিদে এক মতবিনিময় সভা অনুষ্ঠিত হয়। 'বাংলাদেশ আহলেহাদীছ যুবসংঘ'র কেন্দ্রীয় প্রশিক্ষণ সম্পাদক জনাব মুহাম্মাদ আবদুল ওয়াদুদ-এর তাবলীগী সফর উপলক্ষ্যে আয়োজিত মতবিনিময় সভায় হামদ ও না'তের পর তিনি মুহতারাম আমীরে জামা'আতের সালাম পৌছে দিয়ে মুছল্লীদের উদ্দেশ্যে এক সংক্ষিপ্ত বক্তব্য বলেন, পরিবর্তিত

বিশ্ব পরিস্থিতিতে মুসলিম যুবকরা আজ দিকভ্রান্ত। তাদেরকে পথে আনার মহান দায়িত্ব কাঁধে নিয়ে 'বাংলাদেশ আহলেহাদীছ যুবসংঘ' দেশের সর্বত্র কাজ করে যাচ্ছে। পবিত্র কুরআন ও ছহীহ হাদীছের দাওয়াতকে সারাদেশের মানুষের কাছে পৌঁছে দেওয়ার দায়িত্বানুভূতি এবং আহলেহাদীছদের হাযার বছরের ঐতিহ্য, আজ আমাদেরকে এ পথে নামতে উৎসাহিত করেছে। জান্নামের ভয় ও জান্নাতের মহা সুখ আমাদেরকে অনুপ্রাণিত করেছে এ পথে জীবন বিলীন করতে। তিনি আল্লাহর পথে সময়, শ্রম ও অর্থের কুরবানীর মাধ্যমে অহি-ভিত্তিক ইসলামী সমাজ গড়ার আন্দোলনকে বেগবান করার জন্য যুবকদের প্রতি উদাত আহ্বান জানান।

### অশ্লীল ছবি প্রদর্শনের প্রতিবাদে মিছিল ও সমাবেশ

কুমিল্লা ২৭ ডিসেম্বর শনিবারঃ অদ্য বিকাল ৫ ঘটিকায় 'আহলেহাদীছ আন্দোলন বাংলাদেশ' ও 'বাংলাদেশ আহলেহাদীছ যুবসংঘ' বুড়িচং এলাকার যৌথ উদ্যোগে স্থানীয় 'আল-হেরা' মডার্ন একাডেমী মাঠে সিনেমা হলে ও ভিডিও দোকানে অশ্লীল ও কুরুচিপূর্ণ ছবি প্রদর্শনের প্রতিবাদে এক সমাবেশ ও মিছিল অনুষ্ঠিত হয়। মিছিলটি উপযেলার প্রধান প্রধান সড়ক প্রদক্ষিণ করে। প্রতিবাদ সমাবেশে প্রধান অতিথি হিসাবে উপস্থিত ছিলেন 'বাংলাদেশ আহলেহাদীছ যুবসংঘ'-এর কেন্দ্রীয় প্রশিক্ষণ সম্পাদক জনাব মুহাম্মাদ আবদুল ওয়াদুদ। 'আহলেহাদীছ আন্দোলন বাংলাদেশ' বুড়িচং শাখার সভাপতি জনাব হদীস ডুইয়ার সভাপতিত্বে অনুষ্ঠিত উক্ত সমাবেশে অন্যান্যের মধ্যে

উপস্থিত ছিলেন যেলা 'আন্দোলন'-এর সহ-সভাপতি ইঞ্জিনিয়ার রোহমত আলী, সাহিত্য ও গবেষণা সম্পাদক মাওলানা শামসুল হক, দফতর সম্পাদক হুমায়ুন কবীর, বুড়িচং শাখার সাধারণ সম্পাদক আব্দুর রায়যাক ভুইয়া, যুক্তিমোহা আবদুর রায়যাক, 'আল-হেরা' মডার্ন একাডেমীর অধ্যক্ষ এম, এ, মোর্শেদ, যেলা 'যুবসংঘের' সভাপতি জনাব আবু তাহের, দফতর সম্পাদক জা'ফর ইকরাম, বুড়িচং এলাকা সেক্রেটারী কাওছার আহমাদ ও গায়ী ওছমান গণী, বশীর আল-হেলাল প্রমুখ নেতৃবৃন্দ।

প্রধান অতিথি স্বীয় ভাষণে বলেন, এসব নোংরা ছবি চলতে থাকলে আইন-শৃঙ্খলার অবনতি ঘটা অবশ্যজ্ঞাবী। বিভিন্ন ভিডিও দোকান, ছবি ঘর, সিনেমা হলে অশ্লীল ছবি প্রদর্শন ও নীল ছবির ক্যাসেট বিক্রি চিরতরে বন্ধ না হলে যুব চরিত্র ক্রমশঃ ধ্বংসের দিকে ধাবিত হবে। তিনি বলেন, ঐতিহ্যগতভাবে আমরা খারাপ কাজে বাঁধা দেয়ার উত্তরাধিকারী। জিহাদ আন্দোলন, বৃটিশ বিরোধী আন্দোলন ও তিতুমীরের উত্তরাধিকারী হিসাবে পূর্বের কর্মকাণ্ডের ন্যায় আমরা এসব নোংরা ছবি প্রদর্শনের প্রতিবাদ জানাই।

'আল-হেরা' মডার্ন একাডেমী চত্বর, বসুন্ধরা চত্বর ও উপযেলা পরিষদ চত্বরে অনুষ্ঠিত পৃথক পৃথক সমাবেশে বিপুল সংখ্যক সচেতন ভাওহীদি জনতা সমবেত হন। মিছিল ও পথসভা শেষে উপযেলা নির্বাহী অফিসার মুহাম্মাদ মাক্ছুদুর রহমান-এর নিকটে স্মারকলিপি পেশ করা হয়। এ সময় স্থানীয় ইউ,এন,ও এ বিষয়ে কার্যকর ব্যবস্থা গ্রহণের আশ্বাস দেন।

## মৃত্যু সংবাদ

দেশের প্রবীণ আলেক, মাদরাসা মুহাম্মাদিয়া আরাবিয়া, উত্তর যাত্রাবাড়ী, ঢাকার ভাইস প্রিন্সিপ্যাল শায়খুল হাদীছ মাওলানা আহমাদুল্লাহ রহমানী নাসিরাবাদী (৯০) গত ১২ জানুয়ারী '০৪ দিনগত রাত ৩-১০ মিনিটে মাদরাসায় নিজ কক্ষে ইন্তেকাল করেন। ইন্না লিল্লা-হি...। মৃত্যুকালে তিনি ৩ ছেলে, ৫ মেয়ে বহু ছাত্র ও চপ্তয়াহী রেখে যান। পরদিন সকাল ১০-টায় মাদরাসা মুহাম্মাদিয়া আরাবিয়া-র প্রিন্সিপ্যাল মাওলানা আব্দুল খালেক সালফীর ইমামতিতে মাদরাসা সংলগ্ন মসজিদে তার প্রথম জানাযার ছালাত অনুষ্ঠিত হয়। অতঃপর তাঁর নিজ গ্রামের বাড়ী ময়মনসিংহ যেলার ত্রিশাল খানাবীন জামতলীতে দ্বিতীয় জানাযা শেষে তাঁকে সেখানে দাফন করা হয়। তার জানাযার ছালাতে 'আহলেহাদীছ আন্দোলন বাংলাদেশ' ও 'বাংলাদেশ আহলেহাদীছ যুবসংঘ' ঢাকা যেলার কর্মী ও নেতৃবৃন্দ, বাংলাদেশ জমদ্বীরগে আহলে হাদীস ও আহলে হাদীস ডাবলীগে ইসলাম-এর নেতৃবৃন্দ, বিভিন্ন মাদরাসার ছাত্র-শিক্ষক সহ বিপুল সংখ্যক মুছল্লী শরীক হন।

মাওলানা রহমানী আনুমানিক ১৯১৪ সালের কোন এক সময়ে জামতলীতে জন্মগ্রহণ করেন। প্রথমে নিজ গ্রামের দরসে নিযামী মাদরাসা অতঃপর ঢাকার আশরাফুল উলুম মাদরাসায় অধ্যয়নের পর তিনি দিল্লীর দারুলহাদীছ রহমানিয়া মাদরাসায় শায়খুল হাদীছ, মিশকাতের ভাষ্যকার আল্লামা ওবায়দুল্লাহ রহমানীর নিকট থেকে বুখারী, তিরমিযী, আবুদাউদ, মুওয়াত্তা ইমাম মালেক ও নাযেমে দারুলহাদীছ রহমানিয়া মাওলানা নবীর আহমাদ আমলজীর নিকটে মুসলিম, নাসাইঐ ও ইবনু মাজাহ পাঠ সম্পন্ন করেন। ১৯৪৩ সালে তিনি উক্ত প্রতিষ্ঠান থেকে 'সনদে ফারাগাত' লাভ করেন।

কর্মজীবনের শুরুতেই তিনি দিল্লী জামে আযম মাদরাসায় এক বৎসর শিক্ষকতা করেন। অতঃপর দারুলহাদীছ রহমানিয়ার স্বীয় উস্তাদগণের নির্দেশে উক্ত প্রতিষ্ঠানেই শিক্ষকতায় নিয়োজিত হন। ভারত বিভাগের সময় তিনি দেশে প্রত্যাবর্তন করেন এবং ১৯৪৮ সালের প্রথম ভাগে ময়মনসিংহ যেলার কাভালসেন আলিয়া মাদরাসার হেড মাওলানা পদে যোগদান করেন। এখানে ৪ বৎসর শিক্ষকতার পর তিনি জামতলী মাদরাসায় যোগদান করেন। ১৯৬০ সালের ১৫ই ফেব্রুয়ারী থেকে তিনি জামালপুর যেলার আরামনগর আলিয়া মাদরাসায় প্রথমে মুহাদ্দিছ ও পরে ভাইস প্রিন্সিপ্যাল পদে ২৭ বৎসর বিদ্যমত আল্লামা দেন। অতঃপর ১৯৮৭ সালে অবসর গ্রহণের পর থেকে তিনি ঢাকার যাত্রাবাড়ী মাদরাসা মুহাম্মাদিয়া আরাবিয়াতে মুহাদ্দিছ পদে মৃত্যুর পূর্ব পর্যন্ত নিষ্ঠার সাথে দায়িত্ব পালন করেন। মৃত্যুর পূর্বের দিনও তিনি সক্রিয় নিয়োজিত হন।

'আহলেহাদীছ আন্দোলন বাংলাদেশ'-এর মুহতারাম আমীরে জামা'আত ডঃ মুহাম্মাদ আসাদুল্লাহ আল-গালিব তাঁর মৃত্যুতে গভীর শোক প্রকাশ করেন। তিনি তাঁর রুহের মাগফরাত কামনা করেন ও শোক সন্তপ্ত পরিবার বর্গের প্রতি গভীর সমবেদনা জ্ঞাপন করেন। উল্লেখ্য যে, ১৯৬৮-৬৯ সালে আরামনগর আলিয়া মাদরাসায় কামিল শ্রেণীতে অধ্যয়ন কালে মুহতারাম আমীরে জামা'আত তাঁর ছাত্র ছিলেন।

[আমরা মরহুমের রুহের মাগফিরাত কামনা করছি এবং তাঁর শোক সন্তপ্ত পরিবারবর্গের প্রতি গভীর সমবেদনা জ্ঞাপন করছি। -সম্পাদক]

## কাদিয়ানী বিভ্রান

কাদিয়ানীদের দিনকাল বর্তমানে সবচেয়ে খারাপ যাচ্ছে। সম্প্রতি ঢাকার একজন বাম বুদ্ধিজীবী কাদিয়ানীদের পক্ষে কথা বলতে গিয়ে পিটুনি খেয়ে একটি ক্রিনিকে ভর্তি হয়েছেন। এ খবর বখশীবাজারস্থ কাদিয়ানী হেড অফিসে পৌঁছার পর তার দুশাগরেন্দকে বললেন, 'এ কমরেডকে গিয়ে দেখে আসা আমাদের দায়িত্ব। তোমরা যাও এবং তাকে খরচপত্র দিয়ে আস'। শাগরেন্দরা বলল, 'এসময় তার কাছে যাওয়া খুব রিস্কি। গর্নপিটুনি খেতে হতে পারে। কাদিয়ানী নেতা এসময় তাদের গোলাম আহমদ কাদিয়ানীর বাণী পড়ে শোনালেন। 'বিপদে বেহেঁশ হওয়া সঠিক কাদিয়ানীর লক্ষণ নয়'। কিন্তু বাণীতে কাজ না হওয়ায় কাদিয়ানী নেতা নিজেই দুশিয়া নিয়ে রওয়ানা হ'লেন। কিছুদূর বেতেই সামনে এক কাদিয়ানী বিরোধী মিছিল দেখে নেতা স্বয়ং ডয়ে বেহেঁশ হয়ে রাতায় পড়ে পেলেন। দু কাদিয়ানী শিশু তাকে ধরারধর করে গুলিস্তান পার্বলিক টয়লেটের সামনে নিয়ে মুখে পানি ছিটিয়ে দিলে তার জ্ঞান ফিরে আসে। তখন নেতাকে শিয়া বলল, 'আপনি এভাবে বেহেঁশ হ'লেন কেন?' বেহেঁশ হওয়া তো সঠিক কাদিয়ানীর লক্ষণ নয়'। কাদিয়ানী নেতা ক্রুদ্ধস্বরে বলল, 'চুপ থাক ব্যাটারা, আগে জান বাঁচাইয়া লই। বাঁচলে সঠিক-বেঠিক একটা হওয়া যাইব। না হয় নতুন কইরা কলেমা পইড়া মুসলমান হওয়ার চান তো পানু' [সংকলিত]।







আব্দুদাউদ হা/৯৫৮)। তবে আবদুল আযীয ইবনু আবী হামেম এবং উবাই বিন কা'ব থেকে যথাক্রমে ছহীহ মুসলিম (হা/৫৪৪) এবং ইবনু মাজাহ (ঐ, ছহীহ হা/১১৬৯)-তে তিন স্তর বিশিষ্ট বলে বর্ণিত হয়েছে। এ দুয়ের সমন্বয় করে ছাহেবে 'আওন বলেন যে, যে রাবী দুই স্তরের কথা বলেছেন, তিনি উপরের ঐ স্তরকে গণ্য করেননি, যার উপরে রাসূল (ছাঃ) বসতেন (আওনুল মা'বুদ হা/১০৬৮-এর ব্যাখ্যা ৩/৪২২)। যে কথাটি ইবনু খুযায়মার বর্ণনায় স্পষ্টভাবে ফুটে উঠেছে।

বর্তমানে আমাদের দেশে দুই স্তর বিশিষ্ট যে মিস্বর চালু আছে, তা রাসূলের মিস্বরের ছবছ অনুকরণে তৈরী। মিস্বরের সর্বোচ্চ পাটাতনকে স্তর হিসাবে গণ্য করলে যাকে তিন স্তর বিশিষ্ট বলা যাবে। তবে আমীর মু'আবিয়া (রাঃ)-এর খেলাফতকালে (৪১-৬০ হিঃ) মারওয়ান ইবনুল হিকাম নীচের দিক থেকে আরও তিনটি স্তর বৃদ্ধি করে উক্ত মিস্বরকে মোট ৬টি স্তরে পরিণত করেন (আওন ৩/৪২২)।

আবুল হাসান আলী বিন আহমাদ আল-মুরদাভী (৮১৭-৮৮৫ হিঃ) বলেন, রাসূলুল্লাহ (ছাঃ) মিস্বরের ৩য় স্তরে দাঁড়িয়ে খুৎবা দিয়েছেন। আবুবকর (রাঃ) ২য় স্তরে এবং ওমর (রাঃ) ১ম স্তরে (নীচের স্তরে) দাঁড়িয়ে খুৎবা দিয়েছেন। পরবর্তীতে ওহমান (রাঃ) ২য় স্তরে এবং আলী (রাঃ) সর্বোচ্চ স্তরে দাঁড়িয়ে খুৎবা দিয়েছেন। তবে পরবর্তী খলীফাগণ সকলে ওমরের স্তরে (অর্থাৎ নীচের স্তরে) দাঁড়িয়ে খুৎবা দিতেন (আল-ইনছাফ ৫/২৩৫)। অতএব ইমাম তাঁর সুবিধামত মিস্বরের যেকোন স্তরে দাঁড়িয়ে খুৎবা দিতে পারেন।

প্রশ্নঃ (৫/১৬৫)ঃ দশ বছর পূর্বে দলীয় বিতর্কের কারণে গ্রামের জামে মসজিদ ছেড়ে একই গ্রামের বাজারে একদল লোক পৃথকভাবে জামে মসজিদ নির্মাণ করে। বর্তমানে বাজার মসজিদে সর্বদলীয় লোকজন এবং বাজারের ক্রেতা-বিক্রেতা সবাই ছালাত আদায় করে। প্রশ্ন হ'ল, উক্ত মসজিদটি কি 'মসজিদে যেরার'-এর অন্তর্ভুক্ত হবে? যদি হয় তাহ'লে সংশোধনের উপায় কি? সেই সাথে মসজিদের জায়গা ওয়াক্ফ করার প্রয়োজন আছে কি?

-মুহাম্মাদ সাইফুল ইসলাম  
সহকারী শিক্ষক  
রাজশাহী চিনিকল উচ্চ বিদ্যালয়  
রাজশাহী।

উত্তরঃ শারঈ কারণ ব্যতীত কেবল পারস্পরিক দলাদলি করে নতুনভাবে মসজিদ নির্মাণ করলে সেটি 'মসজিদে যেরার'-এর অন্তর্ভুক্ত হবে (তওবা ১০৭) এবং উক্ত মসজিদে ছালাত আদায় করা জায়েয হবে না। তবে গ্রামবাসী আপোষে নিজেদের মধ্যকার হিংসা-বিদ্বেষ ভুলে গিয়ে সম্মিলিতভাবে বাজারের মসজিদে ছালাত আদায় করলে যেরার-এর আওতা থেকে মুক্ত হ'তে পারে ইনশাআল্লাহ। আল্লাহ বলেন, 'মুমিনরা তো পরস্পর ভাই-ভাই। অতএব

তোমরা তোমাদের দু'ভাইয়ের মধ্যে মীমাংসা করবে এবং আল্লাহকে ভয় করবে, যাতে তোমরা অনুগ্রহ প্রাপ্ত হও' (হুজুরাত ১০)।

মসজিদের জায়গা ওয়াক্ফ হওয়া আবশ্যিক। আনাস ইবনু মালেক (রাঃ) বলেন, রাসূলুল্লাহ (ছাঃ) মদীনায় পৌঁছে মসজিদ নির্মাণ করার আদেশ দিলেন এবং বললেন, 'হে বনু নাজ্জার! তোমরা আমার নিকট এ বাগানটি বিক্রয় করে দাও। তাঁরা বলল, না। আল্লাহর কসম! আমরা এর বিনিময় একমাত্র আল্লাহর নিকটে কামনা করি' (বুখারী ১/৩৮৯ পৃঃ, 'মসজিদের জন্য জমি ওয়াক্ফ করা' অনুচ্ছেদ)।

প্রশ্নঃ (৬/১৬৬)ঃ জনৈক 'মুক্তিবাদী' বক্তার ক্যােসেটে শুনলাম, কিয়ামতের মাঠে আল্লাহ যখন 'মরিয়ম' বলে ডাক দিবেন, তখন হাযার হাযার মরিয়ম আল্লাহর ডাকে সাড়া দিবে। তখন ইসা (আঃ)-এর মা মরিয়মের নামের গুণে সমস্ত মরিয়মকে আল্লাহ বিনা হিসাবে জান্নাতে প্রবেশ করাবেন। উপরোক্ত কথাগুলি কি সঠিক?

-মুহাম্মাদ আবু তাগেব  
হরিরামপুর, বাঘা  
রাজশাহী।

উত্তরঃ উল্লিখিত কথাগুলি মনগড়া ও ভিত্তিহীন। কারণ নবীগণের নামে অনেক মানুষের নাম রাখা হয়। তাই বলে কি তারা নবীগণের নামের গুণে বিনা হিসাবে জান্নাতে যেতে পারবে? এগুলি ইসলামী আক্বীদার সম্পূর্ণ পরিপন্থী।

প্রশ্নঃ (৭/১৬৭)ঃ জামা'আতে ছালাত আদায় করার সময় এক মুক্তাদী হ'তে অপর মুক্তাদীর পা ফাঁকা বা মিলিয়ে রাখা সম্পর্কে পবিত্র কুরআন ও ছহীহ হাদীছের আলোকে বিস্তারিত জানালে খুশী হব।

-আব্দুল ওয়াদুদ ডুইয়া  
সিনিয়র শিক্ষক  
বড়শালঘর এম,এ, উচ্চ বিদ্যালয়  
দেবীঘর, কুমিল্লা।

উত্তরঃ ছহীহ হাদীছে কাঁধের সাথে কাঁধ, পায়ের সাথে পা মিলিয়ে ফাঁক বন্ধ করে দাঁড়ানোর নির্দেশ পাওয়া যায়। আনাস (রাঃ) বলেন, রাসূলুল্লাহ (ছাঃ) এরশাদ করেন, 'তোমরা কাতার সমূহে দুই ইট পরস্পরে মিলানোর ন্যায় মিলে দাঁড়াও এবং দুই কাতারের মাঝের ফাঁক নিকটবর্তী রাখবে। কাঁধসমূহ সমান্তরাল রাখবে। ফাঁক বন্ধ কর, যার হাতে আমার প্রাণ রয়েছে তার কসম, আমি শয়তানকে দেখি যে, কালো ছাগলের বাচ্চার মত সে তোমাদের কাতারের মাঝখানের ফাঁকে ঢুকছে' (আব্দুদাউদ, মিশকাত হা/১০৯৩, ঐ, বঙ্গানুবাদ হা/১০২৫)।

আনাস (রাঃ) বলেন, আমাদের মধ্য থেকে একজন একে অপরের কাঁধের সাথে কাঁধ এবং পায়ের সাথে পা মিলিয়ে নিত। ছাহাবী নু'মান বিন বাশীরও অনুরূপ বলেন (বুখারী ১/১০০ পৃঃ)। ইবনু ওমর (রাঃ) বলেন, তোমরা কাতার

সোজা কর, কাঁধ সমূহ সমানভাবে মিলাও, ফাঁক বন্ধ কর এবং শয়তানের জন্য কোন স্থান ফাঁকা রেখো না। কেননা যে ব্যক্তি কাতারে মিলে দাঁড়াল, আল্লাহ তার সঙ্গে মিলে থাকেন। আর যে ব্যক্তি তা কর্তন করল, আল্লাহ তার সাথে সম্পর্ক কর্তন করে থাকেন' (আবুদাউদ, সনদ হযীহ মিশকাত হ/১১০২)। উক্ত হাদীছগুলি প্রমাণ করে যে, একজন মুছল্লী দাঁড়িয়ে তার ডান এবং বাম পাশের দু'জন মুছল্লীর পায়েস সাথে পা এবং কাঁধের সাথে কাঁধ মিলিয়ে কাতার সোজা করে দাঁড়াবেন (দ্রঃ হালাতুর রাসূল (ছাঃ) পৃঃ ৮৯; আত-তাহরীক জুন '৯৮ প্রশ্নোত্তর ৪/৯৪)।

**প্রশ্নঃ (৮/১৬৮)ঃ** বাংলাদেশের জনৈক মুসলিম মহিলার ভারতীয় এক হিন্দু ছেলের সাথে বিবাহের পর দু'টি পুত্র সন্তান হয়েছে। যাদের বর্তমান বয়স ৮ ও ৬ বছর। উক্ত মহিলা ছেলে দু'টিসহ বাংলাদেশে তার পিতার নিকটে আসলে পিতা তাকে স্বামীর কাছে যেতে নিষেধ করেন এবং ছেলে দু'টিকে মুসলমান করতে চান। কিন্তু মহিলা ও ছেলে দু'টি ভারতে যাওয়ার জন্য কান্নাকাটি শুরু করে। এমতাবস্থায় উক্ত মহিলা ও ছেলে দু'টির করণীয় কি হ'তে পারে?

-মুহাম্মাদ আযীযুদ্দীন  
কাকডাঙ্গা, কলারোয়া  
সাতক্ষীরা।

**উত্তরঃ** শরী'আতের দৃষ্টিতে তাদের বিবাহ হয়নি। তারা ব্যভিচারী ও ব্যভিচারিণীর অন্তর্ভুক্ত। তাদের সন্তান-সন্ততি জারজ সন্তান হিসাবে পরিগণিত। আল্লাহ তা'আলা বলেন, 'এরা (মুসলমান নারীরা) কাফেরদের জন্য হালাল নয় এবং কাফের মহিলারাও তাদের জন্য হালাল নয়' (মুমতাহানা ১০, ডাক্ষীর ইবনু কাহীর ৪/৩৭৫ পৃঃ)। আল্লাহ তা'আলা অন্যত্র বলেন, 'ব্যভিচারী পুরুষ ব্যভিচারিণী নারী অথবা মুশরিক নারী ভিন্ন কাউকে বিবাহ করে না এবং ব্যভিচারিণী নারীকে ব্যভিচারী পুরুষ অথবা মুশরিক পুরুষ ভিন্ন অন্য কেউ বিবাহ করে না। মুসলমানদের জন্য এদেরকে হারাম করা হয়েছে' (নূর ৩)। অতএব হিন্দু যেহেতু কাফের এবং মুশরিক, সেহেতু তাদের সাথে কোন ঈমানদার মুসলিম রমণী বিবাহ বসতে পারে না।

প্রকাশ থাকে যে, উক্ত মহিলা যদি নিজের ধর্ম পরিত্যাগ করে বিধর্মীতে পরিণত হয়ে থাকে, তাহ'লে তাকে পুনরায় ইসলামের দাওয়াত দিতে হবে। যদি সে দাওয়াত কবুল না করে তবে সে হত্যাযোগ্য অপরাধী। আব্দুল্লাহ ইবনু আব্বাস (রাঃ) বলেন, রাসূলুল্লাহ (ছাঃ) এরশাদ করেছেন... 'যে ব্যক্তি তার ধীন ইসলামকে পরিবর্তন করবে, তাকে হত্যা কর' (বুখারী ২/১০২৩ 'মুরতাদ ও আল্লাহদ্রোহীদের সাথে যুদ্ধের বর্ণনা' অধ্যায়)। ছেলে দু'টিকে তাদের ইচ্ছার উপরে ছেড়ে দিতে হবে। উল্লেখ্য যে, ইসলামী হৃদয় বাস্তবায়নের অধিকার কেবলমাত্র ইসলামী রাষ্ট্রের সরকারের, অন্যদের নয়।

**প্রশ্নঃ (৯/১৬৯)ঃ** রামায়ান মাসে লায়লাতুল কুদরে পশু-পাখি, গাছপালা, কীট-পতঙ্গ ইত্যাদি নাকি আল্লাহকে সিজদা করে, এর সত্যতা জানিয়ে বাধিত করবেন।

-শেখ আব্দুহ হামাদ  
বুলারাতী, আলীপুর  
সাতক্ষীরা।

**উত্তরঃ** পশু-পাখি, গাছ-পালা, কীট-পতঙ্গ ইত্যাদি নির্দিষ্টভাবে রামায়ান মাসে কুদরের রাতে আল্লাহকে সিজদা করে এ কথা সঠিক নয়। তবে এগুলিসহ ফেরেশতাকুল ও আসমান-যমীনে যা কিছু আছে, সবাই যে আল্লাহকে সিজদা করে একথা পবিত্র কুরআন দ্বারা প্রমাণিত। আল্লাহ বলেন, 'আল্লাহকে সিজদা করে যা কিছু নভোমণ্ডল ও ভূমণ্ডলে আছে এবং ফেরেশতাগণ, তারা অহংকার করে না' (নাহল ৪৯)। তবে এই সিজদা হ'ল তাদের যথাযোগ্য নিয়মে, যা আল্লাহর জন্য প্রযোজ্য।

**প্রশ্নঃ (১০/১৭০)ঃ** খারাপ মাল দ্বারা যাকাত প্রদান করলে যাকাত কবুল হবে কি? আর যাকাতদাতার উপর কোন গোনাহ বর্তাবে কি? আবার অনেককে দেখা যায়, ব্যক্তিগত রাগাঙ্গির কারণে যাকাতের হকদার ব্যক্তিকে যাকাত দেননা। এমন আচরণ শরী'আত সম্মত কি?

-আযীযুর রহমান  
চণ্ডিপুর, মণিরামপুর, যশোর।

**উত্তরঃ** ভাল মাল থাকা সত্ত্বেও খারাপ মাল দ্বারা যাকাত আদায় করা শরী'আত সম্মত নয়। আল্লাহ তা'আলা বলেন, 'হে ঈমানদারগণ! তোমরা স্বীয় উপার্জন থেকে এবং যা আমি তোমাদের জন্য ভূমি থেকে উৎপন্ন করেছি, তা থেকে উৎকৃষ্ট বস্তু ব্যয় কর এবং তা থেকে নিকৃষ্ট বস্তু ব্যয় করতে মনস্থ কর না। কেননা তোমরা নিজেরা কখনো তা নিতে রায়ী হও না। তবে চক্ষু বন্ধ করে গ্রহণ করলে তা স্বতন্ত্র কথা' (বাক্বারাহ ২৬৭)।

সুতরাং উচ্চমানের মাল থাকা সত্ত্বেও নিম্ন মানের মাল দ্বারা যাকাত আদায় করলে তা পাপের কারণ হবে। আওফ ইবনু মালেক (রাঃ) হ'তে বর্ণিত, একদা রাসূলুল্লাহ (ছাঃ) মসজিদে প্রবেশ করে নিম্নমানের খেজুর খুশানো দেখে বললেন, এই দানকারী ব্যক্তি ইচ্ছা করলে এর চেয়ে উৎকৃষ্ট মাল দান করতে পারত। অতঃপর বললেন, এই ব্যক্তি অবশ্যই কিয়ামতের দিন ঐ নিম্নমানের খাদ্যই খাবে (হযীহ আবুদাউদ হ/১৬০৮)।

ব্যক্তিগত রাগাঙ্গির কারণে যাকাতের হকদার ব্যক্তিকে বঞ্চিত করা সমীচীন নয়। আয়েশা (রাঃ)-এর অপবাদের ঘটনায় মুনাফিকদের সাথে আবুবকর (রাঃ)-এর দরিদ্র খালাতো ডাই মিসতাহ খোগ দিয়েছিলেন। আল্লাহ যখন মা আয়েশাকে অপবাদ থেকে মুক্ত করলেন, তখন আবুবকর হিন্দীক্ব (রাঃ) রাগান্বিত হয়ে শপথ করে বলেন, আমি

মেসতাহকে যে ভাতা প্রদান করতাম, তা আর প্রদান করব না। তখন রাসূলুল্লাহ (ছাঃ) বলেন, তোমার শপথ প্রত্যাহার কর এবং তাকে যে ভাতা প্রদান করতে তা প্রদান কর (বুখারী ২/৫৯৫ 'যুদ্ধ-ক্বিবহ' অধ্যায় 'ইফকের বর্ণনা' অনুচ্ছেদ)। এ থেকে প্রমাণিত হয় যে, ক্রোধের বশবর্তী হয়ে কোন হকদারের হক বিনষ্ট করা যাবে না।

**প্রশ্নঃ (১১/১৭১)ঃ মসজিদে ইমামের পিছনে এক পার্শ্বে পুরুষ ও এক পার্শ্বে মহিলারা ছালাত আদায় করছে। তবে উভয়ের মাঝে পর্দা রয়েছে। কিন্তু কাতারে দাঁড়ানোর ক্ষেত্রে উভয়ে একই কাতারে দাঁড়ায়। এভাবে ছালাত আদায় করা যাবে কি?**

-মুহাম্মাদ নয়রুল ইসলাম  
চকবিস্তুরপুর, পোরশা, নওগাঁ।

**উত্তরঃ** মসজিদের মধ্যে ইমামের পিছনে পুরুষের কাতারের এক পার্শ্বে পর্দার মধ্যে থেকে কাতারবন্দী হয়ে মহিলাদের ছালাত আদায় করা জায়েয (মুহাম্মাদ বিন হালেহ আল-উছায়মীন, ফাতাওয়া আরকানুল ইসলাম, 'মহিলাদের কাতারের হুকুম' অনুচ্ছেদ, পৃঃ ৩১০-৩১১)। রাসূলুল্লাহ (ছাঃ) বলেছেন, 'মহিলাদের সর্বোত্তম কাতার হ'ল পিছনের কাতার, আর নিকৃষ্ট কাতার হ'ল সামনের কাতার' (মুসলিম, মিশকাত হা/১০৯২ 'কাতার সোজা করা' অনুচ্ছেদ 'ছালাত' অধ্যায়)। তবে পর্দার ব্যবস্থা থাকলে (যেমন বর্তমান যুগে বিভিন্ন মসজিদে রয়েছে) মহিলাদের প্রথম কাতার ভাল হবে পিছনের কাতারের চাইতে। পর্দার অন্তরালে থাকলে এবং ইমামের তাকবীর শুনতে পেলে নারী-পুরুষ সমান্তরাল কাতারে দাঁড়ানোতে শরী'আতে কোন বাধা নেই (বুখারী ১/১০১ পৃঃ)।

**প্রশ্নঃ (১২/১৭২)ঃ যিনি নিয়মিত 'আইয়ামে বীয'-এর ছিয়াম পালন করেন, তিনি শাওয়াল মাসের ৬টি ছিয়াম উক্ত তিন দিন ব্যতীত অন্য সময়ে আদায় করবেন? নাকি উক্ত তিনটি সহ মোট ৬টি ছিয়াম পালন করলে উভয় ছিয়ামের নেকী পাবেন?**

-মোস্তফা  
খুরইল ডি. এইচ কামিল মাদরাসা  
মোহনপুর, রাজশাহী।

**উত্তরঃ** 'আইয়ামে বীয'-এর ছিয়াম এবং শাওয়াল মাসের ছিয়াম প্রত্যেকটির নেকী পৃথক। শাওয়াল মাসের ছিয়ামের হিসাব হ'ল রামাযানের সাথে। আর আইয়ামে বীয-এর হিসাব প্রত্যেক মাসের সাথে। অতএব যিনি নিয়মিত 'আইয়ামে বীয'-এর ছিয়াম পালন করেন, তিনি আইয়ামে বীয-এর তিনটি ছিয়াম এবং শাওয়াল মাসের ৬টি ছিয়াম পৃথক পৃথকভাবে পালন করবেন।

**প্রশ্নঃ (১৩/১৭৩)ঃ নাছিরুদ্দীন আলবানী প্রণীত এবং আকরামুযযামান অনুদিত 'ছালাত সম্পাদনের পদ্ধতি' বই-য়ে তিন রাক'আত ও চার রাক'আত বিশিষ্ট ছালাতে প্রথম বৈঠকে তাশাহুদের পর দরুদ পাঠ করার যে**

**বর্ণনা এসেছে, সে ব্যাপারে বিস্তারিত জানালে কৃতজ্ঞ হব।**

-লিয়াকত আলী  
৩৪২/১ মধ্য মাদারটেক  
ঢাকা।

**উত্তরঃ** তাশাহুদের পরে দরুদ পাঠের সাধারণ নির্দেশের আলোকেই শায়খ আলবানী অনুরূপ ফৎওয়া দিয়েছেন (হিফতু ছালাতিন নবী পৃঃ ১৪৬)। যদিও শেষ বৈঠকে তাশাহুদের পরে দরুদ পাঠের বিষয়টি বিভিন্ন হাদীছ দ্বারা স্পষ্ট বুঝা যায়। যেমন ইবনু মাসউদ (রাঃ) বলেন, রাসূলুল্লাহ (ছাঃ) যখন প্রথম দু'রাক'আত শেষে বসতেন, তখন মনে হ'ত তিনি যেন গরম পাথরের উপরে বসেছেন'। এর দ্বারা তিনি অল্পক্ষণ বসতেন বুঝানো হয়েছে। আলবানী বলেন, তিরমিযী বর্ণিত উক্ত হাদীছটির সকল বর্ণনাকারী বিশ্বস্ত। তবে তিরমিযী বলেন যে, ওবায়দাহ স্বীয় পিতা ইবনু মাসউদ (রাঃ) থেকে হাদীছটি শোনেননি (মিশকাত হা/১১৫-এর টীকা)। অর্থাৎ মুছল্লী প্রথম বৈঠকে কেবল 'আত্তাহিয়াতু' পড়েই উঠে যাবে, অন্য কিছু নয়। ইমাম তিরমিযী বলেন, এই আমল জারি রয়েছে বিদ্বানগণের নিকটে। এর বেশী কিছু পড়লে সিজদায়ে সহো দিতে হবে। ছাহেবে মির'আত বলেন, সিজদায়ে সহো দেওয়ার ব্যাপারে কোন হাদীছ নেই। তালখীছুল হাবীর ১০১ পৃষ্ঠায় বলেন, ইবনু আবী শায়বা ছহীহ সনেদে বর্ণনা করেন যে, আবুবকর যখন প্রথম বৈঠকে বসতেন, তখন তিনি যেন গরম পাথরের উপরে বসতেন'। ইবনু ওমর থেকেও অনুরূপ বর্ণনা এসেছে। অতঃপর তিনি বলেন, আহমাদ ও ইবনু খুযায়মা বর্ণনা করেছেন যে, ইবনু মাসউদ বলেন যে, তাঁকে আল্লাহর রাসূল (ছাঃ) তাশাহুদ শিক্ষা দেন। ... অতঃপর তিনি ছালাতের মধ্যখানে হ'লে তাশাহুদ পড়েই উঠে যেতেন। আর শেষ বৈঠক হ'লে তাশাহুদের পরে ইচ্ছামত দো'আ করতেন। অতঃপর সালাম ফিরাতেন' (ছহীহ ইবনু খুযায়মা হা/৭০৮ সনেদ হাসান)। অত্র হাদীছগুলির সমর্থনের কারণেই তিরমিযী স্বীয় বর্ণিত হাদীছকে 'হাসান' বলেছেন (মির'আত ৩/২৪৩)। ইবনুল কাইয়িম বলেন, প্রথম বৈঠকে রাসূলুল্লাহ (ছাঃ) দরুদপাঠ করেছেন বলে কিছু বর্ণিত হয়নি। যিনি এটাকে মুস্তাহাব বলেন, তিনি দরুদ পাঠের সাধারণ নির্দেশের উপরে ধারণা করেই সম্ভবত এটা বলেন। যদিও শেষ বৈঠকে দরুদ পাঠের বিষয়টি বিশুদ্ধভাবে স্পষ্ট হয়ে গেছে' (যাদুল মা'আদ ১/২৩৭; ফিক্‌হুস সুন্নাহ ১/১২৯)।

**প্রশ্নঃ (১৪/১৭৪)ঃ পবিত্র কুরআন হাত অথবা তাক থেকে পড়ে গেলে কিংবা অসাবধানতা বশতঃ পা লাগলে চুষন করা যাবে কি? না এর বিনিময়ে কিছু দিতে হবে?**

-আনোয়ার  
বাঁকড়া, চারঘাট, রাজশাহী।

**উত্তরঃ** কুরআন সর্বাধিক উচ্চ মর্যাদাসম্পন্ন পবিত্র গ্রন্থ (বুরুজ



-রফীকুল ইসলাম

কাতলাসেন, ময়মনসিংহ।

উত্তরঃ রাসূলুল্লাহ (ছাঃ) 'ওয়ালেস কুরনী'কে জামা দান করেছিলেন একথা সত্য নয় এবং তিনি রাসূলুল্লাহ (ছাঃ)-এর মহব্বতে বক্রিশটি দাঁত ভেঙ্গে ছিলেন মর্মেও কোন প্রমাণ নেই। কারো মহব্বতে দাঁত ভেঙ্গে ফেলাও জায়েয নয়। কারণ এত সৃষ্টির পরিবর্তন ঘটে, যা হারাম। যারা সৃষ্টির পরিবর্তন ঘটায় তাদের প্রতি আল্লাহ লানত করেছেন (বুখারী, মুসলিম, মিশকাত হা/৪৪৩১, 'পাষাক' অধ্যায়, 'চুল আঁচড়ানো' অনুচ্ছেদ)। উল্লেখ্য যে, এই উম্মতের মধ্যে শুধুমাত্র ওয়ালেস কুরনীকে রাসূলুল্লাহ (ছাঃ) খলীল বা দোস্ত বলেছেন মর্মে যে হাদীছটি বর্ণিত হয়েছে, সেটি 'জাল' (সিলসিলা যঈফা হা/১৭০৭)।

প্রশ্নঃ (১৯/১৭৯)ঃ ফিতরা বা কুরবানীর চামড়ার টাকা দিয়ে সামাজিক ও ধর্মীয় কাজের জন্য সামিয়ানা তৈরি করা যাবে কি?

-মুত্ত্বালেব

তালশন, ক্ষেতলাল, জয়পুরহাট।

উত্তরঃ ফিতরা বা কুরবানীর চামড়ার টাকা দ্বারা সামাজিক ও ধর্মীয় কাজের জন্য সামিয়ানা তৈরি করা যাবে না। কারণ আল্লাহ তা'আলা যাকাতের জন্য যেসব খাত উল্লেখ করেছেন এটা তার অন্তর্ভুক্ত নয়। এমনকি উক্ত টাকা দ্বারা মৃত ব্যক্তির কাফন-দাফনের ব্যবস্থাও করা যাবে না (মুগনী ৪/১২৫ পৃঃ)। একদা ইমাম আহমাদ (রহঃ)-কে জিজ্ঞেস করা হয়েছিল, যাকাত হ'তে মৃত ব্যক্তির ঋণ পরিশোধ করা যাবে কি? এবং তার কাফন-দাফন করা যাবে কি? জবাবে তিনি বলেছিলেন, না' (মুগনী ৪/১২৬, মাসআলা নং ৪৩১)।

প্রশ্নঃ (২০/১৮০)ঃ পায়ে নূপুর পরা যায় কি? অনেকে বলেন, পায়ে নূপুর পরা ইহুদীদের চলন। বিষয়টি জানিয়ে বাধিত করবেন।

-শারমিন আখতার

বেনীচক, গোমস্তাপুর

চাঁপাই নবাবগঞ্জ।

উত্তরঃ পায়ে নূপুর পরা যাবে না। কারণ নূপুর পরলে এমন শব্দ হয় যাকে ঘন্টার সাথে তুলনা করা হয়েছে। একদা এক মেয়ে টুন টুন বাজনা সম্পন্ন বুঝুর পরে আয়েশা (রাঃ)-এর নিকটে আসলে আয়েশা (রাঃ) বুঝুর খুলে ফেলা পর্যন্ত তাকে ভিতরে প্রবেশ করতে নিষেধ করেন। তিনি বলেন, আমি রাসূলুল্লাহ (ছাঃ)-কে বলতে শুনেছি 'যেখানে ঘন্টা থাকে সেখানে ফেরেশতা আসে না' (হুহীহ আবুদাউদ হা/৩৫৬০; হুহীহ নাসাঈ হা/৪৮১৫-১৮; মিশকাত হা/৪৩৯৯ 'আংটি' অনুচ্ছেদ)। উল্লেখ্য যে, শব্দবিহীন নূপুর পরিধানে কোন দোষ নেই।

প্রশ্নঃ (২১/১৮১)ঃ দুই তলা বিশিষ্ট একটি দালানের প্রথম তলা হচ্ছে সিনেমা হল, আর দ্বিতীয় তলা মসজিদ।

এমন মসজিদ জায়েয হবে কি?

-আমীনুল ইসলাম

মাহমুদপুর, সাতক্ষীরা।

উত্তরঃ মসজিদ ইবাদতের জন্য যেমন ওয়াক্ফ থাকতে হবে, তেমনি সেটার পরিবেশও পবিত্র থাকতে হবে। নীচে সিনেমা হল রেখে উপরে মসজিদ করা নিঃসন্দেহে একটি অবৈধ কাজ। রাসূলুল্লাহ (ছাঃ) কা'বা গৃহে ছালাত আদায়ের সময় ছালাতে অমনোযোগী করার জন্য কুরায়েশরা গোলমাল ও শব্দ করত (হা-মীম সাজদাহ ২৬)। এতদ্ব্যতীত তারা তালি বাজাতো ও শিশ দিত (আনফাল ৩৫)। বাজনা থেকে রাসূলুল্লাহ (ছাঃ) কানে আঙ্গুল দিয়ে সেখান থেকে সরে যেতেন। ছাহাবীগণও অনুরূপ করতেন (হুহীহ আবুদাউদ হা/৪১১৬ 'শিষ্টাচার' অধ্যায় 'গান-বাজনা মকরুহ' অনুচ্ছেদ)। অতএব সিনেমা হলের পবিত্র পরিবেশে মসজিদ করা কখনোই ঠিক হবে না।

প্রশ্নঃ (২২/১৮২)ঃ মৃত ব্যক্তিকে দাফন না করা পর্যন্ত পরিবারের সকল সদস্যকে না খেয়ে থাকতে হবে, একথাটি কি ঠিক?

-ইউনুস রহমান

মুশরিভুজা, ভোলাহাট

চাঁপাই নবাবগঞ্জ।

উত্তরঃ ঠিক নয় বরং এগুলি জাহেলী প্রথা। জা'ফর বিন আবু ত্বালিব (রাঃ)-এর শহীদ হওয়ার সংবাদ রাসূলুল্লাহ (ছাঃ)-এর নিকটে পৌছার পরপরই রাসূলুল্লাহ (ছাঃ) তার পরিবারের জন্য অন্যদেরকে খাদ্য তৈরি করতে বলেন, অথচ তখন তাঁর কাফন-দাফন হয়নি' (আবুদাউদ, তিরমিযী, ইবনু মাজাহ, নায়ল ৪/১০৪ পৃঃ; ফিক্হুস সুন্নাহ ১/২৬১ পৃঃ; মিশকাত হা/১৭৩৯)। রাসূলুল্লাহ (ছাঃ)-এর মৃত্যুর পর তিন দিন যাবত তাঁর লাশ দাফন করা হয়নি (আর-রাহীকুল মাখতুম, পৃঃ ৪৭১)। অথচ তাঁর পরিবার তিন দিন না খেয়ে ছিলেন এমন কোন প্রমাণ নেই।

প্রশ্নঃ (২৩/১৮৩)ঃ ছালাত চলা অবস্থায় আগভুক্ত ব্যক্তি মুছল্লীদের সালাম দিতে পারে কি?

-হাদেকুল ইসলাম

চৌডালা, গোমস্তাপুর

চাঁপাই নবাবগঞ্জ।

উত্তরঃ উক্ত অবস্থায় মসজিদে প্রবেশকারী ব্যক্তি মুছল্লীদের সালাম দিতে পারে। এ সময়ে মুছল্লীগণ মুখে উচ্চারণ করে সালামের উত্তর না দিয়ে বরং হাতের ইশারায় উত্তর দিবে। ইবনু ওমর (রাঃ) বলেন, আমি বেলাল (রাঃ)-কে বললাম, ছালাত অবস্থায় মুছল্লীগণ রাসূলুল্লাহ (ছাঃ)-কে সালাম দিলে তিনি কিভাবে উত্তর দিতেন। বেলাল (রাঃ) বললেন, হাতের ইশারায় উত্তর দিতেন (নাসাঈ, তিরমিযী, মিশকাত হা/৯৯১ সনদ হাসান)। নাফে' (রাঃ) বলেন, একদা ইবনু ওমর (রাঃ) এক মুছল্লীর পাশ দিয়ে যাওয়ার সময় সালাম দিলেন,

মুছল্লী মুখে উচ্চারণ করে উত্তর দিল। তিনি তার নিকট ফিরে গিয়ে বললেন, তোমাদের কারো প্রতি ছালাত অবস্থায় সালাম দিলে মুখে উচ্চারণ করে উত্তর দিবে না। হাতের ইশারায় উত্তর দিবে (মুওয়াত্তা মালেক, মিশকাত হা/১০১৩ সনদ ছহীহ)।

**প্রশ্নঃ (২৪/১৮৪)ঃ আমার পিতা বিদ'আতী কাজের মাধ্যমে আমাকে অর্থ উপার্জন করতে বলেন। এমতাবস্থায় আমার করণীয় কি?**

-নাম প্রকাশে অনিচ্ছুক  
গোপালপুর, চারঘাট, রাজশাহী।

**উত্তরঃ** বিদ'আতী কাজের মাধ্যমে অর্থ উপার্জন করা হারাম। আর হারাম কাজে পিতা-মাতার আদেশ পালন করা যাবে না। নাওয়াস ইবনে সাম'আন (রাঃ) বলেন, রাসূলুল্লাহ (ছাঃ) বলেছেন, 'স্রষ্টার অবাধ্যতায় সৃষ্টির প্রতি কোন আনুগত্য নেই' (মুত্তাফাও আল্লাইহ, শারহুস সুন্নাহ, মিশকাত হা/৩৬৬৪ ও ৩৬৯৬ 'নেতৃত্ব ও বিচার' অধ্যায়)।

**প্রশ্নঃ (২৫/১৮৫)ঃ ডিপোজিট পেনশন ফীমে আমার কিছু টাকা জমা আছে। মেয়াদ শেষ না হওয়া পর্যন্ত মুনাফা পাব না। এখন আমাকে মূল টাকার যাকাত দিতে হবে, নাকি মূল ও লাভ সমষ্টির যাকাত দিতে হবে?**

-আব্দুল হামীদ  
হেলেনাবাদ, রাজশাহী।

**উত্তরঃ** যেহেতু এই টাকা ব্যবসা মূলক রয়েছে। কাজেই প্রতি বছর মূল টাকা ও লাভের টাকা হিসাব করে যাকাত বের করতে হবে। সামুরা বিন জুনদব (রাঃ) বলেন, রাসূলুল্লাহ (ছাঃ) আমাদেরকে ব্যবসার সম্পদ হিসাব করে যাকাত বের করতে বলেছেন' (আবুদাউদ, বুলুগল মারাম হা/৬০৯ 'যাকাত' অধ্যায়, ফিক্‌হুস সুন্নাহ ১/৩৩২ পৃঃ)।

**প্রশ্নঃ (২৬/১৮৬)ঃ যৌতুক নিয়ে বিবাহ করলে কি স্বামী-স্ত্রীর মেলামেশা অবৈধ হবে?**

-রাফিয়া খাতুন  
মহেশপুর, পীরগঞ্জ, ঠাকুরগাঁও।

**উত্তরঃ** যৌতুক নিয়ে বিবাহ করলে স্বামী-স্ত্রীর মেলামেশা অবৈধ হবে না। কারণ যৌতুক একটি হারাম কাজ, তা বৈধ বিবাহের কোন ক্ষতি করতে পারে না। উল্লেখ্য যে, যৌতুক গ্রহণ করা হারাম। আল্লাহ তা'আলা যেখানে মোহরানার বিনিময়ে বিবাহ করতে বলেছেন (নিসা ২৩), সেখানে উল্টা স্ত্রীর নিকট থেকে অর্থ গ্রহণ করা আল্লাহর হুকুমের বিরুদ্ধে যুদ্ধ ঘোষণার শামিল। মুসলমান ছেলেদের এ বিষয়ে কঠোর হওয়া উচিত।

**প্রশ্নঃ (২৭/১৮৭)ঃ মসজিদের টাকা ব্যাংকে রেখে সে টাকা দিয়ে ইমামের বেতন দেওয়া যাবে কি?**

-শফীকুর রহমান  
নামুড়ি, আদিতমারী

লালমণিরহাট।

**উত্তরঃ** মসজিদের টাকা ব্যাংকে রেখে ইমামের বেতন দেওয়া যাবে। তবে টাকা যে কোন ইসলামী ব্যাংকে রাখতে হবে অথবা সুদমুক্ত অবস্থায় রাখতে হবে। কারণ সুদ যেমন কোন মুসলমানের জন্য গ্রহণ করা বৈধ নয়, তেমনি ইমামের জন্যও গ্রহণ করা বৈধ নয়। রাসূলুল্লাহ (ছাঃ) সুদ দাতা, সুদ গ্রহীতা, সুদের লেখক ও সুদের সাক্ষীদ্বয়ের প্রতি লা'নত করেছেন এবং বলেছেন তারা সকলেই সমান' (মুসলিম, মিশকাত হা/২৮০৭ 'ক্রয়-বিক্রয়' অধ্যায় 'সুদ' অনুচ্ছেদ)।

**প্রশ্নঃ (২৮/১৮৮)ঃ গাছ-পালা ও যমীনকে সাক্ষী রেখে বিয়ে করা কি জায়েয হবে?**

-আব্দুহ হামাদ  
চৌডালা, গোমস্তাপুর  
চাঁপাই নবাবগঞ্জ।

**উত্তরঃ** এ ধরনের বিবাহ জায়েয নয়, কেউ করলে তা বাতিল হবে। কারণ বিবাহ বৈধ হওয়ার জন্য একজন ওয়ালী ও দু'জন সাক্ষী অপরিহার্য (নায়ল ৬/১২৬ পৃঃ; ফিক্‌হুস সুন্নাহ ২/১৯৭ পৃঃ)। বিবাহ মুসলিম জীবনে ঈমানের মাপকাঠি। এটা নিয়ে এ ধরনের খেল-তামাশা করার বিরুদ্ধে কঠোর সামাজিক শাসন ও রাষ্ট্রীয়ভাবে আইনগত ব্যবস্থা নেওয়া যরুরী।

**প্রশ্নঃ (২৯/১৮৯)ঃ ডান পায়ে অসুখ হওয়ার কারণে দাঁড়িয়ে ছালাত আদায় করলে ছালাত হবে কি?**

-মনছুর আলী  
হরিরামপুর, বাঘা, রাজশাহী।

**উত্তরঃ** ছালাতে বসতে অসুবিধা হলে দাঁড়িয়ে থেকে আদায় করলে ছালাত হয়ে যাবে। আল্লাহ তা'আলা এরশাদ করেন 'তোমরা তোমাদের সাধ্যানুযায়ী আল্লাহকে ভয় কর' (ভাগবন ১৬)। পীড়িত ব্যক্তি সক্ষম হলে দাঁড়িয়ে ছালাত আদায় করবে। নচেৎ বসে অথবা শুয়ে বা কাত হয়ে বা ইশারা করে ছালাত আদায় করবে। অথবা তার সুবিধা মত ছালাত আদায় করবে (ফিক্‌হুস সুন্নাহ, 'পীড়িত ব্যক্তির ছালাত' অনুচ্ছেদ ১/২৬০, ২৬১ পৃঃ)।

**প্রশ্নঃ (৩০/১৯০)ঃ এক খণ্ড জমি দুই ব্যক্তির নিকট বিক্রি করলে উক্ত জমি কোন ব্যক্তি পাবে?**

-আব্দুল বারী  
পাঁচদোনা, নরসিংদী।

**উত্তরঃ** ১ম ব্যক্তি উক্ত জমি পাবে। সামুরা বিন জুনদব (রাঃ) হ'তে বর্ণিত, রাসূলুল্লাহ (ছাঃ) এরশাদ করেন, 'যে নারীকে দুই ওয়ালী দুই ব্যক্তির নিকট বিবাহ দিয়েছে, সে প্রথম ব্যক্তির হবে। অনুরূপভাবে যে ব্যক্তি দু'জনের নিকট কোন মাল বিক্রয় করেছে, সে মাল প্রথম জনের হবে' (তিরমিযী, আবুদাউদ, নাসাঈ, দারেমী, মিশকাত হা/৩১৫৬ 'বিবাহের ঘোষণা, খুৎবা ও শর্তাবলী' অনুচ্ছেদ, বাংলা মিশকাত হা/৩০২১)।





